

ADMIT ✓


ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱ  
ՊԱՏՄՈՒԹՅԱՆ ԻՆՍՏԻՏՈՒՏ

# ՀԱՅ ԺՈՂՈՎՐԴԻ ՊԱՏՄՈՒԹՅՈՒՆ

ԲԱԶՄԱՀԱՏՈՐՑԱԿԻ ԽՄԲԱԳՐԱԿԱՆ ԿՈՒՆԳԻՍ

Աղայան Ծ. Պ., Առաքելյան Բ. Ն., Ավետիսյան Հ. Ա., Գալոյան Գ. Ա., Երեմյան Ս. Տ.,  
Խաչիկյան Լ. Ս., Հակոբյան Ա. Մ., Հովհաննիսյան Ա. Գ., Ներսիսյան Մ. Գ.

A III  
5678



ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՀՐԱՄԱՐԱԶՈՒԹՅՈՒՆ  
Ե Ր Ե Վ Ա Ն    1984

## ՀԱՏՈՐ II

# ՀԱՅԱՍՏԱՆԸ ՎԱՂ ՖԵՈՂԱԼԻԶՄԻ ԺԱՄԱՆԱԿԱՇՐՋԱՆՈՒՄ

Հ Ա Տ Ո Ր Ի Խ Մ Բ Ա Գ Ր ՈՒ Թ Յ ՈՒ Ն

Երեմյան Ս. Տ. (պատ. խմբագիր), Առաքելյան Բ. Ն. (պատ. խմբագիր)  
Արևշատյան Ս. Ս., Բարսիկյան Հ. Մ.,  
Դանիելյան Է. Լ., Տեր-Ղևոնդյան Ա. Ն.

Տպագրվում է ՀՍՍՀ ԳԱ պատմության ինստիտուտի  
գիտական խորհրդի որոշմամբ

Հայ ժողովրդի պատմություն /ՀՍՍՀ ԳԱ Պատմ. ին-տ.  
Հ 24 խմբ. կոլեգիա՝ Մ. Պ. Աղայան, Բ. Ն. Առաքելյան, Հ. Ա.  
Ավետիսյան, Գ. Ա. Գալոյան, Ս. Տ. Երեմյան և ուրիշ.—  
Եր.: ՀՍՍՀ ԳԱ հրատ., 1984:

Հ. Ձ. Հայաստանը վաղ ֆեոդալիզմի ժամանակաշրջանում, 691 էջ, 6 քարտեզ, 34 թերթ նկ.:

Հատորն ընդգրկում է Հայաստանի վաղ ֆեոդալիզմի դարաշրջանի պատմությունը (III—IX դդ.): Արտացոլված են ստրկատիրական հարաբերությունների քայքայման ու անկման պատմությունը, ֆեոդալական հարաբերությունների հաղթանակն ու տիրապետությունը:

Լուսաբանվում են Արշակունիների թագավորության շրջանը, պարսկարյուզանդական և արաբական տիրապետությունը, տվյալ ժամանակաշրջանի քաղաքական, սոցիալ-տնտեսական և մշակութային կյանքը: Փննության են առնված օտար նվաճողների քաղաքականությունը և նրա կործանարար հետևանքները հայ ժողովրդի համար, նրա դարավոր ազգային-ազատագրական պայքարը օտար նվաճողների դեմ:

Առանձին բաժին է նվիրված հայ ժողովրդի մշակույթի պատմությանը՝ հայոց գրերի ստեղծմանը, գիտությունը, արվեստին:

0505040000

ԳՄԻ 63. 3 (22) 1

Հ—————23—80

9 (C 43) 1

703 (02)—84

Հայկական ՍՍՀ ԳԱ հրատարակչություն, 1984



ԲԱԺԻՆ Բ



ՀԱՅ ԺՈՂՈՎՐԴԻ ՊԱՅՔԱՐԸ  
ՍԱՍԱՆՅԱՆ ԻՐԱՆԻ ԵՎ  
ԲՅՈՒՉԱՆԴԱԿԱՆ ԿԱՅՍՐՈՒԹՅԱՆ  
ՏԻՐԱՊԵՏՈՒԹՅԱՆ ԴԵՄ  
V-VII ԴԱՐԵՐՈՒՄ

2. Ֆեոդալական տնտեսության զարգացումը, Սեփականության ձևերը, Ֆեոդալականացնա կախյալ գյուղացիության վիճակի ծանրացումը	132
3. Պետական կառավարման սխեման, Գործակալություններ	139
4. Հայաստանի բաղաձայնը, առևտուրն ու արհեստները III—IV դդ.	147
5. Դասակարգային հսկայությունների սրումը, Անապատականների համայնքների ստեղծումը, Մծղեն և բորբորիտոն աղանդները	154

## Բ Ա Ճ Ի Ն Բ

### ՀԱՅ ԺՈՂՈՒԼՐԻ ՊԱՅՔԱՐԸ ՄԱՍԱՆՅԱՆ ԻՐԱՆԻ ԵՎ ԲՅՈՒՋԱՆԿԱԿԱՆ ԿԱՑԱՐՈՒԹՅԱՆ ՏԻՐԱՊԵՏՈՒԹՅԱՆ ԴԵՄ V—VII ԴԱՐՆԵՐՈՒՄ

Դյուխ Զոքերուդ—Հայաստանի քաղաքական վիճակը Մեծ Հայքի քաղաքացւոյան անկումից հետո: Սասանյան Պարսկաստանի ներքին ստատիկայումը (Ս. Տ. Նրեմյան)	
1. Սասանյան տիրապետության հաստատումը Հայաստանում	165
2. Արտաշատի ժողովը: Նախարարների Տիգրան մեկնելը և վերադարձը	171
Դյուխ Ուրեուդ—Հայոց պատերազմը (Ս. Տ. Նրեմյան)	
1. Համաժողովրդական տարերային շարժումն ընդդէմ Սասանյանների	176
2. Զինված ապստամբությունը Սասանյանների դէմ: Ավարայրի ճակատամարտը	180
3. Տարերային պայքարը Սասանյանների տիրապետության դէմ: Տիգրանի դատաւարությունը	188
Դյուխ Ինենբուրգ—Ներսիսի ճամփաբանական և պատմական շարժումը և դրա հետևանքները Հայաստանի ճամփա V դ. վերջում—VI դ. սկզբում (Ս. Տ. Նրեմյան)	
1. Հայաստանը «Հայոց պատերազմից» հետո: Հաղկերտ Բ-ի նոր քաղաքականությունը	193
2. 482—484 թթ. ապստամբությունը	198
3. Հայաստանը՝ Տանուտիրական երկիր	207
4. Մարզպանական Հայաստանը Հյուսիսային սպարապետության կազմում: Սասանյանների նոր հարկային քաղաքականությունը	212
Դյուխ Մասնեբուրգ—Բյուզանդական Հայաստանի քաղաքական և սոցիալ-տնտեսական դրությունը ճախքան Հուստինիանոս Ա-ի ռեֆորմները (Հ. Մ. Բարթիկյան)	
1. Բյուզանդական Հայաստանի վարչաքաղաքական բաժանումը	216
2. Բյուզանդական Հայաստանի սոցիալ-տնտեսական վիճակը	221
Դյուխ Լուսնեբուրգ—Հուստինիանոս Ա-ի վարչաքաղաքական ու ռազմական միջոցառումները Բյուզանդական Հայաստանում և հայերի ընդվզումները կայսրության դէմ (Հ. Մ. Բարթիկյան)	
1. Բյուզանդական կայսրության հզորացումը Հուստինիանոս Ա-ի օրոք	230
2. Հուստինիանոս Ա-ի վարչաքաղաքական ու ռազմական միջոցառումները բյուզանդական Հայաստանում	239
3. Հուստինիանոս կայսեր օրերները հայոց ժողովրդական իրավունքի մասին	245
4. Հայ ժողովրդի ընդվզումները կայսրության դէմ	243
Դյուխ Լուսնեբուրգ—Մարզպանական Հայաստանը VI դարում (Վ. Կ. Լսկանյան)	
1. Օտար լծի ծանրացումը Հայաստանում	251
2. Հայ ժողովրդի 572 թ. ապստամբությունը Սասանյան Պարսկաստանի դէմ և պարսկաբյուզանդական պատերազմը	257
3. 591 թ. պարսկաբյուզանդական հաշտության պայմանագիրը և Հայաստանը	263
4. Բյուզանդական քաղաքականությունը Հայաստանում Մորիկ կայսեր օրոք	266
5. Ապստամբությունները Բյուզանդիայի և Սասանյան Պարսկաստանի դէմ	271
6. Սասանյան և վաղբյուզանդական դրամների շրջանառությունը Հայաստանում III—VI դդ. (Խ. Մուշեղյան)	276
Դյուխ Լուսնեբուրգ—Հայաստանը և պարսկաբյուզանդական հակամարտության վերջին փուլը (Ե. Լ. Դանիելյան)	
1. Հայաստանը հակամարտող տերությունների միջև VII դարի սկզբներին	283
2. Պարսկաբյուզանդական պատերազմի վերսկսումը: Խոսրով II Փարվեզի քաղաքականությունը դավանանքի բնագավառում	289
3. Հայաստանը և Հերակ կայսեր պարսկական արշավանքները	296

## ՀԱՅԱՍՏԱՆԻ ՔԱՂԱՔԱԿԱՆ ՎԻՃԱԿԸ ՄԵԾ ՀԱՅՔԻ ԹԱԳԱՎՈՐՈՒԹՅԱՆ ԱՆԿՈՒՄԻՑ ՀԵՏՈՒ ՍԱՍԱՆՑԱՆ ՊԱՐԾԿԱՍՏԱՆԻ ՃՆՇՄԱՆ ՍԱՍՏԿԱՑՈՒՄԸ

### 1. ՍԱՍԱՆՑԱՆ ՏԻՐԱՊԵՏՈՒԹՅԱՆ ՀԱՍՏԱՏՈՒՄԸ ՀԱՅԱՍՏԱՆՈՒՄ

Հայաստանում թագավորական իշխանության անկումից հետո ռիչիսանությունն անցավ հայոց նախարարներին,— գրում է Նդիշեն,— որովհետև թեպետև հարկը պարսից արքունիքին էր գնում, սակայն Հայոց հեծելազորն ամբողջապես նախարարներն էին առաջնորդում պատերազմի ժամանակը<sup>1</sup>։

Իրականում նախարարական Հայաստանը, որտեղ Վռամ Ե Գոռը կառավարիչ էր նշանակել Վեհմիհրշապուհ մարզպանին<sup>2</sup>, դառնում էր սասանյան պետության վարչական միավորումներից մեկը մարզպանի իշխանության ներքո։ Պարսից արքունիքը վաղ թե ուշ ձգտելու էր խախտել նախարարների արտոնյալ վիճակը, կոտրել հայ ժողովրդի դիմադրությունը և իրավական-վարչական տեսակետից երկիրը ձուլել այլ պարսկական վարչական միավորների հետ։ Այդ խիստ բացասական հետևանքներ էր ունենալու երկրի համար։ Սակայն առայժմ Սասանյանները նախարարների և հայոց եկեղեցու հանդեպ վարում էին հանդուրժողական քաղաքականություն։

Ի հատուցումն այն գործակցության, որ Արտաշեսի գահընկեցության հարցում հայ նախարարները ցույց տվեցին Վռամ Ե Գոռին (421—439), պարսից արքան նրանց հայրենիք վերադարձրեց մեծ պատիվներով<sup>3</sup>։ Ինչպես Նդիշեն է ասում, ճաստվածապաշտությունը բաց ճակատով ու ինքնիշխան փայլում էր Հայոց աշխարհում, արքայից արքա Շապուհի (Գ) թագավորության սկզբից մինչև Վռամի որդի արքայից արքա Հազկերտի (Բ) երկրորդ տարին<sup>4</sup>, այսինքն՝ 383—440 թթ.։ Հռոմեական բնույթի այս հաղորդումն, անշուշտ,

1 Նդիշի Վասն Վարդանայ և Հայոց պատերազմին, ի լոյս ածելու բաղադրություններով ձեռագրաց աշխատությունը Ե. Տեր-Մինասյանի, Երևան, 1957։ Առաջին լիակատար, ժամանակ, էջ 6։ Նդիշի Վարդանանց պատմությունը, թարգմանություն և ծանոթագրություններ Ե. Տեր-Մինասյանի, Երևան, 1958, Ա գլուխ, աշխ. թարգմ. էջ 13։ Տե՛ս նաև՝ Հ. Մանեղյան, Քննական տեսություն, հ. Բ, մ. Ա, էջ 285—287։

2 Հ. Մանեղյան, նշվ. աշխ., էջ 287։

3 Շապուհայ Փարպեցու Պատմություն Հայոց և Թուրք առ Վահան Մամիկոնեան, աշխատություն Գ. Տեր-Մկրտչեան և Ստ. Մալխոսեանց, Տփղիս, 1904, Ա, ժգ. Աշխ. թարգմ. տե՛ս Ղազար Փարպեցի, Հայոց պատմություն և Թուրք Վահան Մամիկոնյանին, աշխարհաբար թարգմանությունը և ծանոթագրությունները Բազարատ Ուլուբարյանի, Երևան, 1982 (այսուհետև՝ աշխ. թարգմ.), էջ 59։

4 Նդիշեն, Ա (աշխ. թարգմ., էջ 13)։



պետք է որոշ վերապահությամբ ընդունել, քանի որ Նդիշեն նշված ժամանակները համեմատում է Հազկերտ Բ-ի օրոք ստեղծված ծանր դրության հետ։ Բացի այդ Սասանյանները ձգտում էին կաթողիկոսական պատիվը տալ Լուսավորչի տան մրցակիցներին կամ ստորին հոգևորականներին, որը խախտում էր հայ եկեղեցու կազմակերպական հիմքերը։

Սասանյաններին ենթակա Հայաստանի մասն իրենից ներկայացնում էր մեծ և փոքր նախարարական տիրույթների համակարգ։ Նախարարության գլուխ էր կանգնած նախարարը, որը համարվում էր «տէր» կամ «տանուտէր», ուստի նրա իշխանության ներքո գտնվող տարածքը կոչվում էր «տէրութիւն» կամ «տանուտէրութիւն»։ Այդ իշխանություններն իրենց հերթին բաժանվում էին ավելի մանր վարչական միավորումների, սովորաբար մայր տոհմից ճյուղավորված նոր ֆեոդալական տների, որոնց իրավասության ներքո գտնվող տարածքները կոչվում էին «սեպհականութիւն»<sup>5</sup>։ Նախարարական տոհմի գլխավոր «տէր»-ից հետո առաջին տեղը զբաղում էր նրա եղբայրներից ավագը, որը պիտի ժառանգեր նրա պատիվը, կոչվում էր «աւագ սեպուհ», իսկ տոհմի մնացյալ անդամները կոչվում էին «սեպուհներ»։ Նախարարական տերությունների կենտրոններն սկսում են կոչվել «ոստան»։ Մարզպանական Հայաստանի քաղաքական ու վարչական կենտրոնն էր Այրարատը, որ կոչվում էր «Արքունի տուն» կամ «Ոստանն Հայոց»։ Այսպես էր կոչվում մայրաքաղաք Արտաշատն իր գավառով, ապա դրան փոխարինած Դվինը։ Վերջինիս անունով «Ոստանն Հայոց» գավառը կոչվում էր նաև «Ոստանն Դրվնոյ»։ Մարզպանի զորքը տեղավորված էր «Արքունի տան»՝ ստրատեգիական տեսակետից այն կարևոր վայրերում, որոնք հնուց կոչվում էին «թագաւորական», ինչպես և «Ձմեռոց արքունի», քանի որ Այրարատը, Արարատյան դաշտն իր կլիմայական պայմանների բերումով միշտ էլ հանդիսացել է ձմեռոց զորամասերի համար։ Այդ վայրերում տեղավորված էին զորակայաններ, որոնք կոչվում էին «կայանք զօրաց»<sup>6</sup>, իսկ կայազորները՝ «կայնականք»։

Հայաստանը մյուս մարզպանությունների համեմատությամբ օգտվում էր ավելի մեծ իրավունքներով։ Նախարարներն այդ կախումը սասանյան պետությունից դիտում էին իբրև վասալական, որ բոլորովին հակադիր էր Սասանյանների շահերին, որոնք ձգտում էին Հայաստանը դարձնել պարսկական նահանգ։ Նախարարների և Սասանյանների շահերի այս հակասություններն ի վերջո հանգեցրին սուր պայքարի և հայ ժողովրդի ղինված դիմադրության՝ սասանյան պետությանը՝ իր ներքին իրավունքները պաշտպանելու համար։

Սասանյանները ջանում էին ցույց տալ, թե նախարարների ժառանգական իրավունքները հարգվում են։ Հայոց մարզպանության գլխավոր գործակալությունները՝ սպարապետությունը և հազարապետությունը, մնացել էին

<sup>5</sup> Այս ժամանակաշրջանի համար արդեն ունենք «սեպհականութիւն Տաշրայ»։ Վերջին անգամ Գուգարաց բղձի շրջանի տոհմից անջատված իշխանություն, որը մնաց մարզպանական Հայաստանի կազմում։

<sup>6</sup> Նդիշեն (III, էջ 78—79) խոսում է այդ արքունի ձմեռոցի մասին, տալով սպառիչ տեղեկություն, «զձմեռոցս արքունի, որ կայանք զօրացն էին, զԳառնին և զԵրասխանակերտն՝ զմեծ դաստակերտն, զՎարդանաշատն և զամուրն Օշական, զՓառախոտն, զԱրգեանսն, զՁողակերտն աւան և զԵրդն Արմաւրի, զԿուաշն աւան, զԱրուճն, զԱշնակն, և զամենայն ոտն Արագածու, և զհահանգն Արտաշատու և զԱրտաշատն ինքնին գլխովին, և զամենայն զեւղո և զաւանս, որ շուրջ զնովու էին»։

հայոց իշխանների ձեռքում: Հայոց սպարապետի գլխավորած այրուձին սասանյան արքունիքից ստանում էր դրամական ու բնամթերոյին վարձ՝ «ոռճիկ», իսկ Հայոց հազարապետը գլխավորում էր երկրի հարկահավաքությունը և պետական շինարարությունը: Հազարապետը բնակչությունից հավաքում էր պետական հարկերը և հանձնում մարզպանին:

Առժամանակ անձեռնմխելի թողնելով նախարարների բոլոր իրավունքները՝ Սասանյաններն այնուամենայնիվ ձգտում էին Հայոց եկեղեցին առնել իրենց անմիջական հսկողության ներքո: Ընդհատ է գոյություն ունեւր երրորդ հիմնական գործակալությունը՝ «մեծի դատաւորութիւն», որը գլխավորում էր Հայոց կաթողիկոսը, սակայն վերջինս գտնւում էր սասանյան արքունիքի անմիջական հսկողության ներքո<sup>7</sup>: Սասանյանները չէին մոռանում Հայոց եկեղեցու արեւմտյան կողմնորոշումը և այն, որ դա իր ներքին կառուցվածքով մի զորեղ կազմակերպություն էր պետության մեջ:

Սասանյաններն անցնելով իշխանության գլուխ, սկզբից ևեթ մեծ ուշադրություն նվիրեցին զրադաշտական կրոնին, որը դառնում էր պետական կրոն, իսկ այդ կրոնի պաշտոնյաները՝ մոգերը, հայտարարւում էին Սասանյանների իշխանության հենարան: Սասանյաններն իրենց պետության մեջ գոյություն ունեցող քրիստոնեական եկեղեցիները համարում էին հակապետական կազմակերպություններ, որոնք վաղ թե ուշ հարկավոր էր վերացնել: Հայերի և հայոց եկեղեցու նկատմամբ Սասանյանների վերաբերմունքն ու մտայնությունը լավագոյնս արտացոլւել են Ղազար Փարպեցու երկում: Նա գրում է, որ Հազկերտ Ա-ն գիտակցում էր, որ հայերը «օտար են մեր հավատին, ասում են մեզ և հույների հետ ունեն նույն հավատն ու նույն օրենքները»<sup>8</sup>:

Սասանյանների հակաքրիստոնեական քաղաքականությունը Հայաստանում տարւում էր ոչ միայն նրա՝ համար, որ եկեղեցին դիտւում էր երկրում իբրեւ Սասանյանների թշնամի՝ Բյուզանդիային բարեկամ, այլև նրա համար, որ այն մի կազմակերպություն էր, որն Արշակունիների անկումից հետո հանդիսանում էր երկրի կենտրոնաձիգ ուժերը պահպանող զորեղ գործոն: Հայոց եկեղեցին իր ներքին վարչական կազմակերպւթյամբ վերարտադրում էր Արշակունյաց Հայաստանի պետական կազմակերպւթյունը և փաստորեն քաղաքականապես մասնատւած Հայաստանը կաթողիկոսի հոգեւոր տեսչւթյան տակ էր դնում: Վերջապես եկեղեցին միավորելով ամբողջ Մեծ Հայքը, շատ վաղ արթնացրեց ժողովրդի հոգում ազգային շահերի ընդհանրության գիտակցւթյունը, հակադրելով իր լեզուն, գիրն ու գրականւթյունը և առհասարակ մշակւթթ թե՛ Սասանյան Պարսկաստանին և թե՛ Բյուզանդական կայսրրւթյանը: Այս վերջին հանգամանքն իր հերթին ազդում էր եկեղեցու վրա, դարձնելով այն զուտ ազգային՝ նախարարական կազմակերպւթյուն, որն ի վերջո, «ստիեզերական» եկեղեցու կազմակերպւթյան մեջ դարձավ ինքնուրույն ազգային եկեղեցի: Հայոց եկեղեցին սատարում էր հայ ժողովրդի պայքարը օտար նվաճողների դեմ:

Սահակ Պարթևին կաթողիկոսւթյունից հեռացնելուց հետո, Սասանյան-

<sup>7</sup> Ինչպես նշում է Նդիշեն, Հայաստանում քրիստոնեւթյունը վերացնելու Սասանյանների փորձերը սկսւել են Արշակ Բ-ի ժամանակաշրջանից (Նդիշեն, Ա, էջ 6, հմմտ. Փալլադոս, Դ, օղ):

<sup>8</sup> Ղազար Փարպեցի, Դրվագ Ա, գլուխ ԺԲ (աշխ. թարգմ., էջ 48):



ները կաթողիկոս են դարձնում Աղբիանոսի տան ներկայացուցիչ Սուրմակին՝ Արծկե գյուղից: Սակայն մի տարի շանցած, նախարարների խնդրանքով նա կարգալույծ է լինում՝ և նրա փոխարեն Վռամ Ե Գողը նշանակում է ասորի Բրքիշոյին, որը, ինչպես հաղորդում է հորենացին, երեք տարի ամենադատարկ ու շռայլ կյանք էր վարում իր հետ բերած ընկերակիցների մասնակցությամբ, հափշտակելով վախճանված եպիսկոպոսների վիճակները<sup>9</sup>:

Հարցը սրվել էր, և նոր կաթողիկոսի ընտրությունն ընդունել էր քաղաքական պայքարի բնույթ, որին միջամտեց և Բյուզանդական կայսրությունը: Նախարարների ամենաազդեցիկ մասը և հոգևորականությունը պահանջում էին, որ կաթողիկոսական աթոռին նորից վերականգնվի Սահակ Պարթևը, որը պահվում էր Տիգրանում, իր երկրից հեռու: Բյուզանդական Հայաստանի զորավար Անատոլիոսը, հորենացու ասելով, «Կաթինից ուղարկեց կուկայառիճեցի Հավուկին՝ խնդրելու, որ եթե (պարսից) թագավորը չի հաճում նրան իր բաժնում պահել, թող տա հունաց բաժնին»: Վռամ Ե Գողն ստիպված վերադարձնում է Սահակ Պարթևին հայրենիք այն պայմանով, որ նա չի օգտագործի իր դիրքը սասանյան պետության դեմ և հավատարիմ կմնա արքայից արքային<sup>10</sup>: Մինչև վերադարձը կաթողիկոսը մի շարք խնդրանքներով դիմում է արքայից արքային: Սահակ Պարթևն այս անգամ ևս առաջին հերթին մտահոգված էր նախարարների ժառանգական իրավունքների վերականգնումով<sup>11</sup>, որն արտահայտվեց նախարարների գահերի հաջորդականությունը ցույց տվող «Գահնամակում»<sup>12</sup>:

Սահակ Պարթևի խնդրանքով, արքայից արքան հազարապետի պատիվը տալիս է Վահան Ամատունուն, իսկ Սահակ կաթողիկոսի թոռանը՝ Վարդան ստրատելատին, նորից հաստատելով Մամիկոնյան տոհմի նահապետ, վերադարձնում է Հայաստան<sup>13</sup>: Դա հայ ժողովրդի դիմադրությամբ ձեռք բերված կարևոր հաջողություն էր: Երկրի գլխավոր գործակալությունները՝ հազարապետությունը և սպարապետությունը անցնում էին իսկական հայրենասերներին, որոնք պատրաստ էին զոհվել իրենց հայրենիքի ու ժողովրդի համար: Սակայն Վռամը Սահակ Պարթևին չվստահեց և նրա հետ միասին ուղարկեց ասորի Շմուել եպիսկոպոսին, «որպեսզի Մեծն Սահակին ընդդիմադիր և հակաթոռ լինի, և որոշում է նրա անելիքը՝ ընկերանալ մարզպանին, վերահասու լինել պահանջվելիք հարկերի բաշխման, դատաստաններին և այլ աշխարհական կարգերին»<sup>14</sup>:

Սահակ Պարթևը, այսպիսով, մնաց իր պաշտոնում միայն ձևականորեն: Շմուելը նստում էր Վաղարշապատում, իսկ Սահակը քաշվում է իր կալվածքը՝ Բագրևանդ գավառի Բլուր գյուղը, Բաղավան ավանից ոչ հեռու: Սահակ Պարթևին միայն իրավունք էր վերապահվում ուսուցանելու քրիստոնեական ուսմունքը և ճանապարհելու նրանց, որոնց կհամաձայնվի Շմուելը<sup>15</sup>:

Այնուամենայնիվ, մինչև իր կաթողիկոսական գործերից հեռանալը, Սա-

<sup>9</sup> Խառնեացի, Գ, 44 (աշխ. Թարգմ., էջ 312):

<sup>10</sup> Նույն տեղում, Գ, 46 (աշխ. Թարգմ., էջ 310):

<sup>11</sup> Խառնեացի, Գ, 46 (աշխ. Թարգմ., էջ 311):

<sup>12</sup> Н. Адоны, Армения в эпоху Юстиниана, стр. 267—271.

<sup>13</sup> Խառնեացի, Գ, 46 (աշխ. Թարգմ., էջ 312):

<sup>14</sup> Նույն տեղում, Գ, 46 (աշխ. Թարգմ., էջ 310):

<sup>15</sup> Նույն տեղում:

հակա Պարթևները Հայաստանի ամենահեղինակավոր մարդուն՝ Մեսրոպ Մաշտոցին կարողանում է նշանակել Վաղարշապատի Մայր աթոռի Կաթողիկե եկեղեցու (էջմիածնի տաճարի) վերակացու: Շմուկի մահից հետո նախարարները զգված նրա բարեբերից և արարքներից, գնում են Սահակ Պարթևի մոտ, խնդրում վերադառնալ իր աթոռը և «ուխտի գիր» են կնքում, որ կաթողիկոսության աթոռը ժառանգաբար կտան նրա թոռներին: Սակայն Սահակ Պարթևը ժառանգչուներ և շուտով մահանում է 439 թ. (սեպտեմբերի 7-ին)<sup>16</sup>, Բյուր գյուղում: «Սահակ Պարթևը,— գրում է հորենացին,— մահկանացու ծնվելով՝ անմահ թողեց իր հիշատակը»<sup>17</sup>: Նրա աճյունը հողին են հանձնում իր տոհմական գերեզմանատանը՝ Աշտիշատ ավանում:

Նախարարները կաթողիկոսի պատիվը հանձնում են Մեծ վարդապետ Մաշտոցին, որը, սակայն, ապրեց միայն վեց ամիս և մահացավ 440 թ. փետրվարի 17-ին (մեհեկան ամսի 13-ին), շաբաթ օրը, Վաղարշապատում: Այդ մեծ գործչի աճյունը հազարապետ Վահան Ամատունին ամփոփում է իր ոստանում՝ Օշական գյուղում և երեք տարուց հետո (442) նրա գերեզմանի վրա կառուցում գմբեթավոր կլոր հուշարձան՝ եկեղեցի<sup>18</sup>:

Կաթողիկոսական աթոռին, իբրև տեղապահ, նստում է Մաշտոցի աշակերտ Հովսեփ Հողոցմեցին (439—451), որը մինչև վերջ էլ իբրև կաթողիկոս չհաստատվեց պարսից արքունիքի կողմից և մնաց տեղապահ<sup>19</sup>:

Հայաստանի վիճակը խիստ վատթարացավ Հազկերտ Բ-ի (439—457) գահակալությանը: Միջին Ասիայում վաշկատուն ցեղերի, ինչպես նաև Կովկասյան լեռնաշղթայի հյուսիս-արևելքից ներխուժող հոների դեմ պատերազմելու համար Հազկերտ Բ-ն հավաքագրում է ոչ միայն իր պետության ռազմական ուժերը, այլև հատուկ հրովարտակով հրամայում է զորք հավաքել ենթակա քրիստոնյա երկրներից և առաջին հերթին Հայաստանից<sup>20</sup>:

Ենթակա երկրներից զինվորական ուժի հավաքագրումը Սասանյանների համար նաև այն նշանակություն ուներ, որ նրանք Հայաստանը, Վիրքը և Աղվանքը զրկում էին տեղական ռազմական ուժերից: Այդ երկրները մնում էին անպաշտպան, որը և հնարավորություն էր տալիս Սասանյաններին իրագործելու իրենց նվաճողական ծրագրերը: Այս դեպքերի ժամանակակիցները լավ էին հասկանում Տիգրանի արքունիքի գաղտնի նպատակները:

Հայկական հեծելազորի համար մշտական երևույթ է դառնում զինվորական ծառայության մեջ լինել իր հայրենիքից դուրս, հեռավոր վայրերում: Ընդ որում, պատերազմական գործողությունների ժամանակ ամեն անգամ հին

<sup>16</sup> Ed. Dulaurier, Recherches sur la chronologie arménienne, Paris, 1859. c. 135—136.

<sup>17</sup> Խառենացի, Գ, 4 է (աշխ. թարգմ., էջ 314): Լուսավորչի տնից մնում էր միայն Սահակ Պարթևի դուստր Սահականուշը՝ Համազասպ Մամիկոնյանի կինը: Նրանց զավակներն էին Վարդանը, Հմայակը և Համազասպյանը: Մամիկոնյաններն իրենց ժառանգական կալվածքներին՝ Տաթին և Տարունին, միացնում են Լուսավորչի տան ընդարձակ կալվածքները, որոնք գտնվում էին Հայաստանի պարսկական ու բյուզանդական մասերում: Դրանով վերականգնվում է նրանց առաջնակարգ դիրքը երկրում:

<sup>18</sup> Այդ ավերված տաճար-գմբեթարանի տեղում XIX դարում կառուցվում է այժմյան բազիլիկ եկեղեցու շենքը, որն իր մեջ է անում նախկին տաճարի շենքը:

<sup>19</sup> Խառենացի, Գ, 4 է:

<sup>20</sup> Եղիշե, Ա (գրաբար բնագիր, էջ 11—12):



ուժերը փոխարինվում էին նորերով<sup>21</sup>։ Ղազար Փարպեցին վկայում է, որ Հայաստանի սպարապետ Վարդան Մամիկոնյանը կռվել է հոների դեմ Մարվի-ռոտ վայրում<sup>22</sup>, իբրև վասալ «արեաց արքայի»<sup>23</sup>։ Այստեղ 450—451 թթ. հոների-խիոնիտների դեմ տարած մեծ հաղթանակից հետո Հազկերտ Բ-ն չի արձակում իր մոտ եղած հայոց, վրաց և աղվանից զորամասերը, այլ տանում է նրանց և հավաքում մի տեղ՝ Պահլ-դուռ, որ Ղազար Փարպեցու հիշատակած նույն Մարվիռոտն է, և պահում այնտեղ հետագա ռազմական գործողությունների համար<sup>24</sup>։

Հայրենիքից հեռու գտնվող քրիստոնյա զինվորներին, և առաջին հերթին հայերին, պարսիկ մոգերը զանազան միջոցներով աշխատում էին կրոնափոխանել։ Քրիստոնյա զորամասերն ուղարկվում էին մարտի ամենավտանգավոր տեղերը, որտեղ զինվորներից շատերն սպանվում էին։ Սակայն դրանով չէին վերջանում հալածանքները, պարսիկները պակասեցնում էին զինվորական ծառայության համար նախատեսված վարձը, տանջում էին քաղցով ու ծարավով, ձմեռները տանում էին ամենավատթար տեղերը, նսեմացնում մյուսների առաջ, ենթարկում խոշտանգումների, ազնվականներին զրկում պատիվներից<sup>25</sup>։

Հայոց հեծելազորի տոկունությունը բացատրվում է նաև նրանով, որ նրանց հետ գնացած հայ հայրենասեր հոգևորականությունը ձգտում էր բարձր պահել հայկական զորքի բարոյական ոգին։ Նրանցից շատերը հայկական մշակույթի ստեղծողներն էին։ Սահակ-մաշտոցյան դպրոցի սաներն էին նրանք, որոնց մեջ առանձնապես ուժեղ էր սերմանված հայրենասիրությունը։ Եղիշեն սրտի կսկիծով է պատմում հայոց բանակի անելանելի դրության մասին օտարության մեջ<sup>26</sup>։ Սասանյանների այս դաժան միջոցառումներն առաջ են բերում մեծ դժգոհություն նախարարների և աղատների շրջանում։

Այդ ժամանակ Սասանյանները սկսեցին համարձակ գործել։ Հայաստան ուղարկված պարսկական արքունիքի ներկայացուցիչ Դենշապուհի անցկացրած աշխարհագրի հետևանքներն անմիջապես զգացնել տվին Սասանյանների հարկային քաղաքականության ողջ ժանրությունը։ Բացի շինականներից ու ռամիկներից, հարկատու էր դառնում հոգևորականությունը, որը մինչ այդ ապահարկ էր<sup>27</sup>։ Այդ անմխիթար վիճակը Եղիշեն նկարագրում է հետևյալ կերպ. «Որտեղից պետք էր հարյուր դահեկան առնել, կրկնապատիկն էին առնում. այսպես էլ (հարկի տակ) դրին եպիսկոպոսներին և երեցներին, ոչ միայն շեն, այլև ավերակ տեղերը։ Մանավանդ ո՞վ կարող է պատմել, թե ինչպիսի ծանր տուրքեր ու սակեր, բաժեր ու հասեր էին նշանակված լեռների, դաշտերի ու անտառների վրա։ Առնում էին ոչ թե ինչպես վայել է պետական արժանապատվությանը, այլ ավազակաբար հափշտակելով, այն աստիճան, որ

<sup>21</sup> Նույն տեղում էջ 12։

<sup>22</sup> Ղազար Փարպեցի (Բ, խդ, էջ 7)։ Համապատասխանում է Մերվի հռչակավոր երկրագործական օազիսին, որը գտնվում էր Պահլ (Բահլ, Բակտրա) քաղաքից արևմուտք, պաշտպանելով քաղվոր ցեղերից նրա մատույցները, ուստի կռվում էր «Պահլ-դուռ», ինչպես և հիշատակում է Եղիշեն «Պահլա դուռն»։ Մի այլ Պահլ-դուռ գտնվում էր Շամախուց հյուսիս։

<sup>23</sup> Փարպեցի, Բ, խգ։

<sup>24</sup> Եղիշե, Ա (աշխ. Թարգմ., էջ 15)։

<sup>25</sup> Նույն տեղում, էջ 14։

<sup>26</sup> Նույն տեղում, էջ 14, 213։

<sup>27</sup> Եղիշե, Բ (աշխ. Թարգմ., էջ 26—27)։



իրենք էլ մեծապես զարմանում էին՝ «թե մի տեղից որ այսքան գանձ է դուրս գալիս, էլ ինչպե՞ս է շեն մնում այդ աշխարհը»<sup>28</sup>,

Նդիշեն շատ լավ է հասկացել, թե վերջին հաշվով ինչ էր հետապնդում աշխարհագիրը՝ տնտեսական ճնշում գործադրելով ստիպել ազգաբնակչությանը ընդունել զրադաշտականությունը, որի հետևորդները թեթևանում էին հարկերի ծանրությունից։ Սասանյաններն այդ կազմակերպված կողոպուտի միջոցով նաև ձգտում էին տնտեսապես սնանկացնել երկիրը և դրանով իսկ վերջնականապես Հայաստանը ենթարկել իրենց իշխանությանը։

Աշխարհագրին և հարկերի ծանրացմանը հետևեց մի այլ ձեռնարկում, որը պիտի զրկեր նախարարներին ու եկեղեցուն իրենց դարավոր ժառանգական իրավունքներից։ Դենշապուհը երկրի գործակալությունները վերցնում է հայ նախարարներից և հանձնում պարսիկ ավագանուն։ Վահան Ամատունուն ամբաստանելով՝ նա հեռացրեց պաշտոնից և նրա փոխարեն հազարապետ նշանակեց մի պարսիկի։ Նույնպես է վարվում և «մեծի դատաւորութեան» գործակալության հետ, որն այն ժամանակ վարում էր կաթողիկոսի տեղապահ Հովսեփ Հողոցմեցին։ Նա զրկվում է այդ պատվից և նրա փոխարեն նշանակվում է մի մոզպեստ<sup>29</sup>,

Գործակալություններից հայերի ձեռքում մնում էր միայն սպարապետական իշխանությունը։ Հայկական հեծելազորի հիմնական մասը գտնվում էր Միշին Ասիայում, հարկադրաբար ծառայելով Սասանյանների պետական շահերին։ Երկրում մնում էր մարզպանը՝ Վասակ Սյունին, որը հավատարիմ էր պարսից արքունիքին։

Այս միջոցառումները խախտում էին երկրի տնտեսական և քաղաքական իրավիճակը, Հայաստանը դարձնում պարսկական մի նահանգ։ Դժգոհությունը Սասանյանների դեմ դառնում է համաժողովրդական։ Հակապարսկական, հակազրադաշտական տրամադրություններով համակվում են ժողովրդի բոլոր խավերը և այդ դժգոհությունները վերածվում են կազմակերպված հակասասանյան շարժման։

## 2. ԱՐՏԱՇԱՏԻ ԺՈՂՈՎԸ։ ՆԱԽԱՐԱՐՆԵՐԻ ՏԻԶԲՈՆ ՄԵԿՆԵԼԸ ԵՎ ՎԵՐԱԴԱՐՁԸ

Այս միջոցառումներին հետևում է պարսից հազարապետ Միհրենրսեհի նամակը՝ հրովարտակը հայերի հավատափոխության մասին, որն ուղարկվում է «հայոց բոլոր մեծամեծներին»<sup>30</sup>, Հրովարտակում նշվում է, որ եթե հայերն ընդունեն զրադաշտականությունը, վրացիներն ու աղվանները կհետևեն նրանց օրինակին<sup>31</sup>, Ի վերջո, հրովարտակում հազարապետը հայտնում է, որ նախարարները երկու ելք ունեն, կամ կետառկես պատասխանեն դրան և կամ զնան Տիզբոն ու ներկայանան Մեծ աստյանին<sup>32</sup>,

Հրովարտակը չի հուսալքում հայոց ավագանուն։ Դրան պատասխանելու

<sup>28</sup> Նույն տեղում, էջ 27—28:

<sup>29</sup> Նույն տեղում:

<sup>30</sup> Փառպեցի, Բ, իբ էջ 43—44, Նդիշ, Բ (աշխ. թարգմ., էջ 23—24):

<sup>31</sup> Փառպեցի, Բ, իա, էջ 43:

<sup>32</sup> Նդիշ, Բ (աշխ. թարգմ., էջ 30):

ուժերը փոխարինվում էին նորերով<sup>21</sup>։ Ղազար Փարպեցին վկայում է, որ Հայաստանի սպարապետ Վարդան Մամիկոնյանը կռվել է հոների դեմ Մարվի-ռոտ վայրում<sup>22</sup>, իբրև վասալ «արեաց արքայի»<sup>23</sup>։ Այստեղ 450—451 թթ. հոների-խիոնիտների դեմ տարած մեծ հաղթանակից հետո Հաղկերտ Բ-ն չի արձակում իր մոտ եղած հայոց, վրաց և աղվանից զորամասերը, այլ տանում է նրանց և հավաքում մի տեղ՝ Պահլ-դուռ, որ Ղազար Փարպեցու հիշատակած նույն Մարվիռոտն է, և պահում այնտեղ հետագա ռազմական գործողությունների համար<sup>24</sup>։

Հայրենիքից հեռու գտնվող քրիստոնյա զինվորներին, և առաջին հերթին հայերին, պարսիկ մոգերը դանազան միջոցներով աշխատում էին կրոնափոխ անել։ Քրիստոնյա զորամասերն ուղարկվում էին մարտի ամենավտանգավոր տեղերը, որտեղ զինվորներից շատերն սպանվում էին։ Սակայն դրանով չէին վերջանում հալածանքները, պարսիկները պակասեցնում էին զինվորական ծառայության համար նախատեսված վարձը, տանջում էին քաղցով ու ծարավով, ձմեռները տանում էին ամենավատթար տեղերը, նսեմացնում մյուսների առաջ, ենթարկում խոշտանգումների, ազնվականներին զրկում պատիվներից<sup>25</sup>։

Հայոց հեծելազորի տոկունությունը բացատրվում է նաև նրանով, որ նրանց հետ գնացած հայ հայրենասեր հոգևորականությունը ձգտում էր բարձր պահել հայկական զորքի բարոյական ոգին։ Նրանցից շատերը հայկական մշակույթի ստեղծողներն էին։ Սահակ-մաշտոցյան դպրոցի սաներն էին նրանք, որոնց մեջ առանձնապես ուժեղ էր սերմանված հայրենասիրությունը։ Եղիշեն սրտի կսկիծով է պատմում հայոց բանակի անելանելի գրույթյան մասին օտարության մեջ<sup>26</sup>։ Սուսանյանների այս դաժան միջոցառումներն առաջ են բերում մեծ դժգոհություն նախարարների և ազատների շրջանում։

Այդ ժամանակ Սասանյանները սկսեցին համարձակ գործել։ Հայաստանն ուղարկված պարսկական արքունիքի ներկայացուցիչ Դենշապուհի անցկացրած աշխարհագրի հետևանքներն անմիջապես զգացնել տվին Սասանյանների հարկային քաղաքականության ողջ ծանրությունը։ Բացի շինականներից ու ռամիկներից, հարկատու էր դառնում հոգևորականությունը, որը մինչ այդ ապահարկ էր<sup>27</sup>։ Այդ անմխիթար վիճակը Եղիշեն նկարագրում է հետևյալ կերպ. «Որտեղից պետք էր հարյուր դահեկան առնել, կրկնապատիկն էին առնում. այսպես էլ (հարկի տակ) դրին եպիսկոպոսներին և երեցներին, ոչ միայն շեն, այլև ավերակ տեղերը։ Մանավանդ ո՞վ կարող է պատմել, թե ինչպիսի ծանր տուրքեր ու սակեր, բաժեր ու հասեր էին նշանակված լեռների, դաշտերի ու անտառների վրա։ Առնում էին ոչ թե ինչպես վայել է պետական արժանապատվությանը, այլ ավազակաբար հափշտակելով, այն աստիճան, որ

21 Նույն տեղում էջ 12։

22 Ղազար Փարպեցի (Բ, խդ, էջ 7)։ Համապատասխանում է Մերվի հռչակավոր երկրագործական օգրիսին, որը գտնվում էր Պահլ (Բահլ, Բակտրա) քաղաքից արևմուտք, պաշտպանելով քոչվոր ցեղերից նրա մատույցները, ուստի կոչվում էր «Պահլ-դուռ», ինչպես և հիշատակում է Եղիշեն «Պահլա դուռն»։ Մի այլ Պահլ-դուռ գտնվում էր Շամախուց հյուսիս։

23 Փարպեցի, Բ, խդ։

24 Եղիշեն, Ա (աշխ. Թարգմ., էջ 15)։

25 Նույն տեղում, էջ 14։

26 Նույն տեղում, էջ 14, 218։

27 Եղիշեն, Բ (աշխ. Թարգմ., էջ 26—27)։



իրենք էլ մեծապես զարմանում էին՝ «թե մի տեղից որ այսքան գանձ է դուրս գալիս, էլ ինչպե՞ս է շեն մնում այդ աշխարհը»<sup>28</sup>։

Նդիշեն շատ լավ է հասկացել, թե վերջին հաշվով ինչ էր հետապնդում աշխարհագիրը՝ տնտեսական ճնշում գործադրելով ստիպել ազգաբնակչությանը ընդունել զրադաշտականությունը, որի հետևորդները թեթևանում էին հարկերի ծանրությունից։ Սասանյաններն այդ կազմակերպված կողոպուտի միջոցով նաև ձգտում էին տնտեսապես սնանկացնել երկիրը և դրանով իսկ վերջնականապես Հայաստանը ենթարկել իրենց իշխանությանը։

Աշխարհագիրն և հարկերի ծանրացմանը հետևեց մի այլ ձեռնարկում, որը պիտի զրկեր նախարարներին ու եկեղեցուն իրենց դարավոր ժառանգական իրավունքներից։ Դենշապուհը երկրի գործակալությունները վերցնում է հայ նախարարներից և հանձնում պարսիկ ավագանուն։ Վահան Ամատունուն ամբաստանելով՝ նա հեռացրեց պաշտոնից և նրա փոխարեն հազարապետ նշանակեց մի պարսիկի։ Նույնպես է վարվում և «մեծի դատաւորութեան» գործակալության հետ, որն այն ժամանակ վարում էր կաթողիկոսի տեղապահ Հովսեփ Հողոցմեցին։ Նա զրկվում է այդ պատվից և նրա փոխարեն նշանակվում է մի մոզպեստ<sup>29</sup>։

Գործակալություններից հայերի ձեռքում մնում էր միայն սպարապետական իշխանությունը։ Հայկական հեծելազորի հիմնական մասը գտնվում էր Միշին Ասիայում, հարկադրաբար ծառայելով Սասանյանների պետական շահերին։ Նրկում մնում էր մարզպանը՝ Վասակ Սյունին, որը հավատարիմ էր պարսից արքունիքին։

Այս միջոցառումները խախտում էին երկրի տնտեսական և քաղաքական իրավիճակը, Հայաստանը դարձնում պարսկական մի նահանգ։ Դժգոհությունը Սասանյանների դեմ դառնում է համաժողովրդական։ Հակապարսկական, հակազրադաշտական տրամադրություններով համակվում են ժողովրդի բոլոր խավերը և այդ դժգոհությունները վերածվում են կազմակերպված հակասասանյան շարժման։

## 2. ԱՐՏԱՇԱՏԻ ԺՈՂՈՎԸ։ ՆԱԽԱՐԱՐՆԵՐԻ ՏԻԶՐՈՆ ՄԵԿՆԵԼԸ ԵՎ ՎԵՐԱԴԱՐՁԸ

Այս միջոցառումներին հետևում է պարսից հազարապետ Միհրներսեսի նամակը՝ հրովարտակը հայերի հավատափոխության մասին, որն ուղարկվում է «հայոց բոլոր մեծամեծներին»<sup>30</sup>։ Հրովարտակում նշվում է, որ եթե հայերն ընդունեն զրադաշտականությունը, վրացիներն ու աղվանները կհետևեն նրանց օրինակին<sup>31</sup>։ Ի վերջո, հրովարտակում հազարապետը հայտնում է, որ նախարարները երկու ելք ունեն, կամ կետառկես պատասխանեն դրան և կամ զնան Տիգրոնն ու ներկայանան Մեծ ատյանին<sup>32</sup>։

Հրովարտակը չի հուսալքում հայոց ավագանուն։ Դրան պատասխանելու

<sup>28</sup> Նույն տեղում, էջ 27—28։

<sup>29</sup> Նույն տեղում։

<sup>30</sup> Փարպեցի, Բ, իբ էջ 43—44, Նդիշե, Բ (աշխ. թարգմ., էջ 28—30)։

<sup>31</sup> Փարպեցի, Բ, իա, էջ 43։

<sup>32</sup> Նդիշե, Բ (աշխ. թարգմ., էջ 30)։



նպատակով Հայաստանի բոլոր գավառներից նախարարներն ու հոգևորականները հրավիրվում են Արտաշատ՝ ժողովի<sup>33</sup>,

Ժողովին ներկա էին նախարարական դասից՝ 17 իշխան և հոգևոր դասից՝ 17 եպիսկոպոս<sup>34</sup>։

Ժողովի նախագահն էր, ըստ տիրող օրենքի, «մեծի դատաւարութեան» գործակալը՝ քահանայապետը, կաթողիկոսի տեղապահ Հովսեփի Հողոցմեցին։ Արտաշատում հավաքվել էր հայ նախարարների և հոգևորականության ամենահեղինակավոր մասը՝ երկրի իշխանները և մտավորականությունը։ Հավաքվածներից շատերը սահակ-մաշտոցյան դպրոցի նախկին աշակերտներն էին։ Հավաքվածներին համակել էր հայ ժողովրդի ինքնության և հայրենիքի պաշտպանության խորը գիտակցությունը, այդ սուրբ գործի արդարությունը։ Նրանք զգում էին իրենց բարոյական ու կուլտուրական վեհությունը Սասանյանների համեմատությամբ և խորապես համոզված էին, որ «այս բոլոր շարիքները մարդու միտքն են մտնում անուսումնությունից»<sup>35</sup>։ Նրանք գիտակցում էին, որ ուսումն է մարդու մեջ զարգացնում բարձր ինքնագիտակցություն և մարդասիրություն։ Նշանակալից են հայոց ոսկեդարը պսակող Նդիշեի խոսքերը. «Կույրը զրկվում է արեգակի ճառագայթներից, իսկ տգետը զրկվում է կատարյալ կյանքից։ Լավ է աչքով կույր (լինել), քան մտքով կույր։ Ինչպես որ հոգին մեծ է մարմնից, այնպես էլ մտքի տեսողությունը մեծ է մարմինների տեսողությունից»<sup>36</sup>։ Ահա այսպիսի վեհ, համամարդկային՝ առաջադեմ գաղափարներով էին տոգորված Արտաշատի ժողովականները։

Այս առաջադեմ ոգով է գրված ժողովականների պատասխան նամակը, որտեղ քրիստոնեական գաղափարախոսության դիրքերից նշվում է քրիստոնեական գաղափարների ճշմարտությունը և մազդեզանց կրոնի թշվառությունն ու մանկամտությունը։ Նրանք մատնանշում էին, որ այն հարցերը, որոնք վերաբերում են խղճի ազատությանը, չեն կարող օրենքի ուժով փաթաթել մարդկանց վզին։ Ապա ընդգծում են, որ նրանք իրենց հավատը և գաղափարները չեն փոխի ոչ մի գնով, իսկ եթե հարկավոր լինի մեռնել հայրենիքի համար, նրանք պատրաստ են իրենց զոհել սուրբ սեղանին։

Նամակը վերջացնելուց հետո ժողովականները երգվում են հավատարիմ մնալ իրենց միաբանությանը<sup>37</sup>։

Խիզախ և հանդուգն պատասխան նամակը վրդովեցնում է արքայից ար-

33 Փարպեցի, Բ, իգ, Նդիշե, Բ (աշխ. թարգմ., էջ 31)։

34 Փարպեցին (Բ, իգ, էջ 44—45) և Նդիշեն (Բ, աշխ. թարգմ., էջ 30—31) հականհ հանվան հիշում են Արտաշատի ժողովի մասնակիցներին։ Սյունյաց Վասակ իշխանը, Մամիկոնյան իշխան և Հայոց սպարապետ Վարդանը, Վահեունյաց Գյուտ, Մոկաց Արտակ, Անձևացյաց Շմավոն, Ապահունյաց Մանեհ, Վանանդի Առավան, Արշարունյաց Արշավիր, Ամատունյաց Վահան, Գնունյաց Ատոմ, Պալունյաց Վարադ-Շապուհ, Աշոցի Հրահատ, Դիմաքսյան Հմայակ, Աբեղենից Գալրիկ, Առավելենից Փափագ և Զյունական Վրեն իշխանները։ Հոգևորական դասից ժողովում ներկա էին Հայոց կաթողիկոսի տեղապահ Հովսեփը, Սյունյաց Անանիա, Արժրունյաց Մուշե, Տարոնի Սահակ, Ռշտունիքի Սաճակ, Մանազկերտի Մելիտե, Բազրեանդի Նզեթի (Կողբացին), Բզնունիքի Սուրմակ, Բասենի Թաթիկ, Մարդաստանի Երեմիա, Վանանդի Գադ, Մոկաց Բասիլ, Անձևացյաց Նդրայր, Տայոց Տաճատ, Տարբերունու Քասուն, Մարդաղվո Զավեն, Ամատունյաց Նդիշե, Ապահունյաց Երեմիա եպիսկոպոսները՝ ավագ քահանաների և վանականների հետ։

35 Նդիշե, Բ (աշխ. թարգմ., էջ. 20)։

36 Նույն տեղում։

37 Նույն տեղում, էջ 31—41։

քային և պարսից ավագանուն: Բոլորը զարմանում են խիզախ ու հանդուգն նամակի վրա: Մոգերը և հազարապետ Միհրնեսեհը արքայից արքային խորհուրդ են տալիս լուրջ ուշադրություն դարձնել և հայ նախարարների պատասխան նամակը դիտել իրրև հակապետական ելույթ: Հազկերտը հրամայում է անմիջապես հրովարտակ ուղարկել, որով հրամայվում է Հայաստանի, Վիրքի և Աղվանքի բոլոր տանուտերերին և մեծամեծներին շտապ գնալ Պարսկաստան: Ուշացողներին սպառնում էր մահապատժով<sup>38</sup>:

Հայաստանից Տիգրան՝ Բարձրագույն Դուռը ներկայացան հետևյալ տասը նախարարները. մարզպան Վասակ Սյունին, Ներշապուհ Արծրունին, Արտակ Ռշտունին, Գաղիշո հոռիսորունին, սպարապետ Վարդան Մամիկոնյանը, Արտակ Մոկացին, Մանեհ Ապահունին, Վահան Ամատունին, Գյուտ Վահանունին, Շամավոն Անձևացին<sup>39</sup>:

Նդիշեն չի հիշում, թե Վրաստանից և Աղվանքից ովքեր գնացին, իսկ Ղազար Փարպեցին նշում է Վրաց աշխարհից Աշուշա բեգլխին և այլ տանուտերերի, առանց անունները հիշատակելու<sup>40</sup>:

Հայոց միաբանության մեջ էին նաև այն նախարարները, որոնք հայրենիքից դուրս էին գտնվում, ուստի նրանք էլ գնացին Տիգրան<sup>41</sup>: Տիգրան գնացող նախարարները փափագում էին արքունի դռանը տեսնել իրենց մերձավորներին ու սիրելիներին, որոնք գտնվում էին այնտեղ իբրև պատանդներ<sup>42</sup>:

Տիգրան ներկայացած (450) նախարարներին Հազկերտ Բ-ն նախ և առաջ հրամայում է երկրպագել կրակին, հակառակ դեպքում նրանց սպառնում էր շարչարանքով: Նախարարներն ընդդիմանում են և խնդրում Հազկերտին, որ հայտնի իրենց, թե ի՞նչն է նրա դժգոհության պատճառը: Արքայից արքան պատասխանում է նախարարներին, որ վնաս է համարում նրանց աշխարհի հարկը արքունի գանձարանն ընդունելը և նրանց արիությունն ու քաջությունն էլ անօգուտ, քանի դեռ պարսից կրոնը չեն ընդունել: Այնուհետև Հազկերտը կրկին մահապատժով սպառնում է նրանց ուրանալ քրիստոնեական կրոնը<sup>43</sup>:

Հայոց սպարապետ Վարդան Մամիկոնյանն առաջ գալով աներկյուղ և քաջությամբ պատասխանում է արքային. «Այն օրենքները, որ աստծուց սովորեցի իմ մանկությունից՝ թողնել և երկյուղի հետ փոխել անհնար է: Թե որ մարդուց ընդունած լինեի այն ճշմարիտ վարդապետությունը, որ իմ մտքումը հաստատված է, գիտենայի որ ճշմարիտ են և ուրանայի, իմ անձը ողորմելի կհամարեի, ուր մնաց Աստծո բերանից ընդունած և սովորած օրենքները վաճառել սուտ փառքերի և մարդու երկյուղի փոխարեն: Աստված չանե՛ն իմ պատասխաններն այս են. սրա վրա ցանկանում եմ մեռնել, քան թե ուրացությունս անարժեք և առանց աստծու»<sup>44</sup>:

Նրեք երկրների նախարարները լսելով Վարդան Մամիկոնյանի աներկյուղ

38 Նդիշեն, Բ: Փարպեցի, Բ, ին:

39 Փարպեցի, Բ, ին, էջ 47: Նդիշեն, Բ (աշխ. թարգմ., էջ 42—43):

40 Փարպեցի, նույն տեղում:

41 Նդիշեն, Բ (աշխ. թարգմ., էջ 43):

42 Նույն տեղում:

43 Նույն տեղում: Փարպեցին Հազկերտ Բ-ի հետ տեղի ունեցած հանդիպման մասնակիցների թվում, բացի հայոց նախարարներից, հիշատակում է նաև վրաց և աղվանից իշխաններին (Բ, իդ):

44 Փարպեցի, Բ (աշխ. թարգմ., էջ 96—97):



պատասխանը և տեսնելով արքայի դեմքի բարկությունը, դիմում են վերջինիս՝ խնդրելով, որ նա ժամանակ տա նրանց վերջնական պատասխանի համար:

Հայոց, վրաց և աղվանից նախարարները գաղտնի հավաքվեցին և խորհուրդ արին, թե ինչ հնարքով գտնեն այս գործի ելքը: Ըստ ժողովականների, եթե նրանք շարունակեին համառել և ընդդիմանալ, արդյունքը կլիներ այն, որ նրանց երկրները կավերվեին և կամայացվեին: Ուստի միակ ելքը ստեղծված դրությունից նրանք տեսնում էին առերես ուրացություն մեջ, որը նրանց հնարավորություն կընձեռեր վերադառնալ հայրենիք և նորից հաստատ մնալ իրենց նախնիների հավատքին<sup>45</sup>:

Երեք երկրների իշխաններն իրենց մտորումները Վարդան Մամիկոնյանից գաղտնի էին պահում, իմանալով, որ նա չի համաձայնվի նույնիսկ առերես ուրանալ: Սակայն վաղ թե ուշ նա պիտի իմանար: Նախարարները գալիս են Վարդան Մամիկոնյանի մոտ և բացատրում ստեղծված դրությունը, հիշեցնում, թե ինչ է սպասում նրանց, եթե շարունակեն ընդդիմանալ<sup>46</sup>: Սակայն Վարդանը հանդիմանում է նրանց և լսել անգամ չի ուզում այդ առաջարկը: Նախարարներն ստիպված են լինում դիմել նրա մտերիմ ընկերոջը՝ Արտակ Մոկացուն, որպեսզի նա առանձին խորհրդակցի նրա հետ և համոզի առերես ուրանալ: Ամեն կերպ աշխատում էր համոզել Վարդանին նրա եղբոր քենակալը՝ վրաց բզեշխ Աշուշան: Վարդան Մամիկոնյանը՝ Սահակ Պարթևի թոռը՝ խուսավորչի շառավիղը մոր կողմից և Մամիկոնյան տան տները անհողդողդ էր: Այն ժամանակ երեք երկրների նախարարները բերեցին Ավետարանը և բոլորը միասին ձեռքները վրան դնելով երդվեցին, որ եթե Վարդանը մի փոքր ժամանակով ընդունի Հազկերտ Բ-ի ասածները և նրանց ազատի որոգայթ լարող թշնամու հարձակումներից, ապա նրա բոլոր ասածները կլսեն և կկատարեն ու հայրենիքի փրկության համար չեն խնայի իրենց կյանքը: Սոսկալի պատիժ էր սպասում ուրացողին և երդմնազանցին<sup>47</sup>:

Վարդան Մամիկոնյանը, լսելով ու տեսնելով այս ամենը, արտասուքով լցված՝ մի փոքր ժամանակով հանձն առավ առերես ուրանալ<sup>48</sup>:

Ըստ Եղիշեի, նախարարներին առերես ուրանալու այդ որոշումը խորհուրդ էր տվել թագավորի ռեներքին խորհրդակիցներից մեկը, որը գաղտնի հետևում էր քրիստոնեական ուսմունքին: Պահը տագնապալից էր: Հազկերտը պատրաստվում էր արշավանքի՝ արևելքից վաչկատուն ցեղերի նոր ներխուժումը հտ մղելու: Արքայից արքայի այդ ռեներքին խորհրդականը՝ նախարարներին զգուշացրել էր, որ Հազկերտ Բ-ն նրանց քշելու էր օտարություն: Ուստի նախարարները միաբանության ուխտը կատարելուց հետո, այդ անձնավորությանը, որպես պատգամավոր ուղարկում են Հազկերտի մոտ իրենց որոշումը հայտնելու<sup>49</sup>:

Պատմիչները վկայում են, թե որքան մեծ ուրախություն պատճառեց Հազկերտ Բ-ին հայ, վրաց և աղվանից նախարարների ուրացումը: Արքան նրանց պարգևներ տալով և վերականգնելով պատիվները՝ վերադարձնում է իրենց երկրները՝ զրադաշտականությունն աւարածելու համար: Վերադարձող նախարար-

45 Փարպեցի, Բ, ԻԿ:

46 Նույն տեղում:

47 Նույն տեղում:

48 Նույն տեղում:

49 Եղիշե, Բ, Փարպեցի, Բ, ԻԼ:



ներին ուղեկցում էին «բազում այրուձի» և 700 մոզ, որոնց զլխավորում էր մոգ-պետը։ Մոգերին Հաղկերտը հանձնարարում է, որպեսզի մինչև կովից իր վերադառնալը նրանք վերջացնեն իրենց գործը, այսինքն՝ այդ երկրների բնակչությանը կրոնափոխ անեն։ Որպեսզի նախարարները ետ չկանգնեն իրենց խոսքից, Հաղկերտը պատանդ է պահում վրաց Աշուշա բղեշխին և Սյունյաց Վասակ իշխանի երկու որդիներին՝ Բաբիկին և Ամիրներսեհին<sup>50</sup>։ Այս հանգամանքը որոշակի ազդեցություն գործեց Վասակ Սյունու հետագա վարքագծի վրա։ Իսկ վրաց թագավորը, որը միայն անվանաբար էր գրավում իր նախնիների գահը, կորցրեց երկրի փաստական կառավարիչ Աշուշա բղեշխին, դժվարին վիճակի մեջ ընկավ, մանավանդ մինչ այդ Սասանյանները Վիրքից օտարության մեջ էին ուղարկել բազմաթիվ նախարարներին<sup>51</sup>։ Վրաց աշխարհը փաստորեն դուրս մնաց ապստամբական շարժումից, չնայած Սասանյանների քաղաքականությունը հավասարապես ուղղված էր նաև Վիրքի դեմ, իսկ վրաց ժողովուրդը մեծապես համակրում էր հայերի ու աղվանների ապստամբական շարժումը։

<sup>50</sup> Նույն տեղում։

<sup>51</sup> Եղիշե, Բ (աշխ. Թարգմ., էջ 48)։

## «ՀԱՅՈՑ ՊԱՏԵՐՍԶՄԸ»

## 1. ՀԱՄԱԺՈՂՈՎՐԴԱԿԱՆ ՏԱՐԵՐԱՅԻՆ ՇԱՐԺՈՒՄՆ ԸՆԴԴԵՄ ՍԱՍԱՆՅԱՆՆԵՐԻ

Մինչ առերես կրոնափոխ եղած հայ նախարարները գտնվում էին Տիգրանում, Հայաստանում սկսվում է տարերային համաժողովրդական շարժում՝ ընդդեմ պարսիկների ու նախարարների, քանի որ վերջիններիս ուրացության և մոգերի բազմությամբ վերադառնալու լուրերն արդեն հասել էին Հայաստան։ Սկսված ապստամբական շարժումն արագ տարածվում է ողջ երկրում։ Ապստամբած հայ ժողովուրդը որոշում է մինչև արյան վերջին կաթիլը պայքարել հայրենիքի համար։ Հայրենիք վերադարձող նախարարներից երես էին դարձրել ողջ ժողովուրդը և նույնիսկ նրանց հարազատները<sup>1</sup>։

Ապստամբած ժողովրդի վճիռն այս էր. «Հարազատ եղբոր ձեռքը թող բարձրանա այն մերձավորի դեմ, որ դուրս է եկել Աստծո պատվիրանի ուխտից. հայրը շինայի որդուն, և որդին շակնածի հոր պատվից։ Կինը կռվի իր ամուսնու դեմ և ծառան դիմադրի իր տիրոջը»<sup>2</sup>։ Կենաց և մահու պայքարի են ելնում տղամարդ ու կին, երիտասարդ ու ծեր։

Տիգրանից վերադարձող նախարարները Հայաստան հասնելով, կանգ են առնում Անգղ գյուղաքաղաքում, որտեղ հայոց զորքի ամառանոցներն էին։ Նրանց հետ էին պարսիկ մոգերը, որոնք ճանապարհին վիճակ էին գցել, թե իրենց գործի համար երեք երկրներից ում ինչ բաժին է հասնելու։ Անգղում մոգերը փորձում են քանդել եկեղեցին և դրա փոխարեն ատրուշան կանգնեցնել։ Տեսնելով իր սրբության խորտակումը՝ ժողովուրդը դադանակներով զինված հարձակվում է մոգերի վրա և ցրում նրանց<sup>3</sup>։ Եկեղեցին օգտագործեց տարերայնորեն սկսված ժողովրդական շարժումը և եռանդուն պայքար սկսեց երկրում գտնվող մոգերի դեմ։ Ժողովրդի ողջ ատելությունն ուղղվում է Սասանյանների և նրանց ներկայացուցիչների՝ մոգերի դեմ։ Պարսիկների ծանր հարկահանութունից դժգոհ ժողովրդական զանգվածներն ապստամբում են, սպանում կամ երկրից արտաքսում պարսիկ պաշտոնյաներին ու մոգերին։ Ապստամբած ժողովուրդը հարձակվում է քաղաքների և ամրոցների վրա, ամենուրեք կոտորելով ու հալածելով պարսկական կայազորները։ Շուտով համոզվելով, որ իրենց ձեռնարկումն անիրագործելի է, մոգերը մտածում են միայն այն մասին, թե ինչպես

1 Տճ՝ Եղիշե, Գ (աշխ. թարգմ., էջ 54—55)։ Ղազար Փարպեցի, Բ, ԻԹ (գրաբար տեքստ, էջ 55—56)։

2 Եղիշե, նույն տեղում, էջ 55։

3 Նույն տեղում։



ողջ և անվնաս ետ վերադառնան իրենց երկիրը<sup>4</sup>։ Հայրենիք վերադարձած առե-  
րես կրոնափոխ նախարարները միանում են ապստամբական շարժմանը և  
ստանձնում նրա ղեկավարությունը։

Ապստամբական շարժումը թեև կոխում է իր հաջորդ փուլը՝ տարերային  
ընդվզումից վերածվելով նախարարական Հայաստանի կազմակերպված ապրս-  
տամբության։

Սպարապետ Վարդան Մամիկոնյանը Տիգրանից վերադառնալուց հետո ըն-  
սանիքով, եղբայրների հետ հեռացել էր կայսրության սահմաններում գտնե-  
լի ող իր կալվածքները, բայց նրա ներկայությունը խիստ կարևոր էր, և նախա-  
րարների ու հոգևորականության միջամտությամբ Վասակ Սյունին նամակ է  
գրում և պատգամավորություն ուղարկում, որպեսզի Վարդան Մամիկոնյանը  
վերադառնա։ Վարդանը վերադառնալով, գլխավորում է երկրի զինված ուժերի  
ևռանդագին նախապատրաստությունը։ Զինված ուժերի ստուգատեսի համար  
հարմար պահ էր մոտալուստ ամառը, երբ հայկական զորքերի այն մասը, որ  
դեռևս գտնվում էր երկրում, աշխարհազորի հետ միասին հավաքվելու էին Մաղ-  
կոտն գավառի ամառանոցներում, Անգղ գյուղաքաղաքի մոտ<sup>5</sup>։ Ապստամբու-  
թյան ղեկավար սպարապետ Վարդան Մամիկոնյանը, տեղեկանալով, որ մոգերն  
արդեն հայտնել են արքունիքին հայերի նախապատրաստվող զինված ապրս-  
տամբության մասին, շտապում էր կազմակերպել ապստամբների ուժերը,  
ցանկանալով կանխել պարսկական զորքի ներխուժումը Հայաստան<sup>6</sup>։ Սակայն  
այդ պահին զգալի դարձավ լուր հանգամանքների բերումով ապստամբությա-  
նը հարած մարզպան Սյունու անվճռական, տատանվող դիրքը։

Պարսից արքունիքից մարզպանի պաշտոն ստացած Վասակ Սյունին, Եղի-  
շնի ասելով, հակված էր հավատափոխության և գործակցում էր պարսիկների  
հետ<sup>7</sup> (նրա երկու որդիներն էլ պատանդ էին Տիգրանում)։ Նա ապստամբական  
շարժման ծավալման հետևանքով հարում է ապստամբությանը։ Ապստամբու-  
թյունը գլխավորող նախարարները և, առաջին հերթին, Վարդան Մամիկոնյա-  
նը, Վասակ Սյունուն չվստահելով, սկսում են ռազմական գործողությունների  
նախապատրաստությունը վարել մարզպանից զաղտնի։ Վարդան Մամիկոն-  
յանը, օգտվելով իր սպարապետական իրավունքներից, հրավիրում է նախա-  
րարների, սեպուհների ու եպիսկոպոսների գաղտնի խորհրդակցություն, որ-  
տեղ քննվում է Պարսկաստանի դեմ տարվելիք ռազմական գործողությունների  
ստրատեգիական ծրագիրը։ Վասակ Սյունու նկատմամբ եղած մեծ անվստա-  
հություն մասին է վկայում այն փաստը, որ երբ Զանդազան իշխանը ցանկա-  
նում էր ընդունած որոշումների մասին հայտնել Վասակ Սյունուն, նրան հե-  
տապնդում և, ըստ հնագույն սովորության, հասնելուն պես քարկոծում են  
որպես հայրենիքի դավաճան<sup>8</sup>։

Ապստամբության ղեկավարները ցանկանում էին Վասակ Սյունուն կանգ-  
նեցնել արդեն կատարված փաստի՝ ժողովրդի զինված ելույթի առաջ, որ-  
պեսզի նա այլևս չկարողանար ետ կանգնել այն առաջարկություններից, որ

<sup>4</sup> Նույն տեղում, էջ 56։

<sup>5</sup> Փարպեցի, Բ, լա էջ 60։

<sup>6</sup> Փարպեցի, Բ, լր (աշխ. թարգմ., էջ 141—147)։

<sup>7</sup> Եղիշե, Գ (աշխ. թարգմ., էջ 59)։

<sup>8</sup> Նույն տեղում, էջ 61։





Փայտակարանում գտնվելը<sup>15</sup> Ապստամբ հայերի դրուժյունը բարդանում էր։ Ամբողջ Այրարատում, երկրի ռազմական նշանակությունն ունեցող բոլոր կետերում տեղավորված էին պարսկական կայազորներ։ Այրարատից այս ամբողջությունը շարունակվում էին դեպի արևելք, այն ճանապարհի երկայնքով, որը Վայոց ձորով ու Սեանա լճի հարավային ափով, Տրտու (Թարթաու) գետի հովտով տանում էր Աղվանք, Փայտակարան քաղաքը, ուր գտնվում էին Անդրկովկասի երկրները և Կովկասյան լեռնանցքները հսկող պարսկական զինված ուժերի գլխավոր հրամանատարությունը։

Դեպի երկրի կենտրոնական շրջանը պարսկական զորքերի հնարավոր ներխուժումը կանխելու նպատակով հայկական աշխարհազորը Մաղկոտն լեռների իր ամառանոցներից արագությամբ իջնում է Այրարատ և հարձակվելով պարսկական կայազորների վրա, կոտորում նրանց։ Այսպիսով, հայոց զորքը տիրանում է երկրի բոլոր կարևոր ռազմական նշանակություն ունեցող կետերին և դրանցում տեղավորում հայկական կայազորները<sup>16</sup>։

Չնայած ապստամբների այս հաջողություններին, առկա ռազմական ուժերն, այնուամենայնիվ, անբավարար էին պարսկական զորքերի գերազանց ուժերի դեմ կռվելու համար։ Հայկական հեծելազորի մեծ մասը գտնվում էր Հայաստանից դուրս, իսկ երկրի ներսում եղած զորքը փոքրաթիվ էր։ Ժողովրդական աշխարհազորի խմբերը թևեկ մեծաքանակ էին ու պատրաստ մարտական սխրանքի, սակայն պատերազմական գործում անփորձ էին։ Այդ սլաքաձուլ էլ Վարդան Մամիկոնյանն անհրաժեշտ էր համարում ռազմական օգնություն խնդրել Հյուսիսային Կովկասում գտնվող հոներից և Բյուզանդիայից։ Նա Վասակ Սյունուն առաջարկում է դեսպանների միջոցով նամակներ հղել կայսրին և Հայաստանի բյուզանդական մասի նախարարներին։ Շուտափույթ կերպով նամակներ են գրվում՝ ուղղված Թեոդոսիոս Բ (408—450) կայսրին և Կոստանդնուպոլսի պալատական ավագանուն, ինչպես նաև բյուզանդական Հայաստանի նախարար-սատրապներին։ Դեսպանության կազմում էին Վահան Ամատունին, Հմայակ Մամիկոնյանը և Մեհրուփան Արծրունին։ Թեոդոսիոս Բ-ն ջերմորեն արձագանքում է հայերի խնդրանքին և պատրաստվում օգնություն ցույց տալ նրանց, բայց շուտով վախճանվում է (450 թ. հուլիսի 2-ին)։ Բյուզանդիայի վիճակն այս ժամանակաշրջանում բարդացել էր։ «Բարբարոսները», Դանուբն անցնելով, սպառնում էին Կոստանդնուպոլսին։ Այս պայմաններում Բյուզանդիայում նոր գահ բարձրացած Մարկիանոս կայսրը (450—457) մերժում է հայերի խնդրանքը և ջանում Սասանյաններին ցուցադրել իր չեզոքությունն ու հավատարմությունը 422 թ. կնքված հիսնամյա խաղաղության դաշնագրին<sup>17</sup>։ Բյուզանդական Հայաստանի նախարարները ևս չեն կարողանում օգնության հասնել իրենց հայրենակիցներին։ Հոների օգնության վրա դժվար էր հույս դնել։ Հայերի համար արդեն պարզ էր, որ իրենք ստիպված են լինելու պարսիկների դեմ կռվելու առանց դրսի օգնության։ Միակ փրկությունը նրանք տեսնում էին իրենց միաբանության և հակառակորդին հանկարծակի հարված հասցնելու մեջ։ Դեպքերի հետագա զարգացումը պետք

<sup>15</sup> Փառապետ, Բ, լր, էջ 63։

<sup>16</sup> Նղիշ, Գ։

<sup>17</sup> Նղիշ, Գ, էջ 68, ՏՃ ս Վ. Կ. Իսկանյան, Բյուզանդական կողմնորոշման հարցը Վարդանանց պատերազմի ժամանակ, ՊՐԶ, 1966, № 3 (34), էջ 53—70։



է ավելի պարզորոշ ցույց տար ժողովրդական խավերի և աշխարհիկ ու հոգևոր ֆեոդալների հետապնդած դասակարգային տարբեր նպատակներն այս պայ-  
քարում: Աշխարհագրորի մեջ համախմբված ժողովուրդը ձգտում էր երկրից  
դուրս քշել պարսկական զավթիչներին:

Շարժման ելքի վրա ամենից շատ ազդում էր նախարարների հակասական  
շահերի բախումը: Ավելի ու ավելի պարզ էր դառնում, որ նախարարների գոր-  
ծողությունների միասնությունը լուկ առերես էր: Գերիշխող դիրք գրավելու  
համար նրանց միջև ընթացող խուլ, բայց համառ պայքարը շարունակվում էր:  
Զէին վերացված ներքին տարածայնություններն ու մրցակցությունը, որից և  
օգտվում էր թշնամին: Պարսիկների դեմ տարած հաղթանակը պետք է նպաս-  
տեր նախարարական Հայաստանի և Բյուզանդիայի քաղաքական մերձեցմանը,  
որի շնորհիվ ամրապնդվելու էին Վասակ Սյունու քաղաքական հակառակորդ-  
ների՝ Մամիկոնյանների, Ամատունիների, Կամսարականների և հայոց եկե-  
ղեցու դիրքերը: Այդպիսով Հայաստանի մարզպան Վասակ Սյունին կորցնելու  
էր իր բոլոր արտոնությունները, ընդհուպ մինչև երկրի քաղաքական գործերից  
մեկուսացվելը: Վասակ Սյունին ապստամբության տարերքով ներգրավված  
լինելով ազատագրական շարժման մեջ և ակամա դառնալով դրա կազմակեր-  
պիչն ու ղեկավարներնից մեկը, ընկել էր շատ դժվարին կացության մեջ: Թվում  
էր, թե նա նահանջելու տեղ չունեի, քանի որ առաջին անգամ իր նախածեռ-  
նությամբ էին նախարարները հավաքվել՝ համաձայնեցնելու իրենց գործո-  
ղությունները: Առաջինը նա էր ուղարկել նախարար-սատրապներին, բյու-  
զանդական կայսրին և հոների առաջնորդներին հղված նամակները, քանի որ  
ինքն էր երկրի կառավարիչը: Նա երգում էր տվել, որից հրաժարվելը նշա-  
նակում էր վտանգել իր և իր ընտանիքի կյանքը, գուցե և տիրույթներն ու  
բարեկեցությունը: Նրա դեմ էր ուղղվելու ապստամբած ժողովրդի ողջ զա-  
յրույթը: Միաժամանակ նա զգում էր, որ Հայաստանում իրեն համարում են  
ընդհանուր գործին խորթ անձնավորություն, որը երկրի մարզպանի դիրքին  
էր հասել Սասանյանների շնորհիվ: Մինչդեռ Հայաստանում կատարված իրա-  
դարձություններից հետո պարսից արքունիքում գտնում էին, որ հայերին հա-  
վատափոխ անելու ծրագրի ձախողման հիմնական մեղավորը Վասակն էր: Այս  
պայմաններում Վասակ Սյունին փորձում է սպասողական դիրք գրավել, առե-  
րևույթ մնալով ապստամբների համախոհը:

Բյուզանդիայի գրաված չեզոք դիրքը առաջացրեց նախարարներից մի  
մասի տարակուսանքը հաղթանակի նկատմամբ: Այդ ամենը Վասակ Սյունուն  
անելանելի կացությունից դուրս գալու հույս ներշնչեց: Նա մտածում էր, որ  
դեռևս հնարավոր է այդ վիճակից խաղաղ ելք գտնել: Բայց ապստամբության  
հիմնական ղեկավարները՝ սպարապետ Վարդան Մամիկոնյանի գլխավորու-  
թյամբ, գտնում էին, որ պետք է շտապ գործել, և արագ հարվածով հաղթա-  
նակի հասնել, քանի դեռ թշնամին նախահարձակ չի եղել:

## 2. ԶԻՆՎԱՍՏ ԱՊՍՏԱՄԱՐՈՒԹՅՈՒՆԸ ՍԱՍԱՆՅԱՆՆԵՐԻ ԴԵՄ: ԱՎԱՐԱՅՐԻ ՃԱԿԱՏԱՄԱՐՏԸ

Հայ ժողովրդի 450—451 թթ. մեծ ապստամբությունը Սասանյանների լծի  
դեմ Նդիշեն անվանել է «Հայոց պատերազմ»: Ապստամբության ղեկավար-  
ները ավարտելով ռազմական նախապատրաստությունները, անմիջապես ձեռ-

նամուխ եղան ակտիվ գործողությունների: Վարդան Մամիկոնյանը զորքը բաժանեց երեք մասի: Առաջին մասը՝ ներշապուհ Արծրունու գլխավորությամբ, ուղարկեց հարավ, հայ-պարսկական սահմանի ամենախոցելի մասը, որտեղից Հեր և Զարեանդ գավառների վրայով թշնամին անմիջապես կարող էր ներխուժել երկրի սիրտը՝ Այրարատ նահանգը: Զորքի մյուս մասի գլուխն անցած Վարդան Մամիկոնյանը շարժվեց դեպի Վրաց աշխարհի սահմանը, այստեղից պիտի գնար դեպի արևելք՝ «բուն աշխարհն Աղուանից», որտեղ գտնվում էր Աղվանքի մայրաքաղաք Կապադակը: Այստեղից ճանապարհը դեպի հյուսիս՝ «Դուռն Աղուանից» լեռնանցքով տանում էր Կասպից ծովափը, որտեղ գտնվում էր Ճորա պահակը: Վարդան Մամիկոնյանի զորքը նպատակ ուներ թիկունքից հարվածել Աղվանքի Ճորա պահակում նստող մարզպան Սեբուխտ Նիխորականին, տիրանալ Հոնաց պահակին (Ճորա պահակ, այժմյան՝ Դերբենդից հարավ), ջախջախել այնտեղ եղած պարսկական կայազորը և կապ ստեղծել հոների հետ: Զորքի երրորդ մասը թողնվեց Վասակ Սյունու տրամադրության տակ. նա պետք է դիմադրեր թշնամուն իր հայրենի տիրույթ Սյունիքում և պաշտպաներ Այրարատը<sup>18</sup>:

Մարտական ուժերի այսպիսի բաժանումն օգտակար կլիներ, եթե ապրտամբության մասնակիցների մեջ լիակատար համաձայնություն տիրեր: Բայց շուտով պարզվում է, որ այդպես չէ: Վասակ Սյունին շտապում է օգտագործել այն հանգամանքը, որ մենակ է մնացել Այրարատում: Զուր չէր իր հրամանատարության տակ վերցրել այն նախարարների աշխարհազորները, որոնք իր զաղտնի համախոհներն էին: Բացի այդ, Այրարատում տեղավորված բազում կայազորներ ևս բաղկացած էին նրա կողմնակիցներից: Շատ զորամասեր, լրիվ անգործության մատնելով, Վասակ Սյունին պահում էր Սյունիքում, իբրև թե պարսկական զորքերի ներխուժումը Սյունիք կանխելու համար<sup>19</sup>:

Ստեղծված պայմաններում Վասակ Սյունին կարող էր դեն նետել իր դիմակը և պարսից արքունիքի առաջ ցույց տալ, թե ինքը սկզբից եեթ դեմ է նդել ապստամբության և մտածել է միայն լեզու գտնել արքունիքի հետ:

Երբ Վարդան Մամիկոնյանն Այրարատը թողնելով, իր զորքով շարժվում էր դեպի Լուինաս գետի (Աղստեխի գետ) հովիտը, Վասակ Սյունին նամակներ է ուղարկում ֆայտակարան, պարսից հազարապետ Միհրնեսուհին և Ճորա երկրի սահմանապահ մարզպան Սեբուխտ Նիխորականին, որոնցով հայտնում էր, որ իրեն հաջողվել է ցրել ապստամբների ռազմական ուժերը, որ հայկական զորքի հիմնական մասը գտնվում է իր տրամադրության տակ: Սեբուխտ Նիխորականին նա տեղեկացնում էր նաև, որ Վարդան Մամիկոնյանը փոքրաթիվ զորքով է շարժվում նրա դեմ և որ Սեբուխտի համար դժվար չի լինի ջախջախել նրան<sup>20</sup>: Ստանալով այս տեղեկությունները, Սեբուխտն շտապ գալիս է հարավ և Վարդան Մամիկոնյանին հանդիպում Վիրքի սահմաններից ոչ հեռու գտնվող Աղվանից թագավորի ձմեռոցի՝ Խաղխաղ քաղաքի մոտ<sup>21</sup>:

Որքան մեծ պետք է լիներ Վարդան Մամիկոնյանի և նրա զորքի զարմանքն ու զայրույթը, երբ Լուինաս գետի կիրճից դուրս գալով ու հովիտը

<sup>18</sup> Եղիշե, Գ (աշխ. թարգմ., էջ 69):

<sup>19</sup> Նույն տեղում:

<sup>20</sup> Ղազար Փարպեցի. Բ, լդ (աշխ. թարգմ., էջ 151):

<sup>21</sup> Եղիշե, Գ (աշխ. թարգմ., էջ 70):



մտնելով, հեռվում՝ հաղխաղ քաղաքի մոտերքում, տեսնում են կաղմ ու պատ-  
րաստ կանգնած Սեբուստ Նիխորականի զորքը: Վարդան Մամիկոնյանն ըն-  
դունում է մարտը և, չնայած թշնամու գերազանցող ուժերին, հաղթանակ է  
տանում<sup>22</sup>, Թշնամու զորքը ցրվում է, իսկ հաղթանակած հայոց զորքը, անց-  
նելով Կուր գետը, մտնում է Բուն Աղվանից երկիրը, որտեղ համալրվում է լեռ-  
ներում ապաստանած ապստամբ աղվանների ջոկատներով: Հայ-աղվանական  
միացյալ զորքն անցնում է Ավթարանի հովտով և արշավանք ձեռնարկում դե-  
պի Աղվանքի մայրաքաղաք Կապադակից հյուսիս գտնվող «Դրունք Աղուա-  
նից» լեռնանցքը<sup>23</sup>, Նղիշեն հաղորդում է, որ նրանք կոտորում են այնտեղ  
գտնվող պարսից զորքը և տեղի հսկողությունը հանձնում Վահանին, որը  
«աղվանների թագավորների ցեղից է»<sup>24</sup>, Այնտեղից անցնում են Չոր կամ  
Ճորա երկիրը և հասնում «Ճորայ պահակ» (կամ Հոնաց պահակ)<sup>25</sup>, որ  
գտնվում էր պարսկական սահմանասլահ զորքի պետի՝ մարզպանի ռազմական  
կայանը: Այստեղ ճամբար դնելուց հետո ապստամբները նույն Վահան արքա-  
յազնին որպես դեսպան, ուղարկում են Հոնների երկիրը և «Հոնների երկրին զոր-  
ծակից ուրիշ շատ բարբարոս ազգերի մոտ»<sup>26</sup>, նրանց հետ բանակցելու և դաշն  
կնքելու, որ հաստատ մնան այդ միաբանության վրա»<sup>27</sup>:

Այս բանակցությունները անցնում են մեծ հաջողությամբ: Հոնների և լեռ-  
նեցիների ներկայացուցիչները խոստանում են ոչ մի օժանդակություն ցույց  
չտալ պարսիկներին և հակառակը, օգնել ապստամբ հայերին ու աղվան-  
ներին<sup>28</sup>:

Մինչ Վարդան Մամիկոնյանը պարսիկների դեմ հաղթանակներ էր տա-  
նում, Վասակ Սյունին բացահայտ դավաճանության դիմեց: Նա ցրեց Այրա-  
րատի ամրություններում տեղավորված հայկական կայազորները և նրանց  
տեղը պարսկական կայազորներ դրեց: Այդ լուրը Վարդան Մամիկոնյանին  
հասցրեց մի վիրավոր դստկան: Վասակ Սյունու բացահայտ դավաճանության  
և Այրարատում նրա կատարած ավերածությունների լուրը շարժում է Աղվան-  
քում հաղթանակ տարած զորքի զայրույթը: Վարդան Մամիկոնյանը հարկա-  
դրված էր Ճորա պահակից շտապ վերադառնալ Հայաստան<sup>29</sup>:

Վասակ Սյունին շուտափույթ ամրանում է իր հայրենի Սյունիքում, նա-  
խապես ավերելով Այրարատի ամրությունները և ոչնչացնելով պարենամթեր-  
քը, որպեսզի հայկական զորքը չկարողանա այնտեղ ձմեռել: Վասակ Սյունու  
դավաճանությունը բացահայտ է դառնում<sup>30</sup>, Վարդան Մամիկոնյանի հրա-

<sup>22</sup> Նույն տեղում, էջ 70—71:

<sup>23</sup> Նղիշեն (Գ, էջ 78) անվանում է պարզապես «Դրունք»: Ղազար Փարպեցին (Բ, լզ, էջ 66)  
նշված լեռնանցքը գիտե իբրև «պահակ որմուն, որ է ընդ մէջ իշխանութեանն Աղուանից և Հո-  
նաց»:

<sup>24</sup> Նղիշեն, Գ (աշխ., թարգմ., էջ 70—71):

<sup>25</sup> Այժմյան Ռուբաս դետի մոտ:

<sup>26</sup> Նղիշեն նկատի ունի առաջին հերթին Հոնաց պահակին սահմանակից թավասպառների  
(Թարասպառների) ու լեկերին (լեզգիներին):

<sup>27</sup> Նղիշեն Գ (աշխ., թարգմ., էջ 72):

<sup>28</sup> Նույն տեղում, Փարպեցի, Բ, լե, (աշխ., թարգմ., էջ 155):

<sup>29</sup> Նղիշեն, Գ (աշխ., թարգմ., էջ 73): Փարպեցի, Բ, լզ, էջ 66—67:

<sup>30</sup> Ա. Դարոգաշյանը, Ն. Աղունը, Հ. Արմենը, Ստ. Մալխասյանը, Խ. Վեմյանը Վասակ  
Սյունու քաղաքական կողմնորոշման և վարքագծի հարցում այլ տեսակետ ունեն, գտնելով, որ

մասնով հայոց զորքը ձմեռելու համար ցրվում է երկրով մեկ, այն պայմանով, որ դարնանը պատրաստ լինի պատերազմական դործողությունների:

Հաղթողի փառքով պսակված Վարդան Մամիկոնյանն Արտաշատում նոր կառավարություն է կազմում: «Տանուտէր հայոց», այսինքն երկրի կառավարիչ է դառնում ինքը՝ Վարդան Մամիկոնյանը, միաժամանակ մնալով նաև սպարապետ: Նա, փաստորեն, վերականգնում է Արշակունյաց ժամանակաշրջանի գործակալությունները: Վահան Ամատունին վերահաստատվում է հազարապետի պաշտոնում, դավաճան Գադիշո հռոխորունու փոխարեն մաղխազ է դառնում նրա ազգական հորեն հռոխորունին, մեծ դատավորն էր կաթողիկոսի տեղապահ Հովսեփ եպիսկոպոսը: Վերականգնվում է մինչև անգամ մարդպետի պաշտոնը, որը հանձնվում է Միհրշապուհին: Հայաստանը փաստորեն դառնում էր անկախ պետություն՝ «Տանուտիրական երկիր» կամ «երկիր տանուտիրական գեղին»: Բոլորը հասկանում էին, որ Սասանյանների նոր ընդհարումն անխուսափելի էր: Ուստի ապստամբները պատրաստվում էին առաջիկա պատերազմին:

Վասակ Սյունին և նրա կողմնակիցները ժողովրդին համոզում էին հրաժարվել ապստամբության մտքից, խոստանալով ամեն ինչ հարթել և խաղաղ ճանապարհով հասնել նսիսկին իրավիճակի վերականգնման: Այս հավաստիացումներին եղան հավատացողներ, որոնք անցան նրանց կողմը: Այդ նույն ժամանակ Հաղկերտ Բ-ն Միշին Ասիայում պարտություն է կրում հոներից և վերադառնում Տիգրոն: Վասակ Սյունին օգտագործում է հենց այս հանգամանքը: Նա ամեն կերպ համոզում է արքայից արքային, որսիսգի վերջինս մեղմացնի իր քաղաքականությունը Հայաստանի նկատմամբ, ներման հրովարտակ շնորհի և դրանով իսկ վերջ դնի պատերազմի նախապատրաստությանը երկրում: Վասակ Սյունին հասնում է այն բանին, որ Հաղկերտ Բ-ն «ներման» հրովարտակ է ուղարկում ապստամբներին: Հրովարտակում արքայից արքան խոստանում է ազատել ապստամբություն՝ ձերբակալված մասնակիցներին և վերադարձնել նրանց բռնազրաված ունեցվածքը: Ի վերջո նա խոստանում է լիակատար կրոնական հանդուրժողականություն<sup>31</sup>:

Հաղկերտ Բ-ի հրովարտակը շատերի վրա որոշակի տպավորություն է թողնում: Վասակ Սյունու հեղինակությունը նրանց աչքում բարձրանում է, քանի որ նա էր համարվում պարսկական արքունիքի կողմից արված զիջումների նախաձեռնողը: Սակայն Վասակ Սյունու հաշիվները սխալ դուրս եկան: Հետագա դեպքերը ցույց տվեցին, որ պարսիկները խաբում էին նրան: Նա, հավանաբար, չդիտեր, որ հայերին ներման հրովարտակ ուղարկելու հետ միաժամանակ, Հաղկերտ Բ-ն գաղտնի պատվիրակություն է ուղարկում Մարկիանոս կայսեր մոտ, վերստին հավաստիանալու, որ Բյուզանդիան ոչ մի օգնություն ցույց չի տա ապստամբած հայերին: Մարկիանոսը շտապում է տալ նրան այդ երաշխիքը<sup>32</sup>, Սովորական դիվանագիտական հավաստիացում չէր

Վասակ Սյունին ստեղծված ծանր վիճակից ելք էր որոնում: Դիտեցողների մյուս մասը սկզբնաղբյուրների օրոշակի տվյալների քննության հիման վրա նշում է, որ Վասակ Սյունին սկզբում երկրում դիրք բռնելով, ապստամբության ծավալման բուն պահին բացահայտորեն դավաճանում է և անցնում թշնամու կողմը: Այս տեսակետն է արտահայտված նաև Դ. Դեմիրճյանի «Վարդանանք» վեպում և բանասեր Վ. Ս. Նալբանդյանի՝ «Египше» (Ереван, 1972) գրքում:

<sup>31</sup> Եղիշե (աշխ. Թարգմ., էջ 78), Փառպեցի, Բ, լզ, էջ 67—68:

<sup>32</sup> Եղիշե, Գ (աշխ. Թարգմ., էջ 79):



այդ կայսրության կողմից: 422 թ. խաղաղության պայմանագրի համաձայն բյուզանդական կայսրությունը պետք է պարբերաբար «ոսկի» տար սասանյան արքունիքին՝ կովկասյան անցքերը հոների և այլ «բարբարոսների» ներխուժումներից պահպանելու համար: 449—450 թթ. մոտերքը հոն Հեռանի՝ բյուզանդական Հայաստանի սահմանամերձ վայրերի ասպատակությունից հետո բյուզանդական արքունիքն առավել շահագրգռված էր կովկասյան անցքերի ամրապնդման գործում և, անշուշտ, թշնամաբար էր տրամադրված Հայաստանի ու Աղվանքի ապստամբական շարժման նկատմամբ:

Ապահովելով իր անվտանգությունը մարզպանական Հայաստանի բյուզանդական սահմանագծի կողմից՝ Հազկերտ Բ-ն վերսկսում է պատերազմի նախապատրաստությունը, որպեսզի մեկընդմիջտ հաշիվ մաքրի ապստամբած հայերի ու աղվանների հետ:

Հազկերտի հրովարտակի արդյունքն այն եղավ, որ ապստամբների շարքերն սկսեցին թուլանալ, տարաձայնություններ ծագեցին: Մի շարք նախարարներ հրաժարվեցին պատերազմին նախապատրաստվելուց: Սպարապետ Վարդան Մամիկոնյանը և նրա զինակիցներն անվտանգությամբ ընդունեցին Հազկերտի հրովարտակը: Վարդան Մամիկոնյանն ու նրա կողմնակից նախարարները, հոգևորականներն ու ազատները, ինչպես նաև ժողովրդի լայն զանգվածները որոշել էին մինչև վերջ պայքարել հայրենիքի ազատության համար, ուստի շարունակում էին պատրաստվել պատերազմի<sup>33</sup>: Սասանյանները տեսնելով այդ, շտապում են զորք ուղարկել Հայաստանի սահմանը: Պարսկական զորքը, այդ թվում նաև մարտական փղերի զույգը հազարապետ Միհրնեսհհր կենտրոնացնում է Փայտակարանում: Այստեղ է կանչվում Վասակ Սյունին՝ ապստամբած հայերի ռազմական պատրաստությունների մասին տեղեկություններ հաղորդելու համար: Հայաստանի մարզպանին ընդունում են մեծ պատվով, որպես մի մարդու, որը դեռևս կարող էր պիտանի լինել պարսիկներին: Պատմիչների հաղորդման համաձայն, Միհրնեսհհր, Վասակին սիրաշահելու միտումով խոստացել էր ապստամբությունը ճնշելուց հետո նրան հռչակել թագավոր և նստեցնել Հայոց գահին<sup>34</sup>:

Հայրենիք վերադառնալով, Վասակ Սյունին վերսկսում է հայ նախարարների միասնականությունը խախտելու իր տենդագին գործունեությունը և քայքայիչ աշխատանք է ծավալում նաև Հայաստանից դուրս: Նա կարողանում է խափանել ապստամբ հայերի և աղվանների միասնությունն ու դաշինքը: Ապստամբությանը չեն մասնակցում նաև բարձր լեռնային ծայրագավառները՝ Աղձնիքը, Տմորիքը, Կորդուքը, Արցախը: Վասակը դրանց իշխաններին պատվիրում է ապաստան չտալ փախստականներին: Վասակ Սյունին նամակ է ուղարկում բյուզանդական Հայաստան՝ Վասակ Մամիկոնյանին և հայտնում, թե իբր ապստամբների կողմնակիցները հեռացել են նրանցից, ամբողջ Հայաստանն իր կողմն է անցել, և որ ինքը վերականգնել է քրիստոնեությունը: Վասակ Մամիկոնյանը «Ստորին Հայքի» սպարապետ էր և հռոմեների զորքերին հավատարիմ մի անձ՝ Պարսից սահմանի վրա: Վասակ Մամիկոնյանն իր հերթին այդ լուրը հայտնում է Կոստանդնուպոլսի արքունիք<sup>35</sup>:

33 Նույն տեղում:

34 Նույն տեղում, դ, էջ 83, Փառպեցի, Բ, լզ (աշխ., թարգմ., էջ 159):

35 Նույն (աշխ. թարգմ., էջ 85):

Այդ իրավիճակում ապստամբները ոչ մի տեղից օգնության հույս չունեին, միայն հոնքերն էին հավատարիմ մնացել իրենց խոստմանը: Սակայն կովկասյան լեռնանցքներով հոնքերի ներխուժումը կանխելու համար Վասակ Սյունին պարսկական զորաշղկատներ դնելով, ամենուրեք ամրացրել էր անցումները:

Վասակ Սյունին Հայաստանին հարևան տարածքներից հավաքագրում է նաև մի շարք լեռնցի ցեղեր<sup>36</sup>: Ապստամբների դեմ պատրաստվող այս բոլոր ռազմական ուժերը հավաքվում են Փայտակարանում, ուր Միհրնեսին կրկին ներկայացած Վասակ Սյունին իր համախոհներով հավաստացնում են, որ հայերի ու պարսիկների ընդհարման դեպքում իրենք կլինեն վերջիններիս կողմը: Վասակից ու նրա կողմնակիցներից տեղեկություններ ստանալով ապստամբների ռազմական ու ստրատեգիական բոլոր ծրագրերի մասին՝ Միհրնեսին ուղևորվում է Միջին Ասիա, այս ամենի մասին Հազկերտին զեկուցելու, իսկ ապստամբ հայերի դեմ կռվելու համար պարսից զորքի հրամանատար է նշանակում Մուշկան Նիսալավուրտին<sup>37</sup>:

450—451 թթ. ձմռան ընթացքում ապստամբների զորքը նախապատրաստվում էր առաջիկա կռիվներին: 451 թ. ապրիլին պարսիկներն իրենց զորքերը Փայտակարանից քաշում են դեպի Հայաստանի հարավային սահմանը՝ Հեր և Զարեանդ գավառների մոտ, որտեղից Ամբրիոտիկ ամրոցի կողմից ներխուժելու էին Հայաստանի կենտրոնը՝ Այրարատ նահանգը: Այդ մասին տեղեկություն ստանալով, Վարդան Մամիկոնյանը կարգադրում է, որ բոլոր նախարարներն իրենց աշխարհազորով հավաքվեն Արտաշատում, ընդ որում Վասակ Սյունու կողմն անցած նախարարների զորքերը հանձնվում են ապրստամբությանը հավատարիմ մնացած՝ ուխտապահների հրամանատարությունը<sup>38</sup>: Արտաշատում տեղի է ունենում զորքերի հանդիսավոր ստուգատես, որի ժամանակ այրուձիով ներկա էին բոլոր ուխտապահ նախարարները (Ներշապուհ Արծրունին, Խորեն Խոռոսորունին և ինքը՝ սպարապետը՝ Արտակ Պալունին, Վահան Ամատունին, Վահուկյաց Գյուտը, Թաթուլ Դիմաքսյանը, Արշավիր Արշարունին, Շմավոն Անձևացին, Տաճատ Գնթունին, Ատոմ Գնունին, Խոսրով Գաբելյանը, Կարեն Սահառունին, Հմայակ Դիմաքսյանը, մի այլ Դիմաքսյան՝ Գազրիկը, Ներսես Քաջբերունին, Փարսման Մանդակունին, Արսեն Ընծայացին, Այրուկ Սղկունին, Վրեն Տաշրացին, Ապրսամ Արծրունին, արքունի ախոռապետը, Խուրս Սրվանձտյանցը, Քոշյանները, Ակեացիները, Տրպատունիները և Ռշտունիների զորքը և արքունի բոլոր գործակալներն ամեն մեկն իր զորքերի հետ միասին)<sup>39</sup>: Ապստամբների ամբողջ զորքի ընդհանուր թիվն էր վաթսուներեք հազար մարդ՝ հեծյալ և հետևակ<sup>40</sup>: Առաջիկա ճակատամարտում հայոց ռազմական այս ուժի դեմ դուրս եկած պարսկական զորքում հաշվվում էր 80—90 հազար մարդ և 13 մարտական փիղ: Սակայն իր բարոյական ոգով ապստամբների զորքը գերազանցում էր թշնամուն: Արտաշատում զորքի հանդիսավոր ստուգատեսի ժամանակ Վարդան Մամիկոնյանը քաջալերում էր զորականներին. «Արդ, աղաչում եմ ձեզ, ով իմ քաջ նիզակակիցներ.

36 Նույն տեղում, էջ 86—87:

37 Փառպեցի, Բ, լէ, էջ 69, Եղիշե, Դ, էջ 88:

38 Եղիշե, Ե (աշխ. Թարգմ., էջ 91—92):

39 Նույն տեղում:

40 Նույն տեղում, էջ 92:



մանավանդ որ ձեզանից շատերը քաջությամբ ինձնից ավելի լավ էք և հայրենական գահի պատվով՝ ավելի բարձր, բայց երբ ձեր հոժար կամքով ինձ կարգեցիք ձեր առաջնորդ և զորագլուխ, թող իմ խոսքերն ակնհայտորեն և բաղձալի թվան մեծերիդ ու փոքրերիդ ականջներին: Չերկչենք ու չվախենանք հեթանոսների բազմությունից... իսկ եթե հասել է ժամանակը մեր կյանքը սուրբ մահով ավարտելու այս պատերազմում, ընդունենք ուրախ սրտով, միայն թե արիության ու քաջության մեջ վախկոտություն չխառնենք»<sup>41</sup>. «վախը թերահավատության նշան է, թերահավատությունը մենք վաղուց ենք մերժել մեզանից. նրա հետ վախն էլ թող փախչի մեր մտքերից ու խորհուրդներից»<sup>42</sup>. Հայոց բանակում մեծ հեղինակություն էր վայելում Ղևոնդ երեցը, որ քաջալիրում էր ապստամբներին, հիշեցնելով նրանց գործի մեծ առաքելությունը հայրենիքի և ժողովրդի ազատության համար մղվող պայքարում:

Պարսկական բանակի ներխուժումը կանխելու նպատակով Վարդան Մամիկոնյանը շտապում էր իր զորքն ուղարկել երկրի հարավային սահմանը: Նա հույս ուներ, որ պատերազմական գործողությունները տեղի կունենան թըշնամու հողի վրա և երկիրը զերծ կմնա ավերածությունից»<sup>43</sup>: Սակայն պարսկական բանակն արդեն հասցրել էր անցնել մարզպանական Հայաստանի սահմանագիծը Ամբրիոտիկ ամրոցի կողմից և հայկական զորքը հակառակորդին հանդիպում է Ավարայրի դաշտում, Տղմուտ գետի ափին»<sup>44</sup>:

Տղմուտ գետի հյուսիսային ափին, պարսկական զորքին դիմապարզ կանգնում է ապստամբ հայերի շատ ավելի փոքրաթիվ զորքը: Վարդան Մամիկոնյանը հայկական զորքը բաժանում է չորս մասի. աջ թևի զորամասի հրամանատարությունը հանձնում է Ներշապուհ Արծրունուն և նրան նիզակակից կարգում Մոկաց մեծ իշխան Արտակ Մոկացուն, ձախ թևի զորամասի հրամանատարությունը հանձնում է խորեն խռխրունուն և նիզակակիցներ կարգում Արսեն Ընծայացուն և Ներսեհ Քաջբերունուն: Երրորդ զորամասը Վարդան Մամիկոնյանը հանձնում է Թաթուլ Վանանդացուն և նրան նիզակակից կարգում Տաճատ Գնթունուն: Վարդան Մամիկոնյանը ինքը, վերցնում է չորրորդ գունդը և իրեն նիզակակից նշանակում քաջ իշխան Արշավիր Կամսարականին ու իր հարազատ եղբայր Համազասպյանին»<sup>45</sup>:

Դեմ դիմաց կանգնած էին երկու բանակ՝ հակադիր խնդիրներով ու նպատակներով. մի կողմից պարսից բանակը, որը ձգտում էր պարտության մատնել հայերին, ճնշել ապստամբությունը և հաստատել պարսկական լուծը հայ ժողովրդի ուսերին, հարկադրելով նրանց նաև ընդունելու պարսից զրադաշտական կրոնը, մյուս կողմից՝ հայկական բանակը, որն ուխտել էր մինչև վերջ կռվել օտար տիրապետության դեմ, իր հայրենիքի և ժողովրդի ազատության ու իր դավանանքի համար: Թվական գերակշռությունը պարսիկների կողմն

41 Նույն տեղում, էջ 93:

42 Նույն տեղում, էջ 95:

43 Փառաքել, Բ, 15 (աշխ. թարգմ., էջ 161):

44 Ավարայրի դաշտը կռվել է նաև Արտազու դաշտ կամ Տղմուտի դաշտ, որ համապատասխանում է այժմյան Զորսի դաշտին, ինչպես ժամանակին ցույց է տվել Գալուստ Շերմազանյանը (տե՛ս «Արարատ», ամսագիր, 1872, նոյեմբեր-դեկտեմբեր): ՏՃ՝ Ն. Օ. Աղաբեկյան, Ավարայրի ճակատամարտի տեղի հարցի շուրջը, ՊՐՀ, 1967, № 4: Ն. Աղաբեկյան, Ավարայրի ճակատամարտ, ՀՍՍՀ, հ. 1, էջ 607 (տե՛ս նաև նրա Ավարայրի ճակատամարտի քարտեզը):

45 Նղիշե, Ե (աշխ. թարգմ., էջ 105—106):

էր, իսկ բարոյականը՝ հայերի Ահեղ ճակատամարտն սկսվեց 451 թ. մայիսի 26-ին, շարաթ օրը, կեսօրին։ Հակառակորդ կողմերը ձեռնամարտի բռնվեցին։ Մարտը բորբոքվեց մեծ ուժեղությամբ, մինչ հետևակը կռվի մեջ էր, ձախ թևում Վարդան Մամիկոնյանն իր հեծելազորով անցնում է գետը և թափով հարձակվելով թշնամու աջ թևի վրա, հարկադրում նրան նահանջել, իսկ ետև-վում կանգնած պարսկական «անմահների գունդը» առանց մարտի բռնվելու փախուստի է դիմում։ Անգիջում կռիվը շարունակվում է երկար, սակայն մար-տի թեժ պահին հայկական մի քանի ջոկատներ ընկրկելով հակառակորդի դերակշիռ ուժերի առջև, ետ են քաշվում մերձակա բլրակները։ Այդ օգտագոր-ծում է Մուշկան նիսավաժուրտը և աջից հարձակում սկսում հայկական զորքի ձախ թևում։ Երկու կողմերն էլ կռվում են մեծ համառությամբ, ամբողջ հար-թությունը ծածկվում է դիակներով։ Մուշկան նիսավաժուրտը կռվի մեջ է մըտ-ցնում մարտական փղերը։ Թշնամին իր փղերի գնդով շրջապատում է Վար-դան Մամիկոնյանին և նրա ջոկատի հեծյալներին։ Այստեղ հերոսի մահով ընկնում են հայոց սպարապետ Վարդան Մամիկոնյանը և նրա զինակիցները։

Մայրամուտին մարտը դադարում է։ Զոհերի թիվը մեծ էր։ Սակայն հաղ-թանակի հարցը մնում էր չլուծված։ Եղիշեի խոսքերով ասած՝ «ոչ թե մի կողմը հաղթեց և մյուս կողմը պարտվեց, այլ քաջերը քաջերի դեմ դուրս դալով՝ եր-կու կողմերն էլ պարտություն կրեցին»<sup>46</sup>, Եղիշեն և Ղազար Փարպեցին պահ-պանել են Ավարայրի դաշտում հերոսական մահով ընկած նահատակների անունները. «Մամիկոնյան ցեղից Քաջ Վարդանը՝ հարյուր երեսուն և երեք մարդով, Խոռխորունյաց ցեղից Կորովի Խորենը՝ տասնինը մարդով, Գնթուն-յաց ցեղից Զարմանալի Տաճատը՝ տասնինը մարդով, Դիմաքսյան ցեղից Հրա-շակերտ Ներսեսը՝ յոթ մարդով, Գնունյաց ցեղից Մանուկ Վահանը երեք մար-դով, Ընծայնոց ցեղից Արդար Արսենը յոթ մարդով, Սրվանձտյան ցեղից Հա-ռաջադեմ Գարեգինը՝ երկու հարապատներով և տասնութ մարդով»<sup>47</sup>, Ճակա-տամարտում կողմերի սոված զոհերի թվի մասին մեր երկու պատմիչն էլ՝ թե Եղիշեն, և թե Փարպեցին, միևնույն տեղեկությունն են հաղորդում։ Նրանց տըվ-յալների համաձայն Ավարայրի դաշտում հայերից զոհվեց 1036 հոգի, որոն-ցից 9-ը՝ նախարար, պարսիկներից՝ 3544 հոգի<sup>48</sup>, Հայ ժողովրդի՝ օտար նվա-ճողների դեմ մղած պայքարի բազմաթիվ դրվագներից ոչ մեկը այնպես չի սպառնում հայ ժողովրդի հիշողության մեջ, ինչպես Ավարայրի հերոսա-մարտը։ Այն մնաց իբրև հայ ժողովրդի ազատասեր ոգու և ազատագրական պայքարի անջնջելի պատգամ դարեր շարունակ։ Ավարայրի ճակատամարտում զոհվածները դասվել են «հայրենիքի նահատակների» շարքը և այսօր էլ «Վարդանանց տունը» համազգային տոն է, որ նշվում է ամենուրեք՝ թե Հայ-րենիքում և թե սփյուռքում<sup>49</sup>։

<sup>46</sup> Նույն տեղում, էջ 108։

<sup>47</sup> Նույն տեղում։ Փարպեցի, Բ, լթ (աշխ. թարգմ., էջ 171)։

<sup>48</sup> Նույն տեղում, էջ 109։ Փարպեցի, Նույն տեղում։

<sup>49</sup> Տե՛ս Ս. Դ. Երեմյան, Народно-освободительная борьба армян против персов в 450—451 гг., ВДМ, 1951, № 4.



### 3. ՏԱՐԵՐԱՅԻՆ ՊԱՅՔԱՐԸ ՍԱՍԱՆՅԱՆՆԵՐԻ ՏԻՐԱՊԵՏՈՒԹՅԱՆ ԴԵՄ: ՏԻՋՐՈՆԻ ԴԱՏԱՎԱՐՈՒԹՅՈՒՆԸ

Ավարայրի ճակատամարտից հետո ապստամբական շարժումն ընդունեց տարերային պայքարի բնույթ: Ժողովուրդը քաշվում է անառիկ լեռներն ու ձորերը, որտեղից անընդհատ հարձակումներ է գործում պարսկական պատժիչ ջոկատների վրա, որոնք գործում էին երկրի ցածրադիր մասերում: Սովորաբար պարսիկները պաշարում էին այն ամրությունները, որտեղ պատսպարված էր լինում խաղաղ բնակչությունը և ներումն խոստանում՝ եթե հանձնվեն: Տեղտեղ պաշարվածները ստիպված էին հանձնվել՝ քաղցից և ծարավից դրդված: Բայց կամովին հանձնվածներին էլ պարսիկները չէին խնայում, կոտորում էին կամ գերության քշում, իսկ բնակավայրերը՝ հրկիզում<sup>50</sup>: Հայկական ջոկատները հերոսական պայքար էին մղում պարսկական պատժիչ ջոկատների դեմ: Տմորիքի լեռների անմատչելի ամրոցներում ապաստանածները պարսիկների շարագործությունների լուրն առնելով, արիաբար իջնում են լեռներից և հաշվեհարդար տեսնում պատժիչների հետ<sup>51</sup>:

Արցախի խիտ անտառներում ապաստանած փախստականներն անդադար մարդիկ էին ուղարկում Հյուսիսային Կովկասի հոների մոտ և հիշեցնում, որ նրանք կատարեն հայերին օգնելու մասին իրենց խոստումը: Ի վերջո, հոների մի մեծ ջոկատ ներխուժում է Անդրկովկաս և հասնում մինչև Պարսկաստանի սահմանը, ավերելով պարսկական մի քանի նահանգներ: Վերադարձին հոները հարձակվում են Հյուսիսային Կովկասի այն ցեղերի վրա, որոնք օգնել էին պարսիկներին՝ ընդդեմ հայերի: Սակայն այս միջոցին պարսիկները գրավում են հոների սահմանամերձ ամրությունները<sup>52</sup>:

Պարսկական պատժիչ ջոկատներին նույնպիսի կազմակերպված դիմադրություն էին ցույց տալիս Հայաստանի բյուզանդական մասին սահմանակից շրջանների, հատկապես Ճորոխի ավազանի զինված ջոկատները: Այստեղ՝ Տալքում, Պարիսարյան լեռների և Խաղտիքի խիտ անտառներում Վարդան Մամիկոնյանի եղբոր՝ Հմայակի մոտ ապաստան էր գտել ապստամբների հիմնական մասը: Այստեղից կարելի էր տեղական դիմադրություն կազմակերպել, իսկ անհաջողության դեպքում հեշտությամբ անցնել Բյուզանդական կայսրության սահմանները: Հմայակ Մամիկոնյանի դեմ ուղարկվում են պարսիկների պատժիչ ջոկատներ, որոնք հույս ունեին այնտեղ գտնել փախած նախարարների գանձերը: Հմայակ Մամիկոնյանն իր աշխարհազորի հետ, որը վատ էր զինված, Պարիսարյան լեռներից իջնում է Ճորոխ գետի կիրճը, Որջնհաղ գյուղը (այժմ՝ Օշնախ): Այստեղ թշնամու կանոնավոր զորքը հաղթում է աշխարհազորական ջոկատներին: Նահանջի ճանապարհին, Բերդագրակ ամրոցի մոտ անհավասար մարտում ընկնում է նաև Հմայակ Մամիկոնյանը<sup>53</sup>: Մյուսներն

<sup>50</sup> Նդիշե, 2 (աշխ. Թարգմ., էջ 111—112):

<sup>51</sup> Նույն տեղում, էջ 115:

<sup>52</sup> Նույն տեղում, էջ 116:

<sup>53</sup> Փառպեցի, Բ, խա, աշխ. Թարգմ., էջ 175: Հմայակ Մամիկոնյանը հայոց եկեղեցու կողմից դասվեց սրբերի շարքը: Նրա նահատակության տեղում հիմնվում է եկեղեցի և միաբանություն, որ հետագայում հայտնի է Զորավանք անունով (վրաց. Օթխթա-էկեխա, այսինքն շուրս եկեղեցի, այժմ կոչվում է Դորթ-Փիլիս): Տե՛ս նաև Հ. Աճառյան, Հայոց անձնանունների բանարան, Գ. Գ, Երևան, 1946, էջ 90:

ապաստան են դառնում Պարսիսարյան լեռներում<sup>54</sup>։

Սասանյանները հասկանում էին, որ Ավարայրի ճակատամարտից հետո ժավալված ժողովրդական պատերազմը կձգձգվի անորոշ ժամանակով։ Պատ-  
ժիշ ջոկատներն էլ ավելի էին գրգռում ժողովրդի ատելությունը պարսիկների  
և դավաճան նախարարների հանդեպ։ Հայերի դիմադրությունը հետզհետե զո-  
րեղանում էր, իսկ պարսիկների գործերը Միջին Ասիայում վատ էին։ Հոների  
և հեփթաղների հարձակման հետևանքով ստեղծված պայմաններում անհրա-  
ժեշտ էր շուտափույթ լուծել ապաստամբ վիճակում գտնվող Հայաստանի հար-  
ցը։ Բայց այդ կարելի էր անել միայն ժողովրդին ատելի դարձած Վասակ Սյու-  
նուն պաշտոնից ղրկելու և նրա կողմնակիցներին չեղծացնելու միջոցով։

Հայերի դեմ ռազմական գործողությունները գլխավորող Մուշկան Նիսա-  
լավուրտը բազմաթիվ անհաջողություններ կրելով, և վախենալով պատաս-  
խանատվությունից, ամբաստանազիր է գրում Վասակ Սյունուն և նրա կողմնա-  
կիցների դեմ<sup>55</sup>։ Այս պայմաններում Հայաստանում խաղաղություն հաստատե-  
լու համար Հաղկերտ Բ-ն որոշում է ժամանակավորապես փոխել իր քաղա-  
քականությունը։

Վասակ Սյունին հեռացվեց իր պաշտոնից և կանչվեց Տիգրոն։ Նրա փոխա-  
րեն Հաղկերտ Բ-ն Հայաստանի պարսկական մասի մարզպանի պաշտոնը  
հանձնեց իր ավագ նախարարներից մեկին՝ Ատրորմիզդ Արշականին (Արշա-  
կունուն)<sup>56</sup>։ Մուշկան Նիսալավուրտ զորավարը նույնպես հեռացվում է Հայաս-  
տանից։ Ատրորմիզդ մարզպանը, ինչպես նշում է Նղիշեն, «Հայոց աշխարհը  
մտավ սիրով և խաղաղությամբ»<sup>57</sup>։ Նա երկրով մեկ խաղաղության հրովար-  
տակներ էր հղում։ Որ ավելի կարևոր էր, արքայից արքայի հատուկ հրովար-  
տակով բոլորին լիակատար կրոնական ազատություն էր տրվում, հրամայ-  
վում էր չպահանջել ապաստամբության տարիներին չմուծված հարկերը, առ-  
ժամանակ պակասեցվում էր Միջին Ասիայում կռվելու համար Հայաստանից  
հավաքագրվող հեծելազորի թիվը, փախստականներին թույլատրվում էր վե-  
րադառնալ և տեղ դառնալ իրենց ունեցվածքին<sup>58</sup>։ Նույնիսկ բռնի կրոնափոխ  
եղածներին, ըստ հրովարտակի, չէր արգելվում նորից վերադառնալ քրիստո-  
նեություն։

Այս նույն ժամանակ Սասանյանները բռնություններ են կիրառում ապրս-  
տամբական շարժման ղեկավարների նկատմամբ։ Ավարայրի ճակատամար-  
տից կենդանի մնացած ուխտապահ նախարարները՝ թվով 37 հոգի, և 8 եկե-  
ղեցականները տարվում են Տիգրոն<sup>59</sup>։ Տիգրոն էին գնում ավագ նախարար-  
ները, ամենանշանավոր նախարարական տոհմերի ներկայացուցիչները, որ  
միևնույն ժամանակ քաղաքական գործիչներ էին։

Նղիշեն և Ղազար Փարպեցին գրեթե միատեսակ բերում են Տիգրոն գնա-  
ցող, ապա 12 տարով (452—464) աքսորված նախարարների ցուցակը՝ «Սյուն-

54 Փարպեցի, Բ, խա (աշխ. թարգմ., էջ 177)։

55 Նղիշեն, Ձ (աշխ. թարգմ., էջ 116—117)։

56 Նույն տեղում, էջ 117։

57 Նույն տեղում։

58 Նույն տեղում (էջ 118—119)։ Փարպեցի, Բ, խ (աշխ. թարգմ., էջ 173)։

59 Նույն տեղում։ Նրանք հասել են 451 թ. հոկտեմբերի կեսերին (Մ. Օրմանյան, Ազգապա-  
տում, Գ. Ա, էջ 385)։



յաց տոհմից՝ երկու եղբայրներ՝ Բարդեհն և Բակուր. Արծրունյաց տոհմից՝ Ներշապուհ և Շաղախ և Շնգին և Մեհհրուժան և Պարգե և Տաճատ. Մամիկոնյան տոհմից՝ Համազասպյան և Համադասպ և Արտավազդ և Մուշեղ. Կամսարականների տոհմից՝ Արշավիր և Թաթ, Վարձ, Ներսեհ և Աշոտ. Ամատունյաց տոհմից՝ Վահան և Առանձար և Առնակ. Գնունյաց տոհմից՝ Ատոմ, Դիմաքսյանների տոհմից՝ Թաթուլ և Սատոյ, երկու այլ ընկերներով, Անձեացյաց տոհմից՝ Շմավոն և Զվարեն և Առավան. Առավիզյանների ցեղից՝ Փափագ և Վարազդեն և Դատ. Արծրունյաց տոհմից՝ Ալարսամ. Մանգալունյաց տոհմից՝ Սահակ և Փարսման, Տաշրացյաց տոհմից՝ Վրեն. Ռափսոնյան տնից՝ Բաբիկ և Հոհան:

Այս երեոունեհինդ աքսորականներից ոմանք ալադ նախարարներից էին, ոմանք կրտսերներից, բայց բոլորն էլ մարմնով նախարարուզուններ են, Սրանց հետ աքսորվել են նաև ռուրիշ շատ ազատ մարդիկ էլ, ոմանք թագավորական տնից և ոմանք հենց նախարարների տնից, քաշ նահատակների նիդակակիցներ ու մարտակիցներ<sup>60</sup>, Որպեսզի նախարարների համարձակությունը չափավորվի և կաշկանդվի, իբրև պատանդ Տիդրոն էին ուղարկվում նաև ամենաերեւելի նախարարների երեխաները: Սրանք էին՝ սպանված Հմայակ Մամիկոնյանի (Վահան, Վասակ, Արտաշես) և Արշավիր Կամսարականի (Ներսեհ և Հրահատ) որդիները: Բոլորը նահատակված Վարդան Մամիկոնյանի եղբորորդիներն ու թոռներն էին<sup>61</sup>, Վասակ Սյունին գնաց արքունիք, երբ բոլորն արդեն Տիգրոնում էին: Նա մեծ հույսեր ուներ, որ իր «ծառայությունները» կգնահատվեն:

Տիգրոնում ատյանը կազմվեց Միհրնեսեհի նախագահությամբ, 452 թ. սկզբներին: Նախապես դատվեցին հոգևորականները, Արտաշատի և Ռշտունիքի կրակատները քանդողները՝ Սամուելը և Արրահամը, Սահակն ու Քաշաշը, որից հետո կաթողիկոսի տեղապահ Հովսեփը և Ղեռնդ երեցը, Մուշեղի և Արշենի հետ ենթարկվում են գանահարման, ապա շղթայակապ բանտարկվում են, մինչև արքունական վերջնական վճիռը<sup>62</sup>:

Այնուհետև հերթը հասնում է նախարարներին: Շատերին փրկելու հույսով պետք էր մեղքը բարդել մեկի՝ Վասակ Սյունու վրա: Նա իբրև երկրի մարզպան սկզբում հանդես էր եկել ապստամբության կազմակերպչի դերում: Ատյանում ցույց են տրվում նրա մատանիով կնքված թղթերը, որոնք առնչվում էին ապստամբության հետ, դրանց թվում և բյուզանդական կայսրին հղած նամակը, որով խնդրվում էր օգնել ապստամբներին: Մեշտեղ են բերվում նաև պարսիկներից խլված շատ բերդերի վերաբերմամբ նրա թղթերն ու հրամանները: Ապա վկայություն տվեցին, որ մարզպան Վասակ Սյունին խառն էր մոգերի կոտորածին Զարեհավանում: Ատյանում գտնվող Ատոմ Գնունին, որին Վասակը պատգամավոր էր ուղարկել հույների մոտ, առաջ եկավ ու մեղադրեց նրան, մեջ բերելով այն հրովարտակը, որը նա տվել էր՝ կնքած մատանիով<sup>63</sup>:

Ատյանին ներկա էին նաև Վասակ Սյունու ազգականները, որոնց թվում՝ հորեղբոր որդիները: Նրանց հորը նա բանտարկությամբ սպանել էր և անօրեն

<sup>60</sup> Եղիշե, է (աշխ. թարգմ., էջ 171—172); Փարպեցի. Բ, խէ (աշխ. թարգմ., էջ 205):

<sup>61</sup> Փարպեցի. Բ, խթ, Գ, ծթ (աշխ. թարգմ., էջ 183, 257, 259):

<sup>62</sup> Փարպեցի. Բ, ծգ, ծր: Մ. Օրմանյան, Ազգապատում, Ա, էջ 386—387:

<sup>63</sup> Եղիշե, Զ (աշխ. թարգմ., էջ 120—122):

տիրացել Սյունյաց իշխանությանը, որի մասին նրան նորից հիշեցրին Տիգրանի ատյանում: Վասակ Սյունու ազգականները հայտնեցին, որ Վասակը բարեկամացել էր հոն Հեռանի հետ այն ժամանակները, երբ վերջինս կոտորեց պարսից զորքերն Աղվանքում: Բոլորի առաջ պարզ դարձավ Վասակի երկդիմի դերը, որն ավելի շեշտեց Սահակ եպիսկոպոսը<sup>64</sup>:

Հաղարապետ Միհրնեսյանը հայտնեց Հազկերտին ատյանում լսված Վասակի գործի մասին: Վասակ Սյունին արդեն կատարել էր դավաճանի իր դերը, նա այլևս պետք չէր Սասանյաններին: Հայերին հաճոյանալու և նրանց հետ ընդհանուր լեզու գտնելու համար Հազկերտ Բ-ն կարգադրում է ձերբակալել Վասակին:

Մարզպան Վասակն, օժտված լինելով ամենաբարձր լիազորություններով ու արտոնություններով, ըստ պարսկական արքունիքում ընդունված կարգի, պետք է նույնպիսի բարձր մակարդակի վրա պատվազրկության արարողությանը ենթարկվեր, որ այն ժամանակ հայերենում արտահայտվում էր «պատուհաս» բառով: Այդ տեղի է ունենում հրապարակայնորեն, հանդիսավոր պայմաններում: Վասակ Սյունուն երեւի մարդկանց հետ ընթրիքի են հրավիրում: Նա ներկայանում է զարդարված ու պճնված: Բացի տարբեր զարդերից նա հագել էր Հազկերտից ստացած պարսկական հագուստը: Վասակը նստում է դահլիճում, որը մեծամեծների ժողովատեղին էր: Այստեղ է գալիս արքունի սենեկապանը և իբրև թագավորի ներկայացուցիչ, որպես մեղադրանք մեկ առ մեկ հիշեցնում նրան ատյանում ասված բոլոր խոսքերը: Ուխտապահների անունից հանդես է գալիս Արշալիք Կամսարականը՝ Վասակ Մամիկոնյանի փեսան: Նա նորից հիշեցրեց բոլոր ամբաստանությունները և հատկապես այն, որ Վասակն ստիպեց կայսրություն գնացող Վարդանին ետ վերադառնալ և զինված ապստամբության գլուխ կանգնել<sup>65</sup>: Վասակը արդարանալու խոսք չի գտնում: Հազկերտը կայացնում է Վասակի մահվան վճիռը<sup>66</sup>:

Այնուհետև տեղի ունեցավ «պատուհասի» արարողությունը: Վասակի վրայից դահճապետը հանում է արքունիքից ստացած հագուստները և նրան մահապարտի զգեստ հագցնում: Վասակի ոտքերն ու ձեռքերը կապում են և կնոջ նման մատակ ձի նստեցնում, տանում հանձնում են այն զնգանը, որտեղ բոլոր մահապարտներն էին: Բայց սրանով չէր վերջանում նրա պատիժը, նրան ամեն օր բերում էին մեծ հրապարակը, նախատում, ծաղրում ամբողջ բանակի առաջ<sup>67</sup>:

Մահվան դատապարտված Վասակից պահանջվեց հատուցել այն գումարը, որ յուրացրել էր, և նա ստիպված է լինում տալ իր ողջ ունեցվածքը:

Նշիշեն Վասակ Սյունուն ներկայացնում է իբրև հայրենիքի և իր ժողովրդի դավաճանի, որը խիստ անփառունակ վախճան ունեցավ<sup>68</sup>:

Վասակի դատապարտությունից հետո 8 եկեղեցականներ և 37 նախարարներ աքսորվեցին Վրկանից աշխարհը, որտեղ բանտարկված մնացին երկու տարի: 454 թ. սկզբներին Բուշանաց աշխարհում նորից պատերազմ ծագեց՝

64 Նույն տեղում, էջ 121—122:

65 Նույն տեղում: Փարպեցի, Բ, խհ, էջ 83—84:

66 Նղիշեն, 2 (աշխ. թարգմ., էջ 124): Փարպեցի, Բ, խզ, էջ 85:

67 Նղիշեն, նույն տեղում, էջ 124—125:

68 Նույն տեղում, էջ 124—126:



պարսիկների և հոների միջև՝ Վրկանը սահմանակից էր հոներին, ուստի Հադկերտ Բ-ի հրամանով բանտարկյալներին տարան խոր թիկունք՝ Ասլար աշխարհը (հետագայի հորասանը)<sup>69</sup>, նոր պատերազմը պարսիկների համար անհաջող է վերջանում, և Հադկերտը ողջ զայրույթը թափում է քրիստոնյաների վրա, նրանց դեմ սկսվում են նոր հալածանքներ։ Ահա այս ժամանակ՝ 454 թ. հրոտից ամսի 7-ին (հուլիսի 7-ին)<sup>70</sup>, Նյուշապուհ քաղաքից ոչ հեռու զտնվող Վարդգես կամ Վարդգէս գավառի անապատ վայրում տեղի է ունենում հոգեվորականների մի մասի սպանությունը, իսկ մնացած եկեղեցականները, որոնց թվում նաև Ղևոնդ երեցը, սպանվեցին 454 թ. հուլիսի 25-ին, Ռեան (կամ Ռույան) քաղաքում<sup>71</sup>։

Ղևոնդ երեցի և նրա ընկերների մահապատժից հետո Հսկերտ Բ-ն կարգադրեց, որպեսզի նրանց սպասարկող հոռեն Որկովեցի և Աբրահամ Զենակեցի երեցներին կրոնափոխ անեն, սակայն նրանք մերժեցին հավատափոխության առաջարկը, ուստի և ստրկացվեցին՝ ենթարկվելով համապատասխան մարմնական խեղման՝ կտրեցին նրանց ականջները<sup>72</sup> և ուլարեկեցին Ասորեստանի գավառներից մեկը՝ տաժանակիր աշխատանքի։ Մեկ տարուց հետո հոռենը մահացավ, չդիմանալով տաժանակրության պայմաններին։ Աբրահամ երեցն ազատվեց, ասորիներից բաղկացած տեղական քրիստոնյա համայնքների շնորհիվ։ Սրանք միջոցներ հավաքեցին և փրկագին վճարելով ազատեցին նրան ստրկությունից<sup>73</sup>։

Այս ժամանակների բարքերին բնորոշ էր նահատակված քրիստոնյաների մասունքների առուծախը։ Ղազար Փարպեցին հաղորդում է, որ մի քրիստոնյա խուժիկ առևտրական, որն առևտրական գործերով լինում էր Հայաստանի քաղաքներում և խոսում հայերեն, ականատես է լինում նշված սպանություններին և նրանց ոսկորներն իբրև մասունքներ հանձնում Պարսկաստանի քրիստոնյա համայնքներին, մի մասն էլ բերում Հայաստան։ Այս առևտրականն էր, որ աքսորվալրում հանդիպում էր ունեցել Արշավիր Կամսարականի հետ և այդ մասին պատմել Ղազար Փարպեցուն<sup>74</sup>։

Ապստամբությանը հաջորդած անցքերը ցույց տվեցին, որ պարսից արքունիքը ստիպված էր վերականգնել Հայաստանի ինքնուրույնությունը և նախարարների արտոնությունները, սակայն դիտելով դա իբրև ժամանակավոր զիջում, աքսորով և սպանություններով ոչնչացնում էր ապստամբության ղեկավարներին և ոգեշնչողներին, փորձելով լծի տակ գցել Հայաստանը։

69 Նույն տեղում, էջ 126։

70 Փարպեցի, Բ, խը (աշխ. Թարգմ., էջ 205—209)։

71 Մ. Օրմսելյան, Ազգապատում, հ. Ա, էջ 393—397։

72 Փարպեցի, Բ, ծը (աշխ. Թարգմ., էջ 255)։ Մշտնջենական ստրկություն էր բերում ականջ կտրելը, որը զրկում էր փախչելու հնարավորությունից։

73 Փարպեցի, Բ, ծը (աշխ. Թարգմ., էջ 257)։

74 Փարպեցի, Բ, ծէ։

**ԵՐԿՐՈՐԴ ՀԱՄԱԺՈՂՈՎՐԴԱԿԱՆ ԱՊՍԱՄԲԱԿԱՆ ՇԱՐԺՈՒՄԸ  
ԵՎ ԴՐԱ ՀԵՏԵՎԱՆՔՆԵՐԸ ՀԱՅԱՍՏԱՆԻ ՀԱՄԱՐ  
V Դ. ՎԵՐՋՈՒՄ—VI Դ. ՍԿԶՐՈՒՄ**

**1. ՀԱՅԱՍՏԱՆԸ «ՀԱՅՈՑ ՊԱՏԵՐԱԶՄԻՑ» ՀԵՏՈ: ՀԱԶԿԵՐՏ Բ-Ի  
ՆՈՐ ՔԱՂԱՔԱԿԱՆՈՒԹՅՈՒՆԸ**

457 թ. Հազկերտ Բ-ի և նրա երկու որդիների՝ Որմիզդի ու Պերոզի միջև սկսվեցին գահակալական կռիվները, որոնք տևեցին երկու տարի: Այդ ժամանակամիջոցում հայ նախարարներն ազատվեցին աքսորից, բայց մնում էին Պարսկաստանում՝ զինվորական ծառայության մեջ: Պերոզը մեծ խոստումներով իր կողմը գրավեց հայ նախարարներին, որոնց օգնությամբ և հաղթեց: Որմիզդի սպանվելուց հետո 459 թ. գահ բարձրացավ Պերոզը: Նա ոչ միայն չկատարեց իր խոստումները, այլև հայերին ուղարկեց Հրե նահանգը՝ Աշտատ գորավարի հրամանատարության ներքո: Դրանով հայերը մեկուսացվում և հսկողության տակ էին առնվում: Բայց կար ավելի զորեղ պատճառ նախարարներին հայրենիք չվերադարձնելու: Դա Աղվանքում Վաչե թագավորի գրվազորած ապստամբությունն էր:

Բուն Հայաստանում Պերոզը ձգտում էր շահել նախարարների բարեկամությունը և ընդառաջ էր գնում նրանց պահանջներին: Նրա ներկայացուցիչը՝ Հայաստանի մարզպան Ատրորմիզդը, իր մեղմ քաղաքականությամբ համակրանք էր վայելում երկրում: Երբ 461 թ. մահացավ Մովսես Մանազկերտացի կաթողիկոսը, Ատրորմիզդի համաձայնությամբ կաթողիկոս ընտրվեց Սահակ-մեսրոպյան աշակերտների սերնդի վերջին ներկայացուցիչներից մեկը՝ Գյուտը, Տայքի Արահեզ գյուղից<sup>1</sup>:

Աղվանից Վաչե թագավորը, որը Վարդան Մամիկոնյանի համախոհներից էր, նրա սպանվելուց հետո կեղծ ուրացության ուղին թռնեց և ձևացնում էր, թե Ավարայրի ճակատամարտը և նրան հաջորդող դեպքերն իրեն չեն վերաբերվում: Վաչեն նույնիսկ կին վերցրեց Հազկերտ Բ-ի քրոջ աղջկան և ընդհանուր լեզու գտնելով պարսկական արքունիքի հետ, ապահովեց իր երկիրը Հայաստանի ուղարկված պատժիչ արշավախմբերի ասպատակություններից: Նա նույնիսկ Պերոզի հրամանով 461 թ. հիմնում է «Պերոզապատ մեծ քաղաքն, որ այժմ կոչի Պարտաւ»<sup>2</sup>:

<sup>1</sup> Մ. Օրմանյան, Ազգապատում, հ. Ա, էջ 418:

<sup>2</sup> «Մովսեսի Կաղանկատուացոյ Պատմութիւն Աղուանից աշխարհի», Ա, Ժե, Թիֆլիս, 1912, էջ 52:



Հազկերտ Բ-ի մահից հետո Վաչեն քրիստոնեությունը բացփռաց հայտարարում է Աղվանքի պետական կրոն և պայքար մղում երկրում զրադաշտականության դեմ: Սակայն Պերոզն իր դիրքերն ամրապնդելով՝ ներխուժում է Աղվանք և պատերազմ հայտարարում Վաչե Ա-ին: Վերջինս անմիջապես դիմում է հոների և կովկասյան լեռնցիների օգնությանը: Աղվանքն ավերվեց, բայց Վաչեն ու նրա դաշնակից լեռնցի ցեղերը չընկճվեցին: Պերոզը հարկադրված եղավ հաշտություն կնքել Վաչեի հետ<sup>3</sup>: Այս ժամանակներից Վաչե թագավորն անձնապես մոտ էր Հայոց կաթողիկոս Գյուտ Ա Արահեզացու (461—478) հետ:

Պերոզը լարելով Սասանյանների ողջ ռազմական ուժերը, կարողանում է պարտության մատնել Վաչեին<sup>4</sup>: Ուխտապահ նախարարներն ու հոգևորականությունը Հայաստանից ամեն կերպ քաջալերում էին Վաչե Ա-ին, որ հանուն քրիստոնեության զոհաբերել էր նույնիսկ իր գահը: Պերոզը «մեծահոգի» գտնվեց և հնարավորություն տվեց Վաչեին զնալու իր դինաստիական երկիրը՝ Մազքթաց աշխարհը, որտեղ ձևականորեն նա թագավոր էր մնում: Ահա այս ժամանակին (461—462) պիտի վերաբերի Գյուտ կաթողիկոսի (461—478) նամակը՝ ուղղված Աղվանից թագավոր Վաչեին՝ քրիստոնեական հավատին հաստատուն մնալու վերաբերյալ<sup>5</sup>:

Պերոզի հաջորդ քայլն այն էր, որ Անդրկովկասում կազմակերպեց նոր վարչական միավոր՝ Աղվանից մարզպանությունը: Աղվանից թագավորությունը այլևս չկար և Ռոմն Աղուանից աշխարհը<sup>6</sup>, որը թագավորող դինաստիայի ժառանգական հայրենիքն էր, Վաչե թագավորի Մազքթաց աշխարհը հեռանալուց հետո վեր էր ածվել Սասանյան դինաստիայի դաստակերտի: Պերոզը Ռոմն Աղուանից աշխարհին<sup>7</sup> միացնում է 385 թ. հետո Մեծ Հայքից անջատված Արցախ և Ուտիք նահանգները և մերձկասպյան Բազկան, Զոդա և այլ գավառները, ստեղծելով մեկ վարչական միավոր, որը կոչվում էր «Աղուանք» կամ «Արդան», «Առան» և «Ռան»: Աղվանից մայրաքաղաք Կապադակը գտնվում էր հեռու հյուսիսում և քաղաքական կենտրոն է դառնում Ուտիքը: Այստեղ, ճանապարհների խաչմերուկում 461 թ. հիմնադրված Պերոզապատ կամ Պարտավ քաղաքը արագորեն աճում և դառնում է Աղվանքի մարզպանների նրստավայր: Փայտակարան քաղաքը կորցնում է իր ռազմաստրատեգիական նշանակությունը, զիջելով այն Պարտավին:

461 թ. Աղվանքը մարզպանություն<sup>7</sup> դարձնելուց հետո միայն հաջորդ տարվա՝ 462 թ. գարնանը Պերոզը հրաման տվեց նախարարների հայրենիք

3 Նդիշե, էջ 197—199; Տհ՝ս նաև Լեռ, հ. Բ (Երևան, 1947, էջ 88—89, 91):

4 Նույն տեղում:

5 Մովսես Կողաճեկաճյանի, Ա, Ժա, էջ 25—36: Նամակում հատկապես ուշագրավ է այն մասը, որտեղ նա շարադրում է իր առաջադիմական մտքերը տիեզերագիտության մասին, զարգացնելով անտիկ գիտության տեսությունը երկրի զնգաձևության վերաբերյալ (տհ՝ս է. Լ. Դանիելյան, Կ դարի տիեզերագիտական մի պատմորիկ, «Երաբեր հաս. գիտ.», 1975, № 12, էջ 100—102):

6 Տհ՝ս Ս. Ս. Երեմյան, Հայաստանը ըստ «Աշխարհացոյց»-ի, Երևան, 1963, էջ 34, 105:

7 Տհ՝ս Հ. Ս. Սվազյան, Աղվանից մարզպանության կազմավորման հարցի շուրջը, ՊՔԶ, 1979, № 4, էջ 210—218: Նույնի՝ Աղվանքը և Միհրանյան տոհմը, «Երաբեր հաս. գիտ.», 1980, № 9, էջ 91—101:

վերադառնալու մասին<sup>8</sup>։ Հստ այդ հրամանի վերականգնվում էին նրանց ժառանգական իրավունքներն ու արտոնությունները։ Վերադարձող նախարարների թվում էին քաղաքական այնպիսի խոշոր գործիչներ, ինչպիսիք էին՝ Ներշապուհ Արծրունին, Վահան Ամատունին և Շմավոն Անձևացին, որոնք աքսորում պահպանում էին աքսորվածների արիասրտությունը։

Նախարարների վերադարձի առթիվ Վաղարշապատի Կաթողիկե եկեղեցում Գյուտ կաթողիկոսը ոգեշունչ քարոզներ կարդաց և մաղթեց երջանկություն վերադարձողներին, որոնցից յուրաքանչյուրը գնալու էր իր տոհմական կալվածքները, հանդիպելու իր ընտանիքի անդամներին, որոնք երկար տարիներ սպասել էին նրանց վերադարձին։

Հայաստան վերադարձած նախարարները բախվեցին նոր անբարենպաստ իրադրության։ Պերոդն իր դիրքերն ամրապնդելուց հետո աշխատեց մարզպանական Հայաստանի կառավարման ապարատում ներգրավել իր քաղաքականությունը հավատարիմ «ուխտադրուժ» և «ուխտանենգ» նախարարներին և, հատկապես, նրանց, ովքեր 450—451 թթ. ապստամբության ժամանակ հեռացել էին ապստամբներից ու մոտեցել Սասանյաններին։ Ընդ որում պետական ապարատում պաշտոնները հատկապես տրվում էին այն նախարարներին, որոնք մազդեականություն էին ընդունել։ Այս երևույթը չէին հանդուրժում «ուխտապահները», այսինքն՝ նախարարների ու հոգևորականության այն մասը, որն իր ետևից էր տանում պարսկական քաղաքականությունից դժգոհ ժողովրդական զանգվածներին։

«Ուխտապահ» նախարարներն ու հոգևորականությունը Գյուտ Արահեզացի կաթողիկոսի գլխավորությամբ հակաասանյան քաղաքականություն էին վարում։ Դարձյալ օգնություն ստանալու համար, Գյուտ կաթողիկոսը գաղտնի ուղերձներ էր հղում Բյուզանդիայի կայսր Լևոն Ա Մեծ Թրակացուն (457—478)։ Գաղտնի դիմումները կայսրին՝ «միանգամ» և «երկիցս» անհետևանք չանցան։ Բյուզանդական արքունիքը խոստանում էր օգնել «քրիստոնյա» հայերին՝ «հեթանոս» և «բարբարոս» պարսիկների դեմ։ Սակայն, ինչպես միշտ, այս անգամ ևս իրական օգնություն չեղավ։ Նման գործողությունները միայն զայրացնում էին պարսիկներին ու նրանց կողմնակից «ուխտանենգ» նախարարներին։

Ահա այս շիկացած ժամանակաշրջանում Գյուտ Ա կաթողիկոսը բարեկամանում է Եգիպտոսի Ալեքսանդրիայում փալլոն կրթություն ստացած և «Քերթողահայր» պատվական կոչման արժանացած Մովսես խորենացուն (410—492), ծագումով Տարոն գավառի խորնի գյուղից։ Գյուտ Ա կաթողիկոսը նրան նշանակում է «եպիսկոպոս Բագրևանդայ և Արշարունեաց» (մոտ 461—478), որի նստավայրն էր Բագավանը՝ հայտնի իր հուշակավոր Հովհաննես Մկրտչի անվան բազիլիկ տաճարով։

Մթնոլորտը երկրում լարված էր և չէր երևում, թե Ատրորմիզդ մարզպանը մեղմ քաղաքականություն է վարում։ Հետզհետե վերականգնվում էին նախ-

<sup>8</sup> Եդիչեն գրում է, որ խոտվություններն Աղվանքում տեղի են «մինչև ի հինգերորդ ամս Պերոդի արքայից արքայի», իսկ նախարարներն արձակվել են «այման վեցերորդ» (էջ 199)։ Մ. Օրմանյանը գտնում է, որ նրանք աքսորված մնացին մինչև 459 թ. (տե՛ս Լեո՝ 459 թ., հատ. Բ, էջ 88), իսկ 462 թ. (ըստ Լեոյի՝ 465 թ., էջ 88) նրանք ազատ արձակվեցին և վերադարձան հայրենիք։



կին խստությունները և ավելի էին սրվում փոխհարաբերությունները նախարարների տարբեր խմբակցությունների միջև։ Ուխտանենգ նախարարներից հատկապես աչքի էր ընկնում նախկինում Վասակ Սյունու գործակից Գաղիշո մաղխազ խոռխորունին<sup>9</sup>։ Սա իր ամբաստանագրերով անընդհատ հիշեցնում էր արքայից արքա Պերոզին՝ ուխտապահ նախարարների և հոգևորականության մասին, նշելով նրանց անհավատարմությունը պարսից արքունիքի հանդեպ և նրանց գաղտնի կապերը բյուզանդական կայսեր հետ։ Այս ամբաստանագրերը հատկապես ուղղված էին Գյուտ կաթողիկոսի, Սահակ Բագրատունու և Վահան Մամիկոնյանի դեմ, որի հեղինակությունն օրըստօրի մեծանում էր թե՛ հայ ժողովրդի մեջ և թե՛ պարսից արքունիքում<sup>10</sup>։ Սակայն Պերոզը միշտ հիշում էր Վահան Մամիկոնյանի նախնիների ըմբոստ ոգին և աշխատում էր ձեռնպահ մնալ։

Պերոզը Հայաստանի հանդեպ սկսում է վարել իր հոր՝ Հագկերտ Բ-ի քաղաքականությունը։ Նա գտնում էր, որ Ավարայրից հետո մարզպան Ատորոմիզդը իր անելիքն արել էր։ Որոշ զիջումների գնով նա կարողացել էր վերականգնել պարսկական զերիշխանությունը երկրում։

Ատորոմիզդ մարզպանի փոխարեն 464 թ. նշանակվում է նոր մարզպան՝ Ատրվշնասպ «ձողմանդեանը» (464—481)։ Նոր մարզպանի նշանակումն ինքնին արդեն ցույց էր տալիս, որ կտրուկ շրջադարձ էր կատարվելու ներքին քաղաքականության մեջ։ Սասանյան Իրանին ենթակա Հայաստանը պիտի դառնար սովորական պարսկական մարզպանություն։ Հայաստանի տարբեր մասերում պարսիկները վերսկսում են հալածանքները ժողովրդի դեմ<sup>11</sup>։

Նոր մարզպան Ատրվշնասպի շուրջը հավաքվեց հայ ֆեոդալական վերնախավի «ուխտանենգ» մասը, որն ավելի ուժեղացրեց պայքարը «ուխտապահների» դեմ։ Նման իրավիճակում առաջին հերթին որոշում են ասպարեզից հեռացնել Գյուտ կաթողիկոսին, որի մասին լուրեր էին պտտվում, թե նա գաղտնի բանակցություններ է վարում բյուզանդացիների հետ։ Պերոզի հրամանով Տիգրան է կանչվում կաթողիկոսը՝ քննելու նրա դեմ ուղղված Գաղիշո խոռխորունու ամբաստանագրերը և դատական պատասխանատվության ենթարկելու։

471 թ. Տիգրան ժամանեց Գյուտ կաթողիկոսը, որին մեծ պատվով ընդունեցին Պարսկաստանի քրիստոնյաները՝ Տիգրանի, խոստատանի և Հրեկ պատրիարքի գլխավորությամբ։ Գործի նախնական քննարկումը հանձնվեց պարսիկ ավագանու ներկայացուցիչ Յըզատվշնասպ Միհրանին։ Գյուտ կաթողիկոսը մեկառմեկ ժխտեց իրեն վերագրվող ամբաստանությունները։ Այնուհետև նրան առաջարկում են պաշտոններ և ոսկի, եթե նա կրոնափոխ լինի, մերժելու դեպքում սպառնում են զրկել կաթողիկոսությունից։ Երբ Պերոզը հիշեցնում է, որ Գյուտը մինչ այդ առանց իր հրամանի է վարել կաթողիկոսությունը, նա համարձակ պատասխանում է, որ պատրաստ է հրաժարվելու կաթողիկոսի պաշտոնից, քանի որ այն հաստատում է արքայից արքան, բայց նա մնում է Վանանդի թեմի եպիսկոպոս, քանի որ եպիսկոպոսությունից արքան իրավասու չէ զրկելու<sup>12</sup>։

<sup>9</sup> Փարպեցի, Գ, կգ (աշխ. թարգմ., էջ 273)։

<sup>10</sup> Նույն տեղում, Գ, կե (աշխ. թարգմ., էջ 281—285)։

<sup>11</sup> Ստ. Օրբելյան, Պատմութիւն տանն Սիոական, Ա, էջ 1133։

<sup>12</sup> Փարպեցի, Գ, կգ (աշխ. թարգմ., էջ 273—281)։

Տիգրանից Գյուտը վերադառնում է հայրենիք միայն իբրև Վանանդ գավառի եպիսկոպոս և քաշվում Ուրմսու ավանը, որտեղ և մնում է մինչև իր մահը՝ 478 թ., վայելելով ավելի մեծ հեղինակություն ու պատիվներ, քան առաջ<sup>13</sup>։ Գյուտի կենդանության ժամանակ կաթողիկոս ընտրվեց Հովհաննես Մանդակունին, որը ժագումով Արշամունիք գավառի Մախնուտ գյուղից էր։

Գյուտ Ա կաթողիկոսին քաղաքական ասպարեզից հեռացնելուց հետո հալածանքներ են սկսվում նրա կողմնակիցների, առաջին հերթին Մովսես խորենացու դեմ։ Նա կարգալույծ է արվում՝ զրկվում է թեմական եպիսկոպոսի պատվից և հալածանքների է ենթարկվում պարսկասերների կողմից։

Հակապարսկական շարժումը պիտի հանգեր մի ավելի մեծ համաժողովրդական ելույթի, որը զլխավորում էին Սահակ Բագրատունին և Վահան Մամիկոնյանը։ Սահակ Բագրատունին իրեն է մոտեցնում Քերթողհայր Մովսես խորենացուն՝ դառնալով նրա մեկնասը և հովանավորը։ Շուրջ 478 թ. Սահակ Բագրատունին հանձնարարում է Մովսես խորենացուն գրել Հայոց պատմություն, կամ ավելի ճիշտ՝ «Պատմութիւն Հայոց Մեծաց», այսինքն՝ Մեծ Հայքի պետության պատմություն։ Այս պատմության մեջ պիտի ցույց տրվեր հայ ժողովրդի զավակների անսահման նվիրվածությունը հայրենիքին։ Այդ իրականացվում է։ խորենացին իդեալականացնում է Մեծ Հայքի թագավորությունը և նրա պատմական երկն ամբողջովին տոգորված է հայրենասիրական գաղափարով։ Այս ժամանակաշրջանում սկսված համաժողովրդական շարժումը՝ հայկական պետականությունը վերականգնելու համար, համապատասխանում էր այն ըմբռնմանը, որ զարգացնում էր Մովսես խորենացին։

Դեպքերն արագանում էին։ Ապստամբական շարժման գլուխ էին կանգնած արտաքուստ միասնաբար գործող Սահակ Բագրատունին և Վահան Մամիկոնյանը։

Տիգրանից վերադարձավ ուխտանենդ և ամբաստանող Գաղիշո մաղխազը և անմիջապես իր շուրջը հավաքեց ուխտանենդներին, որոնք կաթողիկոսին հեռացնելուց հետո մտածում էին ասպարեզից հանել իրենց համար ավելի վտանգավոր Սահակ Բագրատունուն և Վահան Մամիկոնյանին։ Ամբաստանողները պատճառ էին փնտրում վարկաբեկելու պարսից արքունիքում գտնվող Վահան Մամիկոնյանին։ Եվ այդպիսի պատճառ գտնվեց։ Այդ ժամանակ (մոտ 476 թ.) Դվինում ժողովուրդը կործանում է պարսկական համայնքի ատրուշանը, և Վահան Մամիկոնյանի թշնամիներն այս եղելությունը վերագրում են նրան<sup>14</sup>։ Որպեսզի կարողանա վստահություն շահել, Վահան Մամիկոնյանն շտապում է ներկայանալ արքայից արքային և առերես կրոնափոխ լինել<sup>15</sup>։ Սրանով, սակայն, չի վերջանում թշնամանքը նրա դեմ։

Վահան Մամիկոնյանը, ըստ իր ժառանգական իրավունքի, Մամիկոնյան նախարարական տոհմի տանուտերն էր, որի կենտրոնն էր Տայքի Իշխանք (կոչվել է նաև «Իշխանաց գիւղ») բնակավայրը՝ Ճակք գավառում։ Նրանից ոչ հեռու գտնվում էր «Ոսկեհատը»՝ հռչակավոր ոսկու հանքերը, որոնք հույների մոտ հայտնի էին «Ֆարանգիոն» անունով։ Պարսկական տիրապետության տակ գտնվող Հայաստանի մասի ընդերքի հարստությունները համարվում էին

13 Նույն տեղում։

14 Տե՛ս Մ. Օրմանյան, Ազգապատմ., 4. Ա, էջ 433։

15 Փառպեցի, Գ, 46 (աշխ. թարգմ., էջ 283)։



սասանյան արքայից արքայի սեփականությունը և շնայած նրան, որ այդ հանքավայրը գտնվում էր Մամիկոնյանների կալվածքներում, այնտեղից հանվող ոսկին հիմնականում ուղարկվում էր պարսից արքունիք։ Վահան Մամիկոնյանի մոտ իբրև «գործակից» նշանակվեց ոման ասորի Վրիլը, որը հատուկ գնում է Տիգրան՝ ամբաստանելու Վահան Մամիկոնյանին, թե իբր վերջինս երկրի ամբողջ ոսկին իր մոտ է հավաքում, մտածելով գնալ կամ կայսրություն, կամ էլ Հոնաց աշխարհը՝ զորք հավաքելու և ապստամբելու<sup>16</sup>։

Ի պատասխան սրան, Վահան Մամիկոնյանը վերցնում է ոսկին և շտապ գնում Տիգրան ու ներկայանում Պերոզին։ Այնտեղից նա վերադառնում է հայրենիք մեծ շուքով ու մեծարանքներով։ Այս դեպքից հետո առավել ևս Վահան Մամիկոնյանը գիտակցում է, որ դժվար է համակերպվել թշնամու հետ<sup>17</sup>։

Դեռևս Հազկերտ Բ-ի ժամանակ հատկապես ակտիվացել էին հեփթաղները, որոնք Միջին Ասիայում ստեղծել էին ցեղային հսկայական միություն։ Պայքարը հեփթաղների դեմ զազաթնակետին հասավ Պերոզի ժամանակ։ Երկու անգամ նա գերի ընկավ և միայն մեծ փրկագին ստանալով, հեփթաղները ազատ արձակեցին նրան։ Նա ստիպված էր նույնիսկ իր գահաժառանգ Կավատին պատանդ թողնել նրանց մոտ։

## 2. 482—484 թթ. ԱՊՍՏԱՄԲՈՒԹՅՈՒՆԸ

Պերոզի անհաջողությունները Միջին Ասիայում վերստին հույս ներշնչեցին հայերին ու վրացիներին՝ թոթափելու օտար նվաճողների լուծը<sup>18</sup>։ Ապրստամբության կայծն այս անգամ բռնկում է Վիրքում։ Հստ Ղազար Փարպեցու, մինչ Վահան Մամիկոնյանը տարակուսանքի և հուզմունքի մեջ էր, հանկարծակի մեծ խռովություն է ծագում Վրաց աշխարհում, որտեղ Վախթանգ Գորգասար (456—502) թագավորը 482 թ. սպանում է բղեշխ՝ պարսկասեր կրոնափոխ Վազգենին (Վարսքենին)<sup>19</sup>։

16 Նույն տեղում, էջ 283։

17 Նույն տեղում, էջ 283—285։

18 Վրաց բղեշխների տոհմն ազգակցական կապերի մեջ էր հայ նախարարական տների՝ Արծրունիների, Մամիկոնյանների ու Կամսարականների հետ։ Հմայակ Մամիկոնյանը և Աշուշ բղեշխն ամուսնացած էին՝ առաջինը՝ Զվիկի, երկրորդը՝ Անուշվադմի հետ, որոնք Ազան Արծրունու դուստրերն էին։ Աշուշայի որդի Վազգենը (վրաց. Վարսքեն) և Արշավիր Կամսարականն ամուսնացած էին՝ առաջինը՝ Վարդենի-Շուշանիկի, երկրորդը՝ Վարդանուշի հետ, որոնք Վարդան զորավարի դուստրերն էին։ Երբ Աշուշ բղեշխը վերադարձավ պանդխտությունից, նա մեծ կաշառքներ տալով կարողացավ պատանդությունից ազատել նաև Մամիկոնյան Հմայակ և Արտաշիր Նախարարների որդիներին։ Նրանք բոլորը (որոնց թվում էր նաև դեռևս պատանի Ղազար Փարպեցին) դաստիարակվում և խնամվում էին Աշուշ բղեշխի տանը (Փարպեցի, Գ, կբ)։ Այդ եղբայրական մթնոլորտը ծուրտավի ապարանքում փոխվում է Աշուշ բղեշխի մահից հետո (467), երբ Վազգենը գնում է Տիգրան և զրադաշտական դառնում։ Սազում է ընտանեկան ողբերգություն, որի զուհն է դառնում Շուշանիկը, ծուրտավի եպիսկոպոս Հակոբը (476—484) գրում է «Վարք սրբոյ Շուշանկան» գրական երկը, միաժամանակ հայերեն և վրացերեն։ Այդ երկը Ա. Բարամիսն համարում է հայ-վրացական եղբայրության մասին վկայող ամենահին հուշարձանը (А. Барамидзе, Древнейший памятник грузинской литературы, «Литературная Грузия», 1978, № 1, стр. 61); տե՛ս С. Т. Еремян, Великий пример братского содружества народов. «Кавказ и Византия», вып. 2, 1980, с. 5—14.

19 Փարպեցի, Գ, կզ։ Վազգեն բղեշխի սպանությունից հետո բղեշխ վրաց զարձավ նրա եղբայր Զոռիկը, որը չնմոռանալով քրիստոնյա մնաց և, Շուշանիկի նահատակությունից հետո, նրա գերեզմանի վրա կառուցեց «վկայարան Շուշանկայ»։ Նրա նստավայր գլուխ իր անունով կոչվեց Զոռիկանց, այժմ՝ Ճոճկան (տե՛ս С. Т. Еремян, նշվ. աշխ., էջ 12)։

Ապստամբելով Սասանյան Իրանի դեմ՝ Վախտանգը հույս ունեւր, որ Ալանաց դռները կողմից կարող է օգնության կանչել հոններին: Նա գազտնի պատգամավոր է հղում հայերին, որպեսզի նրանք էլ սկսեն շարժումը, իսկ ինքը պատերազմ է սկսում պարսից զորավար Զարմիր Նազարավուխտի դեմ: Հայկական հեծելազունը, որը Պերոզի հետ միասին կռվում էր Միջին Ասիայում, վերադառնում է Շիրակ գավառը ձմեռելու: Այս ժամանակ Հայաստան լուր է հասնում Վրաց թագավորի ապստամբության մասին, որն ընդունվում է ուրախությամբ և ապստամբելու պատրաստակամությամբ:

Շիրակում գտնվող պարսկական բանակի զորակայանում եղած հայ նախարարները որոշում են ոտքի ելնել: Հայկական այրուձին, որն այդտեղ էր, ապստամբության առաջնորդ է ընտրում Վահան Մամիկոնյանին: Ուխտապահների խոսքը մեկ էր, սակայն ուխտադրուժները շտապում են այդ մասին հայտնել Հայոց մարզպանին: Վերջինս իր կողմնակիցների հետ փախչում է Մաղխազ բերդը, Ախուրյանի աջ ափին՝ Գաղիշո խոռխորունու դղյակը: Այստեղ է ամրանում մարզպանը, սակայն ապստամբներն իմանալով նրանց տեղը, հայկական այրուձին՝ Վահան Մամիկոնյանի գլխավորությամբ ուղարկում են հետապնդելու մարզպանին: Շիրակի Անիից մարզպանն իր կողմնակիցներով փախչում է Արտաշատ և փորձում ամրանալ քաղաքի միջնաբերդում, բայց երբ ապստամբներն սկսում են բերդի պաշարումը, նրանք գիշերով Նրասխի երկայնքով փախչում են Ատրպատական: Ծանապարհին ձերբակալվում է Գաղիշո խոռխորունին և սպանվում: Երկիրը մնում է ապստամբների ձեռքին:

Ապստամբ հայերը Դվինում նոր կառավարություն կազմեցին՝ ուխտապահ նախարարների գլխավորությամբ: Մարզպան նշանակվեց Սահակ Բագրատունին, որը կռվեց «տանուտէր Հայոց», իսկ Վահան Մամիկոնյանը՝ Հայոց սպարապետ: Մաղխազ Հայոց նշանակվեց Գարշոյլ խոռխորունին, ուրացող Գգիհոն Սյունու փոխարեն, Սյունյաց տանուտեր՝ Բաբգեն Սյունին: Ապստամբ նախարարներն իրենց ընտանիքներն ու գանձերը նախօրոք տեղափոխել էին Բյուզանդիային սահմանակից գծավարամատչելի Տաթ նահանգը, որը պետք է դառնար նրանց հենակետը: Տաթը Մամիկոնյանների ժառանգական կալվածքն էր, իսկ նրան սահմանակից էր Սպեր գավառը՝ Բագրատունիների ոստանը, որը գտնվում էր Հայաստանի բյուզանդական մասում: Այստեղ Վահան Մամիկոնյանի որդին պետք է պահպաներ խաչափայտի մասունքը, որը գտնվում էր Շուշանիկի մոտ, մինչև նրա նահատակվելը:

Նախարարները հավաքվում են գիշերային խորհրդակցության և Ավետարանի վրա կրկին երդվում՝ մինչև վերջ կռվել պարսիկների դեմ, հույս չդնելով ո՛չ հույների, և՛ ոչ էլ հոների վրա: Սահակ Բագրատունին, Վահան Մամիկոնյանն ու նրա եղբայրը՝ Վասակը (չնայած նրանց փոքր եղբայր Վարդը պատանդ էր Տիգրանում) հանձն են առնում գլխավորել ապստամբական շարժումը<sup>20</sup>: Այս միաբանության լուրը հասցնում են Վաղարշապատ՝ Հովհաննես Ա Մանգակունի կաթողիկոսին (478—490):

Թվում էր, թե վերականգնվում է հայկական պետականությունը: Ոգեվորության այս պայմաններում «Հայոց տանուտէր» Սահակ Բագրատունին հիշում է Մովսես խորենացուն, որը պատվով էր կատարել իրեն տրված հանձ-



նարարականը: Նա հրավիրվում է արքունիք և Սահակ Բագրատունին իր պալատում ընդունում է նրան: Մովսեսը ներկայացնում է Մեծ Հայքի թագավորության պատմությունը՝ «Պատմութիւն Հայոց Մեծաց» աշխատությունը՝ բաղկացած երեք գրքից: Սպարապետ Վահան Մամիկոնյանն իր մանկության ընկեր Ղազար Փարպեցուն պատվիրում է գրել «Պատմություն Հայոց»-ը, որտեղ պետք է վեր հանվեր Մամիկոնյան նախարարական տոհմի դերը: Ընդհանուր խանդավառության մթնոլորտում ապստամբները Դվինում վերացնում են պարսկական զորաշտական համայնքը և Դվինն այնուհետև դառնում է նախարարական Հայաստանի մայրաքաղաք: Հովհան Մանգալունին Վաղարշապատից Դվին է փոխադրում կաթողիկոսարանը:

Ապստամբական շարժման ողջ ընթացքում պայքարը պարսիկների դեմ ուղեկցվում է ուխտապահների պայքարով՝ ընդդեմ ուխտանենգների, որոնք համագործակցում էին թշնամու հետ: Ուխտադրոժները պարսիկներին տեղեկացնում էին ուխտապահների ռազմական ծրագրերին, միաժամանակ հայերի թիկունքում սուտ լուրեր տարածելով, խանգարում էին ռազմական գործողություններին:

Դեպի Ատրպատական շտապ նահանջող մարզպանն ու հազարապետը ուրացյալների խորհրդով շտապում են անմիջապես սկսել ռազմական գործողությունները, վճռական հարված հասցնել ապստամբներին, քանի դեռ նրանք չէին հասցրել ամրապնդել իրենց դիրքերը: Դեռևս Ատրպատականի սահմաններին նոր հասած, նրանց օգնության են գալիս լեռնցի կատիշների ռազմական ջոկատները: Փախուստի մատնված Ատրվշնասպ մարզպանը 7000-անոց զորքով նորից ներխուժեց Հայաստան: Ապստամբները հասցրին ժողովել ընդամենը 400 հեծյալ և Վահան Մամիկոնյանի գլխավորությամբ թշնամուն հանդիպեցին Ազատ-Մասիս լեռան ստորոտին գտնվող Ակոռի գյուղի մոտ: Այս 400 հեծյալները բաժանվեցին չորս մասի՝ հարյուրական հեծյալներով: Նրանց միջին մասը ղեկավարում էին Բաբգեն Սյունին և Վասակ Մամիկոնյանը, ձախակողմյանը՝ Գարշոյլ Խոռխորունին և աջակողմյանը՝ Ատոմ և Առաստոմ Գնունի եղբայրները, իսկ պահեստի թևը՝ Ներսեհ և Հրահատ Կամսարականները: Ապստամբ հայերի զորքը դուրս էր գալիս կովի, խորապես գիտակցելով իր գործի արդարությունը<sup>21</sup>:

Չնայած ուժերի խիստ անհավասարությանը և կովի թեժ ժամանակ Գարշոյլ Խոռխորունու դավաճանությանը, այնուամենայնիվ, Ակոռի ճակատամարտն ավարտվեց հայ հայրենասերների կատարյալ հաղթանակով: Պարսիկների ու ուրացյալների զորքերը կոտորվեցին, ցրվեցին, հայրենիքի դավաճան Գդիհոն Սյունին փախուստի դիմեց, իսկ Ատրվշնասպ մարզպանը և կատիշների գնդի զորագլուխը սպանվեցին:

Ուրացյալների խմբից Վառգշ Գնթունին և Վասակ Սահառունին իբրև գուժկան հասնում են Դվին և սուտ լուր տարածում ուխտապահների պարտության մասին: Դվինում գտնվող Հայոց տանուտեր Սահակ Բագրատունին և սպարապետ Վահան Մամիկոնյանն ու Հովհաննես Ա Մանգալունի կաթողիկոսը մի պահ հավատում են այդ լուրերին, սակայն հասնում է Առաստոմ Գնունին և հաղորդում հաղթանակի ավետիսը, իսկ նրա հետևից՝ հաղթական հե-

<sup>21</sup> Փառաքելի, Գ, ԿԹ (աշխ. թարգմ., էջ 301—307):

ծելադորը: Կաթողիկոսը Դվինի Մայր եկեղեցում պատարագ է տալիս, ցնծությամբ հնչում է՝ «Երարձոյց զսուգ իմ յուրախութիւն» սաղմոսը<sup>22</sup>:

Ձմռան վրա հասնելու հետ հայկական զորագնդերը տեղավորվեցին ձմեռելու և սկսեցին նախապատրաստվել առաջիկա գարնանային կռիվներին՝ Սասանյան Իրանի դեմ: Կասկած չկար, որ գարունը բացվելուն պես պարսիկները պիտի վերստին գրոհեին Հայաստանի վրա: Անհրաժեշտ էր մինչև գարուն ռազմական նոր ուժեր հավաքել:

Հարավային Հայաստանի լեռնային շրջանները՝ Անձեակցիքը, Մոկքը և Ռշտունիքը դեռևս չէին ընդգրկվել ապստամբական շարժման մեջ: Վահան Մամիկոնյանը նրանց կոչ արեց մասնակցել օտար տիրապետությանից երկիրն ազատագրելու շարժմանը<sup>23</sup>: Նախարարներից շատերն արձագանքեցին այդ կոչին և իրենց այրուձիղով եկան ու ներկայացան Վահան Մամիկոնյանին:

Գարնան գալուն պես Պերոզը հայերի ու վրացիների դեմ մեծ բանակ ժողովեց, որի մի մասն ուղարկեց մարզպանական Հայաստանի սահմանը, իսկ մյուս մասը՝ Աղվանքի վրայով, Վիրք:

Դվինում 482 թ. ապրիլի 25-ին տոնվում էր Զատիկը, երբ լուր ստացվեց, որ թշնամին ներխուժել է Հայաստան՝ Հեր և Զարեանգ գավառների կողմից: Թշնամու բանակում էր նաև ուրացյալ Գդիհոն Սյունին: Սպարապետ Վահան Մամիկոնյանը 30.000-անոց զորքով շտապեց կտրել թշնամու ճանապարհը: Հայկական բանակը պարսիկներին հանդիպեց Արտազ գավառում, Ներսեհապատ գյուղի մոտ:

Վահան Մամիկոնյանը բանակի կենտրոնը հանձնեց Սահակ Բազրատունուն, աջ թևը՝ Բարշղ Վահեունուն, օգնականներ տալով Բաբգեն Սյունի, Ատոմ Գնունի և Փափագ Պալունի իշխաններին: Վահան Մամիկոնյանն իրեն պահեց ձախ թևը՝ օգնական ունենալով իր եղբայր Վասակին և Ներսեհ ու Հրահատ Կամսարականներին: Պահեստի գունդը նա հանձնեց Վրեն Վանանդեցուն և Պապ Արտակունուն:

Ներսեհապատի կռիվը, որն այս ապստամբության խոշոր ճակատամարտերից մեկն էր, սկսվեց վաղ առավոտյան և երեկոյան դեմ ավարտվեց հայերի լիակատար հաղթանակով: Թշնամու զորքի մի մասը կոտորվեց, մյուս մասը փախուստի դիմեց: Հայ հայրենասերների ընդհանուր ցնծությանն ավելացավ Վարդ Մամիկոնյանի փախուստը Տիգրեոնից և վերադարձը հայրենիք<sup>24</sup>:

Երբ հաղթանակած հայկական զորամասերը գտնվում էին «ի հովոց տեղիս»՝ Անդղ ավանում (Մաղկոտն գավառում), այնտեղ է գալիս վրաց դեսպանը և հայտնում, որ նեղ վիճակում ընկած Վախթանգ թագավորը օգնություն է խնդրում հայերից<sup>25</sup>:

Հայոց զորավար Վահան Մամիկոնյանի գլխավորությամբ բոլոր ավագ տանուտերերը, սեպուհները և ամբողջ զորքը շտապեցին վրացիներին օգնության, քանի որ, ինչպես գրում է պատմիչը, «Ավետարանով ու խաչով տված երդում ունեին Վրաց Վախթանգ թագավորի հետ»<sup>26</sup>:

22 Նույն տեղում, էջ 307 (տե՛ս և Սաղմոս, ԻԲ, 12—13):

23 Փառվեցի, Գ, 4 (աշխ. թարգմ., 307—311):

24 Նույն տեղում, Գ, 4բ (աշխ. թարգմ., էջ 317—321):

25 Նույն տեղում, 4գ, էջ 321—323:

26 Նույն տեղում:



Հայկական բանակը գալիս է Կանգարք գավառը, որը տեղագրված էր Մթին լեռների (կոչվում էր նաև Կեչուտի լեռներ, այժմ՝ Զավախքի) արևելյան փեշերին (այժմյան՝ Գոմարեթի շրջանը)։ Վախթանգը տեղեկացրեց, որ հոների զորքը պետք է նույնպես օգնության հասնի, սակայն օրեր էին անցնում, իսկ հոների վարձկան զորքն այդպես էլ չեկավ, իսկ ուշացնել հարձակումը Կուրի հովտում գտնվող թշնամու զորքի դեմ, չէր կարելի։ Հայկական ու վրացական զորազնդերի համատեղ գործողությունների ընդհանուր ղեկավարությունը դրվեց սպարապետ Վահան Մամիկոնյանի վրա։

Պարսկական բանակը Միհրանի հրամանատարությամբ երրորդ օրը հանդիպեց հայ-վրացական միացյալ զորաբանակին։ Ճակատամարտը տեղի ունեցավ Ճարմանայնի դաշտում՝ Հայաստանի, Աղվանքի և Վիրքի սահմանագլխին։ Հայկական զորքերի շարքերում միասնություն չկար։ Հայ ավագանու մեջ կային այնպիսիք, որոնք չէին կամենում բարձրացնել սպարապետ Վահան Մամիկոնյանի հեղինակությունը, նրանք պատրաստ էին դիմելու դավաճանության։ Վրացական ավագանու շարքերում, որը պայքարում էր Վախթանգ Գորգասարթազավորի կենտրոնածիք քաղաքականության դեմ, ուժեղ էին պարսկասեր շարքերը, որոնց նպատակն էր Սասանյանների օգնությամբ ոչնչացնել թագավորի իշխանությունը և դառնալ երկրի փաստական տերերը։ Հայկական ու վրացական ավագանու այս տարրերն էլ հենց գաղտնի կապեր հաստատեցին իրանական զորապետ Միհրանի հետ, որի պատճառով և դաշնակիցների զորքերը ծանր պարտություն կրեցին<sup>27</sup>։

Ճարմանայնի ճակատամարտում (482) զոհվեցին մարզպան Սահակ Բագրատունին, Վասակ Մամիկոնյանը և ուրիշներ, պարսիկները հայերից ու վրացիներից բազմաթիվ գերիներ վերցրին, որոնց թվում էր Հրահատ Կամսարականը։

Սպարապետ Վահան Մամիկոնյանն իր ուժերը ոչնչացումից փրկելու նպատակով գերադասեց նահանջել և, հավաքելով ցրված զորազնդերը, ամրացավ հայրենական կավածք Տայքում։ Պարսից զորապետ Միհրանը շարժվեց նրա հետքերով ու կանգ առավ Բասեն գավառում, պարսկաբլուզանդական սահմանագծի մոտ գտնվող Դու գյուղում, իսկ Վահան Մամիկոնյանը գտնվում էր Ձ փարսախ (շուրջ 12 կմ) նրանից հյուսիս՝ Տայքի սահմանակից Մկնառինճ գյուղում։ Տեղի ունեցած հայ-պարսկական բանակցությունների ժամանակ զորավար Միհրանը համոզում է սպարապետ Վահան Մամիկոնյանին՝ հնազանդվել արքայից արքա Պերոզին։ Նա խոստանում է, որ ինքը միջնորդի դեր կկատարի և կաղաչի թագավորին՝ հաշտվելու նրա հետ։ Վահան Մամիկոնյանն իր պատասխանում հիշեցնում է հայ ժողովրդին հասցրած Պերոզի չարիքները։ Նա բացահայտում է պարսից արքունիքի նենգ քաղաքականությունը Հայաստանի նկատմամբ<sup>28</sup>։ Բանակցությունները դեռ չէին ավարտվել, երբ Միհրանն իր զորքերով շուտափույթ կանչվեց Պարսկաստան։ Հեռանալիս նա իր հետ տարավ գերի ընկած Հրահատ Կամսարականին և Յազդ Սյունուն։ Ներսեհ Կամսարականը ճանապարհին կարողանում է փրկել իր եղբորը և նրանք հեռանում են իրենց հայրենի Շիրակը<sup>29</sup>։

<sup>27</sup> Նույն տեղում, հգ, հդ, էջ 323—329։

<sup>28</sup> Նույն տեղում, հե, էջ 331—337։

<sup>29</sup> Նույն տեղում, հզ, էջ 337։

Հրահատի փախուստի վրեժը պարսիկները լուծում են Ցազդ Սյունուց, որին, իր կյանքի փրկության պայմանով, առաջարկում են կրոնափոխ լինել, սակայն մերժում ստանալով, գլխատում են (482 թ. սեպտեմբերի 12-ին)։ Նրա նշխարները ամփոփվում են Բազավանում, սուրբ Գրիգորի մատուռի մեջ<sup>30</sup>։

Պարսկական զորքերի հեռանալուց հետո Վահան Մամիկոնյանն անմատչելի Տայքից վերադառնում է երկրի կենտրոնը՝ Այրարատ նահանգը։ Առաջին հերթին նա այցելում է էջմիածնի Մայր տաճարը, ուր պատարագներ են կատարում զոհվածների և նահատակների հիշատակին։ Այստեղից Վահան Մամիկոնյանը և նրա հետ եղածները գնում են Դվին, ուր մնում են մինչև գարուն<sup>31</sup>։

Դվինում Վահան Մամիկոնյանը հոգ է տանում երկրում կարգ ու կանոն հաստատելու մասին։ Սահակ Բագրատունու մահից հետո երկրի կառավարչի՝ մարզպանի և «տանուտէր Հայոցի» պարտականությունները ստանձնում է Վահան Մամիկոնյանը։

Ուխտադրուժ նախարարները, հակադրվելով Վահան Մամիկոնյանին, փորձում են թուլացնել նրա դիրքը, ինչպես և ռազմական ուժը։ Վրաց աշխարհից Դվին եկած մարդիկ սուտ լուրեր են տարածում, թե իբր Սահակ Բագրատունին և Վասակ Մամիկոնյանը չեն մահացել Ճարմանայի ճակատամարտում, իբր նրանց վիրավորված վիճակում բերել են ապահով տեղ և Տեղեր վանքի (Բյուրականի մոտ) մի քահանայի շնորհիվ ապաքինվել են և գտնվում են լեռներում, ինչ-որ անմատչելի տեղում։ Այս լուրը ցնցում է բոլորին և այնտեղ գտնվող Մամիկոնյան տան սեպուհ Գրիգորը խնդրում է Վահանից մի ջուկատ՝ նրանց փնտրելու համար։ Վահան Մամիկոնյանը համոզված էր, որ այդ լուրերը ճիշտ չեն, բայց, այնուամենայնիվ, որոշ թվով հեծյալներ է տալիս, թուլացնելով առանց այն էլ իր փոքրաքանակ զորքը։ Շուտով պարզվեց, որ թշնամու սարքած դավն էր այդ, -որպեսզի ապստամբները չկարողանային դիմադրել պարսիկների նոր հարձակմանը<sup>32</sup>։

Վահան Մամիկոնյանը փոքրաթիվ մի զորախմբով գտնվում էր Դվինում, երբ 483 թ. գարնան սկզբին (Ջատից հետո, որ այդ տարի ընկնում էր ապրիլի 10-ին)<sup>33</sup>, պարսկական բանակը, Ջարմիհր Հազարավուխտի հրամանատարությամբ, Ատրպատականի կողմից ներխուժում է Հայաստան, հասնելով մինչև Արտաշատ։ Թշնամու զորքը Տափերական կամրջով անցնում է Երասխը և ցրվում Հայոց ամբողջ ոստանով։ Հազարավուխտն իր բանակը դասավորում է հոսքովակերտ անտառում, որտեղից մի մասը գնում է Դվին, իսկ մի մասը հասնում մինչև Երևան բերդից դեպի հյուսիս-արևելք գտնվող Ջրվեժ գյուղը։ Վահան Մամիկոնյանն իր փոքրաթիվ զորքով անպատրաստ էր դիմադրելու թշնամուն։ Նա շտապ դուրս գալով Դվինից, հանդուգն հարձակմամբ պարտության է մատնում թշնամու՝ հարթավայրում գտնվող զորքերին, սակայն նրա զորախումբը փոքրաթիվ էր, ուստի նա ստիպված կրկին նահանջում է հայրենական կալվածքը՝ Տայք, այնտեղից էլ անցնում Խաղտիքի անառիկ լեռները՝ բյուզանդական տիրապետության տակ գտնվող սահմանները։ Պարսից բանակը շարժվում է նրա ետևից և հասնում Տայք։ Ժանապարհին

30 Նույն տեղում, էջ 337—343, Տե՛ս Մ. Օրմեյանե, Աղգապատում, հ. Ա, էջ 461։

31 Փառպեցի, Գ, հէ (աշխ. թարգմ., էջ 343)։

32 Նույն տեղում, էջ 343—349։

33 Մ. Օրմեյանե, Աղգապատում, հ. Ա, էջ 462։



պարսիկների ձեռքն են ընկնում Կամսարական երկու տիկիները՝ Ներսեհ և Հրահատ եղբայրների կանայք: Նրանց զգուշությամբ պահում էին Բողբերդ ամրոցում (այժմ՝ Բուզա-կալա ամրոցի ավերակները), հույս ունենալով, որ Կամսարական եղբայրներն անձնատուր կլինեն, սակայն իզուր: Հաղարավուտը Տաթևից վերադառնում է Բասեն դավառը և ճամբար դնում Դու գյուղի մոտերքում՝ Մուրց գետի ափունքների մոտ, Աղբերականաց (Արծաթաղբերք) դաշտում<sup>34</sup>: Սակայն շուտով Հաղարավուտը Պերողից հրովարտակ է ստանում ամբողջ ուժով գնալ հեփթաղների դեմ, որ Ալանաց դռների կողմից բերել էր վրաց թագավոր Վախթանգ Գորգասարը: Արքայից արքան հրամայում էր Հաղարավուտին գնալ Վիրք, վրաց Վախթանգ թագավորին կամ ձերբակալել, կամ սպանել և կամ վտարել երկրից, իսկ Շապուհ զորավարին թողնել Հայոց աշխարհում որպես մարգպան<sup>35</sup>:

Վիրքում Հաղարավուտն օգտագործում է այն հակասությունը, որ գոյություն ունի վրաց թագավոր Վախթանգի և ֆեոդալական վերնախավի մեջ: Վախթանգը ստիպված է լինում հեռանալ Եգեբրացվոց աշխարհում (Լազիկեի թագավորություն) գտնվող փայտում<sup>36</sup>:

Շապուհը Ոջաղե գավառում փորձում է զանազան միջոցներով Վահանին իր ձեռքը գցել, սակայն վերջինս Մաղկի գյուղի մոտ անցնում է Եփրատ գետի ափունքների մոտ գտնվող լեռանցքը և Կտրելով բյուզանդապարսկական սահմանը, մտնում է Կարնո գավառը, «Մովն Կարնո» (ըստ այլ աղբյուրների՝ «Շամբ Կարնո») լճի մոտ, որտեղից նա հույս ունի կապվել Հաշտյանքում գտնվող հայ նախարարների հետ: Այստեղ էին Մուշեղ Մամիկոնյանը և Ներսեհ Կամսարականը, որոնք հասնում են Կարին գավառում գտնվող Արծաթի գյուղը: Այստեղ է գալիս Վահան Մամիկոնյանը: Սրանց հետևում է սահմանից այն կողմ գտնվող պարսկական զուգը, որը չի հանդգնում մտնել կայսրության հողը: Կարին գավառի գյուղացիները սահմանագծի վրա սպանում են 72 պարսկական զինվոր, որոնք հետապնդում էին Վահանին ու նրա հետ գնացողներին<sup>37</sup>:

Վահան Մամիկոնյանն անցնում է Հաշտենից գավառի սահմանը և այնտեղից գալիս մարգպանական Հայաստանի Արշամունիք գավառի Երեզ գյուղը: Այստեղ տեղի է ունենում հայկական պարտիզանական ջոկատների և պարսիկների ընդհարում, որտեղ թշնամին պարտություն կրելով, նահանջում է: Երեզ գյուղի շինականները մեծ պատկառանքով էին վերաբերվում Վահան Մամիկոնյանին և նրան օգնություն էին ցույց տալիս: Տեղի բնակչության օգնությամբ մզաժ փոքր ու մեծ մարտերով Վահան Մամիկոնյանին հաջողվում է ջլատել թշնամու ուժերը<sup>38</sup>: Վահան Մամիկոնյանը և նրա զորազնդերն ամենուրեք վայելում էին ժողովրդի ակնածանքը և լայն օգնությունը:

Ռազմական այս գործողությունները տեղի են ունենում այնպիսի ժամանակ, երբ Միջին Ասիայում հոները-հեփթաղները Սասանյաններին ծանր հարված էին հասցրել: 484 թ. ամառվա վերջին իրանից անսպասելիորեն սուրհանդակներ գալով հայտնում են արքայից արքա Պերողի սպանվելու և հոների ներխուժման լուրը: Հայերի ու վրացիների դեմ կոիվները շարունակելն անհնա-

34 Փաբգեցի, Գ, հր, հթ (աշխ. Թարգմ., էջ 349—355):

35 Նույն տեղում, էջ 355:

36 Նույն տեղում, ձ, էջ 355—357:

37 Նույն տեղում, ձա, էջ 361—363:

38 Նույն տեղում, ձբ, ձգ, էջ 363—373:

րին է դառնում և պարսից զորապետներն շտապում են Տիգրոս: Հայաստանում և Վիրքում (Քարթլի) կրկին դրուժյան տերը դառնում են ապստամբ հայերն ու վրացիները:

Վահան Մամիկոնյանը Արշամունիքից Այրարատ վերադառնալով, անմիջապես ձեռնամուխ է լինում բանակը, կայազորներն ու երկրի ռազմական հենակետերը կարգի բերելու գործին: Երկրի գործակալությունները մաքրում է անվտանգության ու կասկածելի նախարարներից և ղեկավարությունը հանձնում մյուսներին՝ ժառանգականության իրավունքի խիստ պահպանման սկզբունքով: Երկրի կառավարման գլուխ կանգնած Վահան Մամիկոնյանը ղեկավարում է երկրի զինված ուժերը: Այսպիսով նա դառնում է երկրի՝ նախարարների ու ժողովրդի կողմից ճանաչված կառավարիչը: Այդ ժամանակից սկսած, ի տարբերություն բյուզանդական Հայաստանի, մարզպանական Հայաստանը դարձավ «Տանուտիրական երկիր»<sup>39</sup>, իսկ Դվինը՝ նրա մայրաքաղաքը:

Վահան Մամիկոնյանը ձգտում էր վերականգնել պատերազմներից տուժած երկրի բարեկեցությունը: Նրա օրոք վերաշինվեցին ավերված քաղաքներն ու գյուղերը: Հայոց տանուտեր «Վահան Մամիկոնյանը մեծապայծառ շքեղությամբ հիմնովին նորոգեց իր նախնիների կառուցած ու այժմ հնացած այդ Լկեղեցին (իմա՝ Վաղարշապատի Կաթողիկե եկեղեցին, էջմիածնի Մայր տաճարը)»<sup>40</sup>:

Իրանում գահ բարձրացած Պերոզի եղբայր Վաղարշին (484—491), բաժին էր ընկել պարտված ու թուլացած բանակը, պատերազմներից ավերված երկիրն ու դատարկ գանձարանը: 484 թ. վերջին Դվին է ժամանում Վաղարշի դեսպանությունը, հայտնելով, որ արքայից արքան ցանկանում է բարեկամություն ու խաղաղություն հաստատել հայերի հետ: Վահան Մամիկոնյանն ու կառավարող շրջաններն ընդառաջ են գնում այդ առաջարկությունը:

Սահմանամերձ նվարակ գյուղում (այժմ՝ Նիսակ) խոշ քաղաքից արևմուտք, կնքվելու էր հաշտության պայմանագիր՝ Հայաստանի և Իրանի միջև: Ղազար Փարպեցին հաղորդում է, որ բանակցությունները սկսելու համար ապրտամբները Վահան Մամիկոնյանի գլխավորությամբ առաջադրում են երեք հիմնական պահանջ: Առաջին՝ ոչ մի ոտնձգություն հայերի քրիստոնեական դավանանքի նկատմամբ, հայերը համարձակ և աներկյուղ պետք է պաշտեն իրենց բնիկ դավանանքը: Երկրորդ՝ պետք է անխախտ պահպանվեն Հայաստանում հաստատված նախարարական կարգերը, հարգվեն տոհմիկ ազնվականների իրավունքներն ու արտոնությունները: Երրորդ՝ հայ նախարարները ճանաչում են միայն պարսից արքայի սյուզերեն իշխանությունը և հայերի գործերը տնօրինել կարող է միայն նա՝ անձամբ, առանց ուրիշների լսելու կամ ուրիշների միջամտության:

Այս պայմանները գրով և կնիքով պետք է հաստատվեն, պնդում են հայերը, «Իսկ եթե մեր այս երեք խնդիրը չեք կարող կատարել և կարծում եք, թե անհնար է, ապա ինչպես որ մենք մահն ենք դրել աչքներին առաջ, պատրաստ կլինենք մեռնել, բայց Արյաց հպատակվել չենք կարող»<sup>41</sup>:

Պարսից բանակի հրամանատար Նիխոբը և արքան հարկադրված էին ըն-

39 Н. Адонц, Армения в эпоху Юстиниана, стр. 231—232.

40 Փարպեցի, Գ, ձգ (աշխ. թարգմ., էջ 381):

41 Նույն տեղում, գլ, ձթ, էջ 389—393:



դուներ այդ պայմանները, Հաշտության պայմանագիրը կնքվում է Հայաստանի հարավում գտնվող՝ սահմանամերձ նվարսակ դյուղում, որտեղ բանակ էր դրել պարսից զորքը՝

Վահան Մամիկոնյանը նախարարների ուղեկցությամբ և բազմաթիվ զորքով շարժվում է դեպի նվարսակ և մոտենալով պարսից բանակին, հրամայում ռազմի փողեր հնչեցնել, Նիխոր զորավարի այն պնդումին, թե այդ եղանակով պարսից բանակը մտնել կարող է միայն Արյաց սպարապետը, Վահան Մամիկոնյանը պատասխանում է՝ նախ ինձ դարձրու Արյաց տիրոջ ծառա, ապա նման սլահանջ ներկայացրու<sup>42</sup>։ Երեք տարի տևած ապստամբությունը ապարդյուն չէր անցել, որով, ինչպես և Իրանի անբարենպաստ վիճակով էր պայմանավորված հայերի համարձակ և հաստատուն դիրքը։

Նվարսակում կնքված պայմանագիրը մեծ նշանակություն ունեցավ։ Վերականգնվեցին նախարարների նախկին արտոնությունները և ժողովրդական ապստամբությունից հետո Հայաստանում հաստատված կարգերը։ Քրիստոնեությունը ճանաչվեց որպես Հայաստանի պաշտոնական կրոն։ Երկրի կառավարումը կրկին հանձնվեց հայ տոհմիկ ավագանուն։ Պետական պաշտոններում նախարարական տների գլխավորների նշանակումը պետք է կատարվեր նախարարների ժառանգական իրավունքի համաձայն և ոչ թե Սասանյանների հայեցողությամբ։ Նախարարների գերագույն սյուզերենն ու դատավորը կարող էր լինել միայն արքայից արքան և ոչ թե մարզպանը։

485 թ. զարնանը Վահան Մամիկոնյանը մեկնում է Տիգրան, որտեղ Վաղարշը նրան ընդունում է մեծ պատիվներով, Հանդիպման ժամանակ արքայից արքան կատարվածի ողջ մեղքը բարդում է Պերոզի անխոհեմ քաղաքականության վրա։ Վաղարշը հաստատում է հաշտության պայմանագրի կետերը, իսկ հետո հատուկ հրովարտակով Հայաստանի սպարապետ ու տանուտեր է ճանաչում Վահան Մամիկոնյանին։ Հատուկ հրովարտակներով իրենց պաշտոններում հաստատվեցին գործակալությունների ղեկավարները և վերականգնվեցին շնորհազրկված նախարարներից շատերի իրավունքները։ Սակայն մարզպան նշանակվեց պարսից Անդեկանը։ Նախարարները չէին կարող հաշտվել դրա հետ։ Հայկական ավագանու ճնշման տակ Վաղարշն ստիպված էր երկրի գերագույն կառավարիչ ճանաչել Վահան Մամիկոնյանին (485 թ. աշնան վերջին)։

Ապստամբների երկարատև պայքարը հաջող ելք ունեցավ, վերջնական համաձայնություն ձեռք բերվեց հայկական ավագանու և Իրանի արքունիքի միջև։ Կրկին վերականգնվեց նախարարների ու հոգևորականության արտոնյալ վիճակը։ Հայաստանը ճանաչվեց որպես կիսանկախ երկիր, որն ուներ իր ինքնավարությունը։

Այսպիսով, 450—451 և 482—484 թթ. ապստամբությունների և հայ ժողովրդի մղած ազատագրական համառ պայքարի արդյունքները նշանակալից էին։ Զախողվեցին Հայաստանը Իրանի մի սովորական մարզ դարձնելու, հայ ժողովրդի վզին լուծ դնելու, հայերին դավանափոխ անելու բոլոր փորձերը։ Հայաստանը պահպանեց իր քաղաքական ինքնուրույնությունը և տնտեսական ու մշակութային զարգացման հնարավորությունները։

<sup>42</sup> Նույն տեղում, գլ. զա, էջ 397—401։

### 3. ՀԱՅԱՍՏԱՆԸ՝ ՏԱՆՈՒՏԻՐԱԿԱՆ ԵՐԿԻՐ

Սասանյան Իրանի դեմ մղվող պայքարում Բյուզանդիան իր գորեղ գործակիցներից մեկը համարում էր եկեղեցին, որի միջոցով ձգտում էր իր քաղաքական և գաղափարական ազդեցությունը տարածել Իրանին ենթակա քրիստոնյա ժողովուրդների վրա:

Այս քաղաքականությունը հարուցում էր Սասանյանների համապատասխան հակազդեցությունը: Օգտվելով քրիստոնեական եկեղեցու մեջ տեղի ունեցած երկպառակություններից, Սասանյաններն իրենց շահերին համեմատ, լայնորեն հովանավորում էին քրիստոնեական դավանանքի այն ուղղությունները, որոնք մերժված ու հալածված էին բյուզանդական պաշտոնական եկեղեցու կողմից: Այդպիսի ուղղություն էր նեստորականությունը<sup>43</sup>: Շուտով երկպառակություններն ավելի սաստկացան:

451 թ. Քաղկեդոնում հրավիրված Տիեզերական Չորրորդ ժողովում պառակտվեցին բյուզանդական և արևելյան եկեղեցիները: Այս ժողովում դավանաբանական վեճերը բռնկվեցին միաբնակների (սմոնոֆիզիտներին) և երկաբնակների (զոիոֆիզիտներին) միջև: Միաբնակներն ուսուցանում էին, որ Քրիստոսի մեջ կա միայն մեկ էություն՝ նա ինքը աստվածն է մարդու կերպարանքով, երկաբնակները՝ հակառակը, Քրիստոսի մեջ ճանաչում էին երկու բնություն՝ աստվածային և մարդկային: Ժողովում գերակշռությունը երկաբնակների կողմն էր, որովհետև նրանց սատարում էին Մարկիանոս կայսրը և կայսրուհին՝ մահացած Թեոդոս Բ-ի քույր Պուղքերիան, Կոստանդնուպոլսի պատրիարքը և Հռոմի պապը<sup>44</sup>: Մարկիանոս կայսեր հատուկ հրովարտակով (էդիկտով) Բյուզանդական կայսրության համար պաշտոնական դավանանք էր ճանաչվում երկաբնակությունը, իբրև «ուղղափառ» եկեղեցի, իսկ մյուս բոլոր դավանությունները համարվում էին հերձված՝ «հերետիկոսական» և հալածանքների ենթակա: Այս ժամանակվանից սկսած Բյուզանդիայի սահմաններում արգելվեցին միաբնակների համայնքները, որոնք շուտով ենթարկվեցին հալածանքների: Այնուհետև երկաբնակները՝ «ուղղափառները» կոչվում էին «քաղկեդոնական», իսկ միաբնակները՝ «հակաքաղկեդոնական»: Այս սխալաստիկ կրոնական վեճերի քողի տակ ծավալվում էր քաղաքական լուրջ պայքար: Միաբնակությունը տարածված էր Բյուզանդական կայսրությանը ենթակա մի շարք հրկրներում, և կայսրության դեմ՝ ճնշված ժողովուրդների մղած պայքարի արտահայտություններից մեկն էր:

Կայսրության պաշտոնական դավանանքը՝ երկաբնակությունը կամ քաղկեդոնականությունը, մի գործիք էր կայսերական իշխող դասակարգի ձեռքին՝ ճնշված ժողովուրդներին հնազանդ ու ենթակա պահելու և ընդհանրապես նվաճողական քաղաքականություն վարելու համար:

Քաղկեդոնի ժողովը գումարելու պահին (451) Հայաստանում ապստամբությունը թուլացել էր և հայերը, ինչպես և վրացիներն ու աղվանները, այդ

<sup>43</sup> М. Я. Сюзюмов, Внутренняя и внешняя политика Византии и народные движения в первой половине V в., см. «История Византии», т. I, М., 1967, стр. 190—192, С. Т. Еремян, Политические взаимоотношения между Сасанидским Ираном, Византией и Арменией на рубеже V—VI вв., «Очерки истории СССР, III—IX вв.», М., 1958, стр. 208.

<sup>44</sup> Նույն տեղում, էջ 196—198:



ժողովին չէին մասնակցել՝ Սակայն, ինչպես հետագայում պարզվեց, այս երեք ժողովուրդների համակրանքը հակաքաղկեդոնականների կողմն էր։ Նրանք հարեւ էին կայսրության արեւելյան պրովինցիաների միաբնականների չափավոր թեւին, որպիսիք էին՝ ղպտիներն ու ասորիները։

Կայսրության կրոնական քաղաքականությունն ալեւի խորացրեց արեւելյան ճնշված երկրների պառակտումն ու թշնամությունը։ Հայերը, վրացիներն ու աղվանները կապաժանքով ու վախով էին վերաբերվում այդ քաղաքականությանը։

Եկեղեցական պառակտումն առավել նպաստեց այս ժամանակներում սկսված կայսրության արեւելյան պրովինցիաների առանձնացման ընթացքին։ Բյուզանդական կայսրության եվրոպական մասի անջատումը փոքրասիականից առանձնապես ակնբախ դարձավ Զենոն (474—491) և Անաստաս (491—518) կայսրերի ժամանակ, որոնք մի շարք միջոցառումներով ամեն ջանք թափում էին պառակտման առաջն առնելու։

Զենոնն ստիպված էր դավանաբանական հարցերում միջին գիծ ընտրել, փորձելով միավորել եկեղեցին և դրանով ամրապնդել կայսրության քաղաքական դիրքերն արեւելյան պրովինցիաներում։ Զենոնը ձգտում էր վերացնել միաբնականների ու երկաբնականների միջև գոյություն ունեցող տարաձայնությունները և դրանց մոտեցնել միմյանց։ Այդ նպատակով 482 թ. նա հրապարակեց, այսպես կոչված, «Հենոտիկոնը»՝ «միաւորութեան գիրը», որով համաձայնեցվում էին իրար հակադիր դավանաբանական ուսմունքները։ Արեւելյան եկեղեցիները՝ Ալեքսանդրիայի, Անտիոքի և հայ միաբնականները «Հենոտիկոնը» որակեցին իրեն քաղկեդոնի ժողովի հեղինակության հերքում ու որոշումների մերժում, երկաբնականների դատապարտում, և մեծ պատրաստակամությամբ ընդունեցին այն։

Զենոնի և նրան հետևող Անաստաս կայսեր այդ միջոցառումները քաղաքական նպատակ էին հետապնդում, այն է՝ միացնել բոլոր հականեստորական տարրերը։ Այս ժամանակ էր, որ Սասանյանները նեստորականությունը պաշտոնապես ճանաչեցին իբրև Իրանում ապրող քրիստոնյաների միակ պաշտոնական դավանանք։

Սասանյանների դեմ իրենց ինքնուրույնության համար մաքառող հայերը, վրացիներն ու աղվանները համառորեն պայքարում էին նաև Սասանյանների հովանավորած նեստորականության դեմ։ Այս պայքարը, ինչպես և Զենոն ու Անաստաս կայսրերի քաղաքականությունը հայերին, վրացիներին և աղվաններին նորից մերձեցրին կայսրության հետ։

Ի պատասխան Բյուզանդիայում նեստորականների հալածանքների, Սասանյաններն սկսեցին հետապնդել միաբնականներին։ Սրանց առաջ հարց էր դրված ընտրություն կատարել նեստորականության և մազդեականության միջև։ Սակայն հայերն օգտագործեցին Սասանյանների նոր դժվարությունները։

Կավատ Բ-ն (488—531), որը գահ էր բարձրացել հոների շնորհիվ, գահի հետ ժառանգեց դատարկ գանձարան։ Միակ աղբյուրը, որով նա կարող էր մեղմացնել ստեղծված վիճակը, այդ այն «ոսկին» էր, որ Բյուզանդիան, համաձայն պայմանագրի, ամեն տարի պիտի մուծեր պարսից գանձարանը, բայց դադարեցրել էր մուծումը՝ մինչդեռ հոները, որոնք սովոր էին հեշտ ճանապարհով՝ Թալանով, ձեռք բերել ուզածը, տուրք էին պահանջում պարսից արքայից արքայից։ Ստեղծված վիճակը հարկադրեց Սասանյաններին պատերազմ սկսել Բյուզանդիայի դեմ։

491 թ. Կավատ Բ-ն Բյուզանդիա ուղարկեց իր դեսպաններին, պահանջելով հերթական «ոսկին», որ կայսրությանը վճարում էր պարսիկներին՝ կովկասյան լեռնանցքների պահպանության համար: Նոր գահ բարձրացած Անաստաս կայսրը կտրականապես մերժեց այդ պահանջը<sup>45</sup>: Դրա հետևանքով 492 թ. Կավատի դեմ ապստամբեցին իրանական ազնվականներն ու զրադաշտական մոգերը՝ նրան գահընկեց անելու նպատակով: Իրանում ծայր առած երկպառակությանը օգտվեց Տանուտիրական Հայաստանը. այն հրաժարվեց ճանաչել Սասանյանների գերիշխանությունը: Ասորական պատմագիրներից մեկի վկայությամբ ապստամբ հայերը կործանեցին պարսկական ատրուշանները, կոտորեցին Հայաստանում եղած մոգերին<sup>46</sup>: Կավատի ուղարկած պարսկական զորքերը ջարդվեցին:

Ապստամբ հայերը հատուկ դեսպանություն ուղարկեցին Բյուզանդիա՝ կայսր Անաստաս Ա-ից խնդրելով ռազմական օգնություն և նրա հովանավորությունը: Սակայն Անաստաս Ա-ն չցանկանալով Սասանյաններին նոր պատերազմի առիթ տալ, կտրականապես մերժեց հայերի խնդրանքը: Հայերից հետո միաժամանակ Սասանյանների դեմ ապստամբություն բարձրացրին նաև միջին Միջագետքի արաբական ցեղերը:

Բյուզանդիային սահմանակից ժողովուրդների ապստամբությունները, ինչպես նաև պարսիկ ավագանու և մոգերի դժգոհությունները Կավատին դրեցին անելանելի վիճակի մեջ: Նա հարկադրված եղավ 496 թ. կրկին փախչել և ապավինել հոներին, իսկ գահն անցավ նրա եղբորը՝ Ջամասպին: Միայն 498 թ. Կավատը հոների օգնությամբ կարողացավ նորից գահ բարձրանալ<sup>47</sup>:

Կավատին արդեն անհրաժեշտ էր պատերազմը Բյուզանդիայի դեմ, որպեսզի նա կարողանար վարձատրել հոներին նրանց օգնության համար: Կավատն սկսեց հաշտության բանակցություններ վարել հայերի հետ: Ապստամբական իրադրությունը Հայաստանում հարթելու համար, Կավատը հայերին առաջարկում էր հետևյալ պայմանները. նախ՝ Բյուզանդիայի դեմ մղվելիք առաջիկա պատերազմի ժամանակ հայերը պետք է իրենց զորքերով միանային պարսիկներին և կովին բյուզանդական բանակի դեմ, երկրորդ՝ Հայաստանի տարածքը պետք է բաց լիներ սասանյան զորքերի առաջ, որպեսզի այդտեղից նրանք ներխուժեն Բյուզանդիայի սահմանները<sup>48</sup>:

Վահան Մամիկոնյանը, չկամենալով նոր թշնամության առիթ տալ կայսրությանը, մերժեց այդ առաջարկները: Դրանից հետո Կավատը պատերազմ սկսեց հայերի դեմ, որը վերջացավ հայերի պարտությամբ: Այս պատերազմի ժամանակ ոչ մի օգնություն չստանալով Բյուզանդիայից, հայերը հարկադրված եղան ընդունել Կավատի առաջարկները: Միաժամանակ հայերը Կավատին առաջարկեցին իրենց պայմանները: Դրանց մեջ հիմնականն այն էր, որ հայկական եկեղեցին ճանաչվի անկախ, ընդունվի Սասանյան պետության հովանավորության տակ և պաշտպանվի նեստորական հոգևորականության ու զրադաշտական մոգերի ոտնձգություններից: Կավատն ընդունեց այդ պայմանը և

<sup>45</sup> Լեո, Հայոց պատմություն, Երկրորդ ժողովածու, հ. Բ, Երևան, 1967, էջ 132:

<sup>46</sup> Н. В. Пигулевская, Месопотамия на рубеже V—VI вв. Сирийская хроника Иешу Стилита как исторический источник, М.—Л., 1940, стр. 89.

<sup>47</sup> Նույն տեղում, էջ 90:

<sup>48</sup> Նույն տեղում, էջ 92:





Կավատի վիճակը բարդացել էր, նա միաժամանակ ստիպված էր պաշտպանական պատերազմ մղել հեթանոսների դեմ: Նա մտածում էր այնպես անել, որ պատերազմը վերջանա խաղաղությամբ: Այդ ժանր դրությոնից դուրս գալու համար նա ձգտում էր հաշտություն կնքել Բյուզանդիայի հետ: Երկու աշխարհակալությունների միջև տեղի ունեցած պատերազմը վերջացավ 504 թ., Բանակցություններն սկսվեցին 504 թ. ձմռանը և ավարտվեցին 506 թ. հոկտեմբեր-նոյեմբեր ամիսներին՝ դաշնագրի կնքմամբ: Ըստ այդ պայմանագրի վերականգնվեց Բյուզանդական կայսրության նախկին սահմանագիծը, սակայն կայսրությունը վճարելու էր 11 կենտինար ոսկի<sup>56</sup>:

Այս ժամանակաշրջանում բյուզանդացիներն իրենց տեր ու տիրական էին զգում Տանուտիրական Հայաստանում, և երբ Վահան Մամիկոնյանը մահացավ, Անաստաս կայսրը երկրի կառավարիչ հաստատեց նրա եղբայր Վարդ Մամիկոնյանին՝ «պատրիկ» տիտղոսով: Հայ ժողովրդի հիշողության մեջ Վարդը մնաց իբրև «Վարդպատրիկ»<sup>57</sup>:

Մինչ տեղի էին ունենում խաղաղության բանակցությունները, Անաստաս շտապեց իրականացնել իր կրոնական քաղաքականությունը՝ Հայաստանում, Վիրքում ու Աղվանքում, 506 թ. Անաստասը հրապարակում է մի նոր հրովարտակ, որով ազդարարում էր, որ նա անցնում է միաբնակների կողմը և սկսում է հալածել նեստորականներին ու քաղկեդոնականներին: «Շերետիկոսների» դեմ ծավալված պայքարի ոլորտն են ընդգրկվում նաև միաբնակ եկեղեցուն հետևող հայերը, վրացիներն ու աղվանները, որոնց դաժանանքն այժմ լիովին համընկնում էր Բյուզանդական կայսրության մեջ պաշտոնապես ընդունված միաբնակների (հակաքաղկեդոնականների) դոգմաներին:

Ի նշանավորումն Անաստաս կայսեր հրովարտակի, նույն՝ 506 թ. Դվինում Բաբկեն կաթողիկոսը (506—512) հրավիրեց հայ, վրաց և աղվանից եկեղեցիները կազմող թեմերի եպիսկոպոսներին, որոնք մեծ հանդիսավորությամբ ընդունեցին ու հաստատեցին Անաստաս կայսեր հրովարտակը<sup>58</sup>: Եկեղեցական այս ժողովը պաշտոնապես ճանաչեց միաբնակ դավանանքը, իսկ նեստորականությունն ու երկաբնակությունը (քաղկեդոնականությունը) համարվեցին հերձված<sup>59</sup>: Այս ժողովի որոշումների «պայման գիրը» գրվել է հայերեն, հունարեն, ասորերեն, վրացերեն և աղվաներեն, բայց մեզ հասել է միայն հայերենը<sup>60</sup>:

Այնուամենայնիվ, բյուզանդացիների տիրապետությունը, որը փաստորեն, հովանավորության բնույթ էր կրում և որի ժամանակ իրականում Տանուտիրական Հայաստանը համարյա անկախ երկիր էր, երկար չի տևում: Իրանի և Բյուզանդիայի միջև կնքված հաշտության պայմանագրի համաձայն Տանուտիրական Հայաստանը կրկին ընկնում էր վասալական կախման մեջ Սասանյան Իրանից: Կավատը պարտավորվում էր անհիշաչար լինել և պատասխանատվության չենթարկել հայ նախարարներին, որոնք պատերազմի ժամանակ անցել

<sup>56</sup> Ըստ Պրոկոպիոսի այդ ժամանակավոր համաձայնագիրը կնքվել էր յոթ տարի ժամկետով Proc. Caes., De bello persico, I- 7,5: *Η. Β. Πυζυγεσκα*, №24. աշխ., էջ 121—130.

<sup>57</sup> Այդ անունով է հիշատակվում նա «Սասունցի Դավիթ» դրոշագնավազում:

<sup>58</sup> Ե. Տեր-Մինասյան, Բարգեն կաթողիկոսի ժողովի թվականը և տեղը տե՛ս Ե. Տեր-Մինասյան, «Պատմաբանասիրական հետազոտություններ», Երևան, 1971, էջ 31—44.

<sup>59</sup> Նույն տեղում:

<sup>60</sup> Ինչպես իմանում ենք այդ փաստաթղթի հայերեն տեքստից, հայերեն բնագիրը ոչնչացվել է հրգեհի ժամանակ՝ Նոյեմբերյան և հայերեն է թարգմանվել հունարեն բնագրից:



էին Բյուզանդիայի կողմը: Կավատի հատուկ հրովարտակով պատրիկիոս Վարդը պարսից արքունիքի կողմից հաստատվեց Հայաստանի մարզպան ու սպարապետ: Վարդը հարկադրված էր հաշտվել ստեղծված իրավիճակի հետ և իրեն ճանաչել Սասանյան Իրանի արքայի վասալ: Սակայն նույնիսկ այս վասալական վիճակը Սասանյանները չեն հանդուրժում: Կավատը Վարդին իր մոտ է կանչում և զրկում պաշտոնից: Վարդը մահանում է 509 թ., օտարության մեջ: Նրա մահվանից հետո Կավատը, չսպասելով խաղաղության պայմանագրի ժամկետը լրանալուն՝ 511 թ. Տանուտիրական Հայաստանի կառավարիչ՝ մարզպան նշանակեց պարսիկ Բուրգանին (509—520)<sup>61</sup>, Այսպիսով, Հայաստանը կրկին դառնում էր պարսից մարզպանություն<sup>62</sup>, որը Ատրպատականի, Վիրքի և Աղվանքի հետ մտնում էր Երանշահի «Հյուսիսային Քուստակի» կազմի մեջ: Այսպիսով, գրեթե անկախ Տանուտիրական Հայաստանը որոշ ընդհատումով գոյություն ունեցավ 450—509 թթ. միջև: Այս ժամանակաշրջանում էր, որ հայկական մշակույթը ապրում էր իր «սահեղարք»: Մատենագրության մեջ հանդես եկան Մովսես Խորենացին, Նղիշեն, Ղազար Փարպեցին և Դավիթ Անհաղթը:

#### 4. ՄԱՐԶՊԱՆԱԿԱՆ ՀԱՅԱՍՏԱՆԸ ՀՅՈՒՄԻՍԱՅԻՆ ՍՊԱՅԱՊԵՏՈՒԹՅԱՆ ԿԱԶՄՈՒՄ: ՍԱՍԱՆՅԱՆՆԵՐԻ ՆՈՐ ՀԱՐԿԱՅԻՆ ՔԱՂԱՔԱԿԱՆՈՒԹՅՈՒՆԸ

Սասանյան Իրանի պետությունը VI դարում ապրում էր իր վերելքի ժամանակաշրջանը: Խոսրով Ա Անուշիրվանի (531—578) թագավորության ժամանակաշրջանում իր ավարտին է հասնում Սասանյան Իրանի՝ Երանշահի ռազմավարական և հարկային ռեֆորմը<sup>63</sup>:

Արդեն Կավատ Ա-ի ժամանակ Երանշահը վարչականորեն բաժանված էր չորս «քուստակների»՝ երկրամասերի: Խոսրով Ա Անուշիրվանի ժամանակ ռազմական ռեֆորմով այդ չորս երկրամասերը միաժամանակ դարձել էին ռազմական շրջաններ: Յուրաքանչյուր՝ երկրամաս՝ «կողմ», բաժանված էր առանձին մարզպանությունների և «շահերի» («աշխարհների»):

Մարզպանական Հայաստանը, Ատրպատականը, Վիրքը (Քարթլի՝ Վարջան) և Աղվանքը (Արդան՝ Առան), ապա Կասպից ծովի հարավային եզերքին գտնվող Դմբավանդ, Տապարստան, Ռուան և Ամուլ երկրները կազմում էին Հյուսիսային Քուստակը, որը կոչվում էր նաև «Քուստ-ի-Կապկոհ», այսինքն՝ Կովկասյան Քուստակ<sup>64</sup>: Հյուսիսային Քուստակի մայրաքաղաքն էր Գանձակը

61 Մ. Չավլյան, Պատմություն Հայոց, հ. Բ, էջ 236:

62 Աղվանքում (որտեղ կարճ ժամանակով՝ մինչև 510 թ. թագավոր էր Վաչագան Բարեպաշտը) և Վիրքում նույնպես շուտով վերացվեցին թագավորությունները և այդ երկրների կառավարիչներ նշանակվեցին մարզպանները (տե՛ս Կ. Վ. Тревєр, История и культура Кавказской Албании, IV в. до н. э.— VII в. н. э., М.—Л., 1969, стр. 225, 218):

63 Sk'us A. Christensen. L' Iran sous les Sassanides, Copenhagen, 1944.

64 Անանիա Շիրակացու «Աշխարհացոյցում» պահպանվել է կովկասյան քուստակը կազմող երկրների լրիվ ցուցակը: Ըստ Անանիա Շիրակացու «Պարսից աշխարհը չորս մասի է բաժանվում», որոնցից երկրորդը Հյուսիսային փոխարքայությունն էր: Անանիա Շիրակացին հաղորդում է՝ «Քուստակ-ի-Կապ-կոհ», որ Կովկասյան լեռների երկիրն է և որտեղ կա տասներեք աշխարհ, Ատրպատական, Արմն՝ որ Հայքն է, Վարջան՝ որ Վիրքն է, Ռան՝ որ Աղուանքն է, Բաղասական, Սիսական, Առն, Գեղան, Շանճան, Դմուք, Դմբավանդ, Տապարստան, Ռուան, Ամուլ (տե՛ս Ս. Տ. Նրեմյան, Հայաստանը ըստ «Աշխարհացոյցի», Երևան, 1961, էջ 115):

(Գանձակ Շահաստան)՝ Կապուտան (Ուրմիա) լճից հարավ-արևելք, Այստեղ էր նստում Հյուսիսային երկրամասի փոխարքան՝ «պատգոսպանը»:

Հյուսիսային Քուստակի զորամասերը կենտրոնացած էին այժմյան Մուղանի դաշտում, Փայտակարան քաղաքի շրջանում, որտեղ ժամանակի ընթացքում անց Բայլական քաղաքը: Ամբողջ Քուստակի զորամասերը գլխավորում էր «սպայապետը»:

VI դ. երկրորդ քառորդում Անդրկովկասի երեք երկրում էլ վերացված էին տեղական թագավորների դինաստիաները, իսկ Հայաստանի պարսկական մասը, Վիրքը և Աղվանքը կառավարում էին սասանյան արքայից արքայի կողմից նշանակված մարզպանները:

Այս ժամանակաշրջանից սկսած արդեն գոյություն ունեին Անդրկովկասի երեք երկրների մայրաքաղաքները՝ Դվինը, Տիգրիսը, Պարտավը: Մարզպանական Հայաստանում 481—484 թթ. ապստամբությունից հետո մայրաքաղաքը Արտաշատից փոխադրվել էր Դվին: Իսկ Դվինի քաղաքային տարածքը, որը, սովորաբար, կոչվում էր «Ոստան Հայոց», այնուհետև կոչվում էր «Ոստան Դւնոյ», կամ պարզապես՝ «Դւնայ դաշտ»:

Բացի մարզպանություններից, Քուստակ-ի-Կապ-կոհի կազմում կային ավելի փոքր վարչական միավորներ՝ «շահրեր», որոնք գտնվում էին մարզպանությունների կազմում: Այդպիսին էր Բաղասականը, որն իրև առանձին շահր մտնում էր Ատրպատականի մարզպանության կազմում, որի կենտրոնն էր Փայտակարան քաղաքը: Այս կենտրոնի անունով Բաղասական նահանգը «Աշխարհացոյցում» կոչվում է Փայտակարան:

Դեռևս Կավատ Ա-ի ժամանակ սկսվել էր հարկահանության նոր սխեմի կիրառումը<sup>65</sup>, որն իր ավարտին է հասնում խոսքով Ա Անուշիրվանի ժամանակ: Մարզպանական Հայաստանում անց է կացվում աշխարհագիր՝ գրանցվում են ցանքատարածությունները, այգիներն ու պարտեզները, ինչպես և անասունների գլխաքանակը: Աշխարհագրից հետո կարգավորվում է հողահարկը: Գլխահարկի քանակը պարզելու համար կազմակերպվել է ազգաբնակչության վիճակագրություն: Հարկը գանձվում էր տարեկան երեք անգամ: Հողահարկը վճարում էին ազգաբնակչության բոլոր խավերը, իսկ գլխահարկը՝ ստորին դասերը՝ շինականները և քաղաքացիները<sup>66</sup>:

Հարկային նոր սխեմի մեծ դժգոհություն հարուցեց բնակչության բոլոր խավերում: Նախկինում հողահարկը գանձվում էր բնատուրքի ձևով՝ պարզապես տրվում էր ստացված բերքի որոշ քանակը, այժմ հարկահավաքները՝ «համարակարները» պահանջում էին և բնատուրքով, և դրամով: Հարկի գանձման այս ձևը հատկապես դժվար կացության մեջ էր գցում գյուղացիությանը, որն ընկնում էր վաշխառուի ճանկը: Նոր հարկային սխեման ավելի խորացրեց հողի կենտրոնացումը խոշոր և միջին կալվածատերերի մոտ՝ ի հաշիվ մանր հողատերերի, որոնք աղքատանում էին:

Խորանում է սոցիալական շերտավորումը գյուղական համայնքի ներսում,

<sup>65</sup> Այս խոշոր պետական միջոցառումներն իրականացվում էին սոցիալ-դասակարգային պայքարի օրման պայմաններում, որոնց գրեթե ամեն էր Մազդակի (մահ. 523 թ.) գլխավորած շարժումը: Տե՛ս Н. В. Пигулевская, Маздакитское движение, «Известия АН СССР», серия истории и философия», 1944, № 4, М. М. Дьяконов, Եղվ. աշխ., стр. 306.

<sup>66</sup> Н. В. Пигулевская, К вопросу о податной реформе Хосрова Анушйрвана, «ВДИ», 1937, № 1.



որը հետևանք էր նաև այն բանի, որ նա ուներ իր սեփական տնտեսությունը և արտադրության գործիքներ: Մի դեպքում գյուղացու ընտանիքում ավելի շատ աշխատավոր ձեռքեր և կանոնավոր արտադրության գործիքներ կային, մյուս դեպքում՝ հողագործ գյուղացին զուրկ էր դրանցից և սրան ավելանում էին սարերային դժբախտությունները, անբերրիությունը, սովը, համաճարակները և այլն: Այս ամենի հետևանքով խորանում էր գույքային և սոցիալական շերտավորումը:

Հայաստանի հյուսիս-արևելյան մասերում ապրող բնակչության միջավայրում դեռևս գոյություն ունեին հետամնաց կացութաձևեր: Արցախի լեռնային բազմաթիվներում ու կուսական անտառներում կային համայնքներ, որոնց հիմնական զբաղմունքը անասնապահությունն ու որսորդությունն էր: Համայնքների միությունները կազմում էին «ազգ», որոնց գլխավորում էր «ազգապետը»: Դեռևս գոյություն ունեին արենակցական համայնքներ, որոնց գլուխ կանգնած էին տոհմապետները՝ «նահապետները»:

Ազգաբնակչության հիմնական մասը կազմում էին գյուղական համայնքներում միավորված երկրագործները՝ նյութական բարիքների ազատ արտադրողները: Դրանք տերիտորիալ-համայնքային միություններ էին, որտեղ արենակցական կապերն իրենց տեղը զիջել էին դրացիական ու տնտեսական կապերին:

Գյուղական դրացիական համայնքն իրենից ներկայացնում էր գյուղացիական երդերի-ընտանիքների հանրագումար: Գերիշխող էր մենամուսնական ընտանիքը՝ իր առանձին տնտեսությունով, որը որոշ կախման մեջ էր պետական իշխանությունից: Ընտանիքի գլուխ կանգնած էր «տանուտէրը»: Գյուղական համայնքը «գեղը» կամ «շէնը» գլխավորում էր «գեղջառագը» կամ «առագ շինին»<sup>67</sup>,

Գեղջավազը գյուղացու հարկերի գանձման համար պատասխանատու էր պետության ներկայացուցիչ «համարակարին»:

Պետության առաջին իսկ պահանջով գեղջավազը պետք է հավաքագրեր ռազմիկներ՝ տեղական ռազմական իշխանություններին հանձնելու ինչպես և բանվորական ուժ՝ գարիկպետի ներկայացուցչի տրամադրության ներքո: Սրանց բանվորական ուժն օգտագործվում էր պետական շինարարության մեջ:

Եկեղեցական ժողովների կանոնադրությունները ցույց են տալիս գյուղական համայնքներում տեղի ունեցող գույքային և սոցիալական շերտավորումը: Համայնքի անդամների մի մասը հարստանում էր ի հաշիվ աղքատացող համայնականների: Գյուղական համայնքի վերնախավին էին պատկանում գեղջավազների ընտանիքները, որոնք բնորոշվում էին դեհկան բառով<sup>68</sup>, «Դեհկանութիւնը» կազմում էր մանր հողատերերի հիմնական մասը: Այս ժամանակ, գյուղական համայնքներում արդեն կար գյուղացիների երեք տարբեր շերտ՝ «թուանիկ», «տառապեալ», «վար և ալգի շունեցող»:

Այդ մասին է վկայում Աղուենի 488 թ. եկեղեցական ժողովի կանոնների չորրորդ հոդվածը, ըստ որի գյուղացիները պտուղ էին վճարում գյուղական երեցին, հետևյալ կարգով. 1. «Թուանիկը»՝ չորս «գրիվ» ցորեն, «վեց գրիվ» գարի և տասնվեց «քաս» քաղցու. 2. «տառապեալը» տալիս էր նախորդի կեսը և գինի,

<sup>67</sup> С. Т. Еремян, Экономика и социальный строй Албании в IV—VII вв., «Очерки истории СССР», III—IX вв., стр. 307—308.

<sup>68</sup> Նույն տեղում:

որչափ կարող էր. 3. «վար և այգի շունեցողը»՝ ոչինչ: Բացի դրանից՝ ով ոչխար ուներ, վճարում էր մեկ ոչխար և երեք գզաթ բուրդ և մեկ պանիր. ով ձիեր ուներ՝ մեկ ավանակ և ով տավար՝ մեկ հորթ<sup>69</sup>:

Բնամթերային մուծումների վերը բերված թվարկումը լրիվ չէ: Դա միայն այն հարկն էր, որ գյուղացին տալիս էր եկեղեցուն: Հարկերի մյուս տեսակը և քանակը մեզ հայտնի չեն: Բնակչության համար ծանր էր մանավանդ հարկահանության կապալային սիստեմը, որը բավականաչափ զարգացավ Խոսրով Ա. Անուշիրվանի հարկային ռեֆորմներից հետո: Կապալը շարաշահումների լայն հնարավորություններ էր ստեղծում:

Հարկային նոր սիստեմն ավելի ուժեղացրեց հողերի կենտրոնացումը խոշոր ու միջակ հողատերերի ձեռքում և ավելի ստվարացրեց հողագուրկ, չքավոր ու թափառաշրջիկ մարդկանց շարքերը:

Հովհան Մայրավանեցին տիրող դասակարգի ուշադրությունը հրավիրում էր այդ ընչազուրկ մարդկային զանգվածի վրա: «Ինչպե՞ս պետք է մտածել աղքատի ու տնանկի մասին: Մտածելն այն է, երբ նրա տառապանքը միտդ ես բերում, որ նա քո եղբայրն է և կարիք է. զգում այն ամենի, ինչպես և դու, և կարող է ամեն բանի... և դաժան քաղցի վտանգից դրդված՝ շրջում է ու անհանգիստ թափառում. նա տապից տառապում է, ցրտից դողում, նրա որովայնը դատարկ է, և մարմինը մերկ, մաղբրը թաղթած, դեմքը թռչնած ու դեղնած...»<sup>70</sup>:

Այսպիսով, ունեցվածքային ու սոցիալական շերտավորումը և հարևան հղոր պետությունների դարավոր մրցակցությունը հայ ժողովրդի լայն զանգվածներին գցել էին սոցիալական ու տնտեսական ծանր վիճակի մեջ, որը նրանց մղում էր պայքարի՝ հանուն հայրենիքի ազատագրության:

<sup>69</sup> Մովսես Կաղանկատվացի, էջ 97—103: Կ. В. Тревер, История и культура, стр. 295—296.

<sup>70</sup> «Յովհաննու Մանգակունտյ ծառք, Թուղթ յաղագս ողորմութեան տնանկաց», Վենետիկ, 1836, էջ 40: